



















GEORGII PROCHASKA,

MEDICINAE DOCTORIS, AC PROFESSORIS ANATOMIAE  
MORBORVMQVE OCVLORVM IN CAESAREO-REGIA  
VNIVERSITATE CAROLO-FERDINANDEA PRA-  
GENSI REGII PVBLICI AC ORDINARII,

# ADNOTATIONVM ACADEMICARVM.

---

*F A S C I C V L V S*

CONTINENS.

- I. Observationes anatomicas de decremento dentium corporis humani, quibus accessit causarum dentitionis secundæ elucidatio quædam.
- II. Descriptionem anatomicam monstri humani bicipitis monocorporei.



---

P R A G A E

'APVD WOLFGANGVM GERLE. 1780.



ROYAL COLLEGE OF PHYSICIANS LIBRARY	
CLASS	61
ACCN.	15864
SOURCE	
DATE	

ROYAL COLLEGE  
OF  
PHYSICIANS  
OF  
LONDON




## PRAEFATIO.

Observationes de decremento dentium corporis humani in hoc libello conjunxi cum historia monstri humani bicipitis monocorpoi, quam anno præterito, dum adhuc Viennæ morarer, conscribendi occasionem habui. Hoc præcipue ea de causa feceram, quod breves adeo Dissertatiunculas, quæ vix unam alteramve fileram tantum explent, Librarii in suos computus libenter non recipiunt, & cum nimis facile volatiles tales chartæ deperdantur, atque in oblivionem transcant. Conclufi igitur binas illas materies sub titulo *Adnotationum academicarum* edere; quo sub titulo



continuabo publicare similes breves  
Observationes ad Artem medicam,  
præcipue vero ad Anatomem, Physio-  
logiam, & quoque Pathologiam spe-  
ctantes, quas occasio suggeret, quæ-  
que visæ fuerint cujuspiam in Arte  
utilitatis, publicaque luce dignæ.  
Cæteroquin spero, quod hosce meos  
conatus **BENEVOLVS LECTOR**  
eo adhuc respecturus sit animo, quo  
de meis laboribus hucusque beni-  
gnum tulerat judicium.

*Dabam Pragæ 7. Octobris*  
1779.



# OBSERVATIONES ANATOMICAE

DE

DECREMENTO DENTIVM CORPORIS  
HVMANI.

---

## §. I.

**N**on tantopere exhaustam corporis humani cognitionem esse, quin multa adhuc addenda & perquirenda sint, est monitum summorum in arte virorum, qui a perscrutatione naturæ se semper doctiores rediisse falsi sunt; attamen novas anatomicas observationes in lucem proferre de die in diem difficilius fieri pari jure adstrui posse videtur: nam quanquam rerum in corpore humano observandarum multitudo ingens fuerit, eam tamen post tot inventa totque ac tantos maximorum virorum felices labores jam notabiliter diminutam fuisse oportet; accedit adhuc, quod, cum plerumque faciliora observatu magisque obvia prius detegantur, postremo remaneant res maxime obsconditæ, ad quas penetrare non licet facile industriæ humanæ. Nihilominus tamen mihi hodie observationes aliquas de



decremento dentium humanorum dare licet, quæ tam obviæ sunt, ut centies per diem in oculos cujuslibet incidere possint, quasque propterea a plerisque Anatomicis prorsus neglectas fuisse satis mirum videtur.


Omnes Anatomici a GALENO, VESALIO, EVSTACHIO, usque ad recentiores WINSLOWVM, HALLERVM, ALBINVM & HVNTERVM, tradunt qua ratione & quibuscum mutationibus dentes a primo suo plane exordio ad summam perfectionem usque perveniant; sed in quanam ætate illud perfectionis agmen aquirant, & quales mutationes postmodum in illis occurrant observandæ, adnotare plerique plane neglexerunt, nonnullis vero obiter tantum & brevissime aliquid excidit \*). Interim tamen crediderim utile fore, si ad historiam dentium

\*) In GALENI *lib. XI. de usu partium corporis hum.*; ubi de dentibus vel maxime differit, nihil, quod observationem illam concernat, habetur.

Apud VESALIVM in operis de corporis humani fabrica lib. I. cap. XI. de dentibus Galenica, repetuntur, & quid mutationis per usum dentes aquirant, nihil aliud memoratur, nisi quod nutritio in illis continuo tantum restituat, quantum per usum deperditur.

In EVSTACHII opusculo de dentibus nihil quoque adnotatum, quod huc spectaret, reperitur. Neque in observationibus anatomicis FALLOPII. Qui postmodum de Anatome scripsere, quemadmodum in plerisque ita etiam in dentium explanatione





tium corporis humani, qua eorum formatio, incrementum, permutatio, numerus, situs, figura, ac structura, nexus ususque explicantur, etiam eæ mutationes, addantur, quas illis continuus usus per detritiōem infert, & quibus a dentibus perfectis plus minusve differunt. Harum mutationum adnotatio in Anatome tanto majoris momenti mihi esse videtur, quod nec puer quinquennis, nec juvenis viginti annorum sit, cujus dentes suam perfectionem haberent ita, ut nihil in iis usū jam periisset, quare neque jam tales dentes descriptioni Anatomicorum, quam de dentibus perfectis dare solent, ad amissim respondere possunt. Et ut in genere dicam: Medicos non solummodo nosse oportet, qua

A 4

ra-

tione tam GALENVM quam VESALIVM secuti sunt, neque, quidnam mutationis dentibus humanis per continuum eorum usum accidat, adnotarunt, quin imo nihil mutationis contingere videntur credidisse, cum tantum novi dentibus apponi, quantum per usum deperditum fuit, unanimiter scripserint.

Hoc dentium incrementum plerique ex illa observatione vel maxime probari posse autumarunt, quod videlicet dente uno evulso dens in altera maxilla ei respondens ultra alios in locum dentis evulsi prolongatus fuerit, ut fere totum oppositum foramen repleret. Vid. DIEMERBROECKII Anatom. lib. XI. & ROLFINCIVM.

CLOPTON HAVERS in observ. de dentibus observationem illam de dente in locum dentis oppo-



ratione 'machina corporis humani formari ordiatur, & quibuscum mutationibus auxiliisque ad perfectionem suam adscendat; verum etiam quibuscum mutationibus in proprium suum interitum declinet.

## §. II.

Cum itaque illarum mutationum, quas dentes per continuum usum patiuntur, intellectus tantum in eorum structura fundari possit, etiam congruum fuerit hic breviter paucisque tantum dentium structuram attigisse, antequam illas mutationes explanare adgrediar.

Den-

oppositi & evulsi prolongato in dubium vocat, cum sæpe contrarium observaverit. Tandem quod abrasionem crustæ adamantinæ concernit, dicit: "Verum equidem est, vix concipi posse, "tenuem adeo substantiam, quantumcunque etiam "dura supponatur, homini per universum vitæ "cursum inservire posse sine ulla reparatione, ut "omnino supponere cogamur, quasdam ejus partes atteri, postmodum renovandas aut reparandas.,, Vnde apparet hunc Auctorem detritum in dentibus non observasse.

Inter recentiores WINSLOWVS illius dentium mutationis per detritum non meminit.

MONRO in sua osteologia inquit: "Ast, non "obstante stupenda duritie crustæ adamantinæ, "destruitur ea tamen tandem masticatione. "Quare acies quorundam dentium obtunduntur  
"latio-

Dentes ob figuram suam in coronam & radicem dividuntur. Radix ea dentis pars est, quæ aliis simplex, aliis semiduplex, duplex, & triplex aliis in alveolis maxillarum inclavata esse solet. Corona dentis vero illa pars est, quæ ultra gingivas in cavo oris prominens nuda cernitur, varia in variis dentibus prædita figura. In incisivis dictis cuneum in aciem terminatum refert, cujus anterior facies aliquantum convexa, interior vero seu posterior nonnihil concava est, taceo differentias, quibus incisivi superioris maxillæ ab iis maxillæ inferioris, & cujuslibet etiam maxillæ interni seu medii ab exterioribus discriminantur. Caninorum, qui proxime incisivos exteriores sequuntur,

A 5

coro-

“latioresque evadunt, dum interea aliorum dentium inæquales superficies applanantur.,”

BERTIN in osteologiæ suæ parte altera inquit deteri cuspides molarium successu ætatis, in senectute vero totas perire coronas. De detritu incisivorum nihil memorat.

HALLERVS Elem. Phys. Tom. VI. Lib. XVIII. Sect. I. §. XIX. inquit: “Etiam prius detritis mucronibus complanantur,” (molares dentes videlicet) BERTINVM secutus.

HUNTER Histor. natur. dentium humanor. Capite de cavitate repleta dentium, dicit dentes usu deteri ita, ut corona ad collum usque aliquando detrita sit, & non prodire cavitatem dentis in conspectum; videri ergo nova substantia ossea cavitatem dentis repleri in ea proportionem,



corona spectabilior est, & instar coni in apicem terminata, cujus coni tamen interna facies leviter ac inæqualiter excavata est. Hos dentes *Celeberr.* HUNTERVS in suo elegantissimo opere de dentibus cuspidatos vocavit, quoniam quilibet in unam cuspidem terminatur. Dentes molares primi duo, BERTINO molares minores dicti, qui utrobique caninum sequuntur in adultis, minores sunt cæteris molaribus, & HUNTERO bicuspidati vocantur, cum corona eorum binis cuspidibus terminetur. Coronæ horum dentium vix æquant magnitudine coronam caninorum, & præcipue corona primi molaris maxillæ inferioris, quæ quoque quoad figuram suam a corona canini non multum

tionem, in qua corona abraditur, ut nunquam cavitas in abrasa corona pateat, & distingui illam novam ossæam materiem in dente abrafo colore obscuriore. Et *Capite* de continuo dentium incremento: dicit dentes post adeptam semel completam longitudinem sensim diminui.

PLENK in Tract. de morb. dentium cum BERTINO & HALLERO molares prius in suis mucronibus abradi, quam cæteros. In juventute crustam adamantinam abrasam a natura restitui, sed post trigesimum ætatis annum non amplius, consequenter videri tunc omnes dentes jam aliquantum detritos. Effectum abrasæ crustæ adamantinæ esse: ut dentes reddantur magis sensibiles, ut a calidis aut frigidis sibi applicitis doleant, tandemque etiam facile cariosi evadant.





tum differt, nisi quod sub facie sua interna inæqualiter cava secunda cuspis exurgat, attamen longe inferior cuspide externa. Cuspis interna secundi molaris est elatior, ut fere æquet cuspidem externam. In loco horum duorum dentium post dentem caninum in pueris, qui adhuc primarios suos dentes, seu lacteos, habent, sunt duo dentes, quorum corona latior est, & similis coronæ reliquorum molarium dentium. Habent autem cæteri molares, tertius nempe & quartus, & quintus, si adest, coronas  
la-

KEMME in Tractatu dicto: *Zweifel und Erinnerung wider die Lehre der Aerzte von der Ernährung der festen Theile.* Halle 1778. In articulo de dentibus negat dentes nutriri contra alios Authores, quibus hoc nutrimentum necessarium videbatur, ut detritæ per continuum usum dentium partes rursus restituerentur, quum alias homo in sua optima ætate nullos jam haberet dentes. Rationes, quare illud negat Clarissimus iste Vir, sequentes præcipue allegat: primo quoniam dentium & præcipue crustæ adamantinæ tanta est durities, ut omni tritui, cui dentes obnoxii sunt, satis diuque resistere possit, seque novisse senem septuagenarium, qui omnes adhuc dentes albos nitidosque, & tam perfectos, ut optimis magnitudine non cederent, habuerat. Secundo aliis adhuc argumentis evincere conatur impossibilem crustæ adamantinæ reparationem. Postremo admittit quidem possibilem dentium detritum, sed hunc in homine sano non sequi tam brevi, & quod semel deperditum est, hoc nunquam amplius restitui.





latas, quarum superficies tribus, plerumque quatuor, aliquando quinque cuspidibus majoribus inæqualis reddita est. In singulis dentibus angustia quædam exigua quidem notatur, quæ inter coronam & radicem terminum quemdam ponit, quamque Anatomici collum appellare consueverunt. Duas adhuc substantias Anatomici in dentibus semper adnotarunt: quarum una ossea dicitur, quæ totam radicem & etiam internam coronæ partem constituit; altera adamantina aut vitrea plerumque vocatur, quæ totam coronam dentis externæ incrustat crusta ad mediam lineam fere crassa in adultis, in primariis vero dentibus seu lacteis dictis crusta illa tenuior est, ut  $\frac{1}{4}$  lineæ partem non excedat. Hæc crusta durissima est & ex fibris potissimus radiatis composita, ad collum dentis vero ubi pervenit, extenuatur, atque simul ibi evanescit, nec unquam eam per totam radicem productam observare potui, ut nonnullis Auctoribus visum fuerat. Omnes dentes intus, sua nempe in corona, cavitate aliqua gaudent figuræ dentis haud absimili, perioestioque investita, ad quam ab apice radicum aditus est mediante aliquo canaliculo ab apice radice per ipsam radicem usque ad corpus dentis continuato \*).

Dentium itaque radices firmandis iisdem inserviunt, coronæ vero alimentis aut scindendis

\*) Vide Tab. I. fig. 1.

dendis aut dividendis in majores partes, aut commoliendis in minores particulas pro diversitate suæ figuræ destinatæ sunt (taceo alias dentium utilitates, ut v. g. ea in loquela eit). Et quanquam coronarum dentium substantia ossea sat dura est, tamen nimis cito frequenti ac quotidiano usu in morsu & masticatione detritæ fuissent, longeque prius ante vitæ terminum periissent totæ, nisi interitus ille crusta quadam adamantis fere duritie prædita, qua coronæ dentium osseæ obductæ sunt, retardaretur, ut coronæ dentium tamen nomini utcumque cœvæ saltem pro parte sua persistere possent. Non obstante durissima illa crusta, quæ dentium coronas circumdat, facit tamen quotidianus usus dentium, ut continuo particulæ insensiles ex coronis deterantur nulla ratione ultra restituendæ; unde fit ut coronæ juniorum integræ, crescentis vero ætatis jam pro parte detritæ videantur, in decrepita vero ætate maxima earum pars jam periisse observetur, quas differentias nunc accuratius indicare conabor.

### §. III.

Qua ratione dentes incisivi per continuum eorum usum deterantur.

Eæ coronarum partes, quæ vel maxime præ cæteris elatæ sunt, ut plurimum tritui  
in



in morſu ac maſticatione exponuntur, quare etiam primo deteruntur: ſic in dentibus inciſivis acies ſunt, quæ ut plurimum patiuntur, & propterea etiam primo obtunduntur. Dentes inciſivi tam primarii ſeu lactei quam ſecundarii aciem habent, dum prodeunt ex gingivis, tribus parvis cuſpidibus inſtruſtam, quod videre eſt in prodeuntibus illis dentibus tam apud infantes, quam pueros, ubi dentitione ſecunda alii novique ac ſecundarii inciſores in locum lacteorum prodeunt \*).

Hæ cuſpides primæ ſunt, quæ morſu deteruntur, & prius quidem plerumque in mediis inciſoribus utriuſque maxillæ, quam in exterioribus; quo facto acies dentium inciſorum non cuſpidata, ſed recta cernitur. Hoc ita in dentibus primariis ſeu lacteis factum obſervatur ſub finem anni ſecundi ætatis; in ſecundariis vero dentibus circa annum ætatis undecimum.

Dum detritus hac ratione pergit, etiam ſucceſſive cruſta vitrea aciem inciſorum tegens abraditur, aciesque non ſolum obtuſior redditur, verum in medio ejus in conſpectum prodit tenuis ac tranſverſa linea, quæ denotat poſt abraſam ibi cruſtam jam jam prodeuntem in conſpectum ſubſtantiam coronæ interioris oſſeam dictam, ſua quoque acie \*\*).

Hoc

\*) Vide Tab. I. fig. 2.

\*\*) Vide Tab. I. fig. 3.



Hoc in incisivis lacteis observatur tertio & quarto ætatis anno, in secundariis vero decimo septimo, decimo octavo, decimo nono & vigesimo in utroque sexu. Tamen iste detritus tunc adhuc in mediis incisforibus notabilior est quam in exterioribus, cum illi magis tritui expositi sint, & prius e gingivis eruperunt.

Successu temporis continuatoque incisforum usu continuo major coronæ pars abraditur, quæ propterea continuo brevior breviorque evadit, & acies ejus latior obtusiorque fit, & linea illa in media acie transversa continuo latior adparet ac flavicans, quo colore vel maxime se a candido adamantinæ crustæ colore distinguit. Ex quo ergo jam manifestum fit non solum crustam adamantinam in acie incisforum, sed ipsam jam dentium mediam substantiam osseam magis magisque abradi. Hoc ita fit jam in omnibus incisivis secundariis tam externis quam internis a vigesimo ætatis anno ad trigessimum & continuo magis ad quadragesimum & quadragesimum quintum usque\*). Incisfores lactei, dum labuntur, solent esse jam ita abrafi, ut incisfores secundarii trigesimo ætatis anno.

In multum jam provecta ætate ipsoque in senio coronæ incisforum dentium  $\frac{1}{2}$  imo  $\frac{2}{3}$  fui

\*) Vid. Tab. I. fig. 4. eousque incisfores jam abrafi esse solent quadragesimo & quadragesimo quinto ætatis anno.





fui partes tritum perdidere, & loco aciei scindenti latam superficiem, ac si truncatae fuissent, ostendunt, quam superficiem circa circum ambit residua portio crustae adamantinae, & in medio ejus flavicans dentis substantia se visui offert \*).

Quando sic coronae incisorum usque ad mediam sui partem & ultra abrasae sunt, deberet in conspectum prodire cavitas eorum, quae ad medietatem coronae imo saepe nonnihil altius se se extendit, nihilominus tamen nulla cavitas in conspectum prodit, licet media imo fere tota corona abrasa jam fuerit. Sed quando jam ad medietatem ferme corona abrasa est, tunc in media flavicante ossea dentis substantia, nova linea transversa magisque flavicans & fere simul nonnihil rubicundi coloris adparet \*\*), quae ea proportionem, qua corona magis abradiatur latefcit \*\*\*), donec integra fere corona abrasa maculam satis irregularem eformet \*\*\*\*). Sic primo intuitu adparet, quasi substantia dentis ossea in medio sui nucleum quoque osseum, sed profundioris coloris gereret; ast haec materies, ossea quidem, noviter illuc deposita a natura est, quae cavitatem dentis per abrasionem ejus coronae inevitabiliter patulam obturat, ne tam injuriis


\*) Vide Tab. I. fig. 5.

\*\*) Vide Tab. II. fig. IV.

\*\*\*) Vide Tab. II. fig. V.

\*\*\*\*) Vide Tab. II. fig. VI.





juriis aëris quam alimentorum potulentorumque, in cavitates dentium abraforum patulas lapsurorum, nervi periostei interni dentium exponerentur, unde necessario vel maxime dolores summi orerentur. Hæc nova dentis ossea substantia non replet totam dentis cavitatem a radice incipiendo ad coronam usque, sed illa cavitatis obliteratio in corona incipit, & quidem tantum in casu necessitatis, quando dens eo usque usu abrafus est, ut metus oriatur, ne patula fiat ibi dentis cavitas, tanta mala productura. Vnde videmus, nec satis mirari possumus, quanta moliatur natura sæpe in bonum nostrum? Hanc admirandam naturæ providentiam primus *Celeberrimus* HUNTERVS detexit, & in præclaro suo opere de dentibus \*) capite de *cavitate repleta* descripsit, sed dolendum, quod tam elegans & utile opus adeo male traductum in linguam latinam fuerit, ut nullus liber possit unquam pejus traduci; nam adeo scatet erroribus non tantum typi sed Grammaticalibus, ut non solum nauseosissimus lectu sit, verum sensum Auctoris reddat difficilimum, & sæpissime plane impossibilem intellectu.

B

Tali

\*) Historia naturalis dentium humanorum &c. quam ex Anglico idiomate in latinum & batavum transtulit PETRVS BODDAERT Med. Doct. Dordraci anno 1773.



Tali ratione, paralelle videlicet, ab acie versus basim demoliuntur incisorum dentium coronæ. Fit tamen in plerisque hominibus; ut dentes incisores maxillæ inferioris, ubi ad superiorem adducitur, retro dentes incisivos maxillæ superioris adscendant, totæque quandoque coronæ incisorum inferiorum retro superiores abscondantur, sicut una forficis lamina retro alteram gliscit. In hoc casu, gliscente nimirum incisorum inferiorum aciei parte anteriore per faciem incisorum superiorum posteriorem, fit inferiorum tritus quoque in anteriore facie, & superiorum in posteriore, propterea quoque plerumque in inferioribus incisibus præter horizontalem suam abrasionem alia in facie anteriore prope aciem abrasio notatur \*). Incisorum vero superiorum facies posterior propterea sæpe tam excavata cernitur, ut abrasa ibi tota crusta adamantina sit, & insuper substantia ossea coronæ flavicans multum quoque rasa adpareat \*\*).

Contrarium debere iis in subjectis evenire patet, quibus mandibula inferior naturaliter ante superiorem prominet, & incisores superiores retro inferiores descendunt in morfu.

Nec obscurum erit, quomodo terantur incisores dentes eo, quamvis rariore, in casu, ubi duo dentes incisores superiores ante sibi respondentes incisores inferiores  
de-

\*) Vide Tab. II. fig. I.

\*\*) Vide Tab. II. fig. II.

descendunt, & vice versa alii duo incisores superiores retro sibi respondentes incisores inferiores se demittunt.

In eo casu ubi dens incisor aliquis non naturalem sed tam obliquum situm habet, ut ejus acies cum acie dentis incisoris correspondentis accurate non coincidat, sed se decussent, tunc utraque acies non solum horizontaliter raditur, sed etiam ita inciduntur, quasi in duas portiones quælibet corona findi deberet \*).

Aliquando licet videre homines, quorum arcus alveolares maxillarum sibi non bene proportionati sunt, unde fit, ut dentes incisores utriusque maxillæ suis aciebus se nunquam tangere possint. Talem calvariam habeo, in qua arcus alveolaris superioris maxillæ multo magis convexus est arcu alveolari inferioris maxillæ, quare dentes incisivi inferioris maxillæ, quando ea ad superiorem adducta est, retro incisores superiores stant in distantia trium linearum. Hi dentes etiam tam parum abradi sunt, ut in eorum aciebus cuspides bene adhuc distinguantur, & hæc calvaria est tamen ex homine plus quam viginti annos nato. Simile quid etiam observavi non vitio arcuum alveolarium, sed vitio nimie obliquitatis versus anteriora dentium incisorum, quales dentes usque ad senectutem longiores persistant.

B 2

§. IV.

\*) Vide Tab. II. fig. III.



## §. IV.

## Quomodo &amp; quando dentes canini deterantur.

Corona dentis canini, seu sic dicti HUNTERO cuspidati, cum in unam cuspidem terminetur<sup>\*)</sup>, est ejus cuspis quoque ea pars, quæ tritui omnium maxime & primo exponitur, quare etiam primo abraditur. Abrasa hac suprema cuspidē, quæ fere ex mera adamantina substantia constat, obtusior ipsa evadit non solum, sed etiam demum in medio obtusæ cuspidis punctum flavicans conspicitur, notans jam prodeuntem in conspectum interiorem coronæ osseam substantiam<sup>\*\*</sup>), quod aliquando jam vigesimo ætatis anno adparet in dentibus secundariis. Punctum istud successive latius evadit, quo plus de corona abraditur, & latefcit eousque donec in semilunarem ad exteriora convexam flavicantemque maculam abeat<sup>\*\*\*</sup>), quod ad quadragesimum ætatis annum & ultra sic observari solet. Ista macula ipsa demum in latitudine sua augetur continuo, quo plus de corona deperditur<sup>\*\*\*\*</sup>), quod ita post sexagesimum ætatis annum observatur.

Ca.

\*) Vide Tab. I. fig. 6.

\*\*) Vide Tab. I. fig. 7.

\*\*\*) Vide Tab. I. fig. 8.

\*\*\*\*) Vide Tab. I. fig. 9.



Canini lactei, quum serius incisivis prodeant, ab attritu tam brevi non patiuntur, & propterea quarto ætatis anno appropinquante primo puncti illius indicium observari solet.

## §. V.

Qui deteruntur dentes duo primi molares, HUNTERO bicuspidati dicti.

Primi duo molares dentes (secundarii videlicet) multo minore corona omnino gaudent, quam sequentes molares. Inter hos bicuspidatos dentes ille, qui primus mox post caninum in maxilla inferiore est, sua corona a corona dentis canini vix differt, & propterea præcipue in unam cuspidem terminatus esse videtur \*). Hic dens abraditur itaque eodem fere modo & tempore, ut caninus; unde circa vigesimum ætatis annum & post in apice ejus illud punctum flavicans jam adparet \*\*), ad quadragesimum ætatis annum illud punctum adeo ampliatum est, ut semilunarem maculam referat \*\*\*), & post quinquagesimum ætatis annum illius semilunaris maculæ cornua ad se accedunt an-

B 3

nulum

\*) Vide Tab. I. fig. 10.

\*\*) Vide Tab. I. fig. 11.

\*\*\*) Vide Tab. I. fig. 12.



nulum formatura, in cujus medio ob foveolam ibi reperiundam macula candida crustæ adamantinæ relinquitur \*).

Bicuspidati superioris maxillæ ambo & ille secundus maxillæ inferioris distinctas binas cuspides habent, externa tamen semper altior esse solet, quam interna \*\*). Hinc cuspis externa circa vigesimum ætatis annum quoque, aliquando uno alterove anno prius vel serius, ita abrasa reperitur, ut in ea illud punctum flavicans substantiæ dentis osseæ appareat \*\*\*). Post trigesimum ætatis annum ad quadragesimum in altera cuspidē, hoc est interna, quoque prodit illud punctum flavicans \*\*\*\*), quæ ambo puncta postea magis magisque dilatantur, ut in semilunares maculas abeant, suis cornubus se respicientes \*\*\*\*\*), quod ita post quinquagesimum imo ultra sexagesimum annum est; serius vero etiam illæ maculæ semilunares confluunt in annulum, in cujus medio plagula crustæ adamantinæ remanet; quæ abrasa fere tota coronam in viridi senectute eraditur quoque, ut non nisi unica flavicans plagula remaneat.

## §. VI.

\*) Vide Tab. I. fig. 13.

\*\*) Vide Tab. I. fig. 14.

\*\*\*) Vide Tab. I. fig. 15.

\*\*\*\*) Vide Tab. I. fig. 16.

\*\*\*\*\*) Vide Tab. I. fig. 17.

## §. VI.

Modus tempusque detritus dentium  
molarium posteriorum.

Hi dentes corona ergo multo ampliore figuræ cuboideæ donati sunt, cujus superior superficies, qua nempe dentes utriusque maxillæ se respiciunt, inæqualis tribus, passim quatuor \*) vel quinque cuspidibus gaudet conoideis. Hæ cuspides triturationi maxime exponuntur, proinde quoque primo abraduntur, unde pereunte earundem acie abrasaque ibidem crusta adamantina in singularum cuspidum obtusis apicibus prodeunt puncta flava osseam jam substantiam patulam denotantia, quod in tertio & quarto molari dente adeo manifestum fit primo anno ætatis trigesimo & quadragesimo \*\*), in dente sapientiæ adhuc serius, cum multo tardius, si unquam, erumpat. In dentibus molaribus primariis seu lacteis hoc circa duodecimum ætatis annum & tempore eorundem lapsus appropinquante contingit. Hæc puncta successu ætatis latefcunt quoque magis magisque, donec in maculas semilunares expandantur \*\*\*), quod ætatem certe quinquagenario majorem arguit. Pergente detritu maculæ illæ semilunares confluunt in

B 4

annu-

\*) Vide Tab. I. fig. 18.

\*\*) Vide Tab. I. fig. 19.

\*\*\*) Vide Tab. I. fig. 20.





annulum, in cujus medio candicans plagula est a relicta crusta adamantina \*), quod ætatem septuagenario fere majorem denotat; quam in medio conspicuam plagulam candicantem, a superstite crusta adamantina relictam, viride senium quoque delet.

Observatur nonnunquam, quod cuspides coronæ dentis molaris omnes non æqualiter abrasæ sint, sed una tantum vel altera; reliquæ vero longe minus, vel ferme nihil; aliquando vero nulla cuspidis abrasa cernitur, sed inter cuspides erasa foveola observatur; quorum autem phænomenon ratio est, quod coronæ dentium sibi oppositorum propter aliquam obliquitatem sibi recte in masticatione non corrépondeant.

## §. VII.

Corollariorum loco quæstiones aliquas hic apposui, quibus etiam sua responsa annectuntur, ut tanto magis utilitas illarum observationum eluceret.

### I.

*An per illas observationes ex inspectis dentibus hominis ætas determinari potest?*

Nemini ignotum erit Equisones inspicere dentes equorum, quando de eorundem ætate

\*) Vide Tab. I. fig. 21.



ætate se certos reddere volunt. Considerant illi in prima ætate numerum dentium lacteorum, demum horum lapsum & secundariorum propullulantem seriem, & tandem etiam secundariorum detritum, & hoc quidem faciunt cum utilitate, cum in externa corporis facie tam manifesta transactæ ætatis indicia non conspiciantur. De Hominis autem ætate mortales judicare consueverunt ex faciei præprimis lineamentis ac rugis, ex reliqui corporis habitu, ex capillorum canitie, & ex ipsa animi corporisque vivacitate, & plura alia combinare eos docuit experientia ac exemplum in eundem finem. Nihilominus tamen certum est dari in dentibus humanis monumenta transactæ ætatis indelebilia, quæ etiam a curiosis consuli poterunt. Ast cum prudentia oportet illis ætatis indiciis uti, cum certo quidem ætatem plus minusve provectam doceant, verum annum præcisè nequaquam determinare valent. Nam illa differentia, quæ per unicum annum infertur, tam notabilis non est; accedit adhuc quod homines duriori victu perpetuo utentes dentes nonnihil magis ante tempus detritos habere possint; præterea defectus quorundam dentium efficere potest, ut cæteri dentes, qui supersunt, quoque aliquantum magis solito detriti reperiri possint, cum in masticatione ac morsu hos dentes aliorum defectum supplere oporteat. Et vice versa ii dentes minus detriti reperiuntur, qui



actionem dentium sibi oppositorum non experiuntur propterea, quod oppositi dentes diu ante evulsi aut carie consumi erant, vel quod iisdem recte non correspondeant.

## II.

*An dentes illius senis septuagenario majoris, cujus Cl. KEMME \*) meminuit, illi alias inevitabili tritui obnoxii non erant?*

Narrat Clarissimus Vir illum hominem in sua senectute tales dentes habuisse, ut candore, elegantia, firmitate, nitore, integritate, consistentia, & debita magnitudine nec optimis dentibus cederent. Certe candorem nitorem ac elegantiam & firmitatem habere potuere senis illius dentes, ast integritatem revera in dubium vocare debeo, quod spero condonabit mihi Clarissimus Vir, cum dentes, qui per sexaginta & ultra annos quotidianum tritum experti sunt, de sua integritate aliquid deperdere debuerunt, & pro parte detriti apparere, si rem juxta naturæ leges consuetas processisse concedamus; sed illa detritus vestigia non præmonito potuerunt in oculos non incidisse.

## III.

\*) Vide ejus opusculum jam antea citatum.

## III.

*Quare ergo coronæ dentium crusta durissima, sic dicta adamantina, obductæ sunt?*

Quod per crustam lapideam seu adamantinam coronæ dentium magnam aquirant firmitatem, ne tam cito totæ detereantur; agnoverunt omnes Anatomici. Et certe in optima adhuc ætate totæ coronæ jam abrasæ essent, si ex simplici substantia ossea compositæ fuisset, crustæ vero adamantinæ beneficio fit tamen, quamvis omnem detritum impedire non possit, ut coronæ dentium non annihilentur ante eam ætatem, qua vita humana terminari communiter solet. Qua in re admirandam naturæ sapientiam videmus, quæ illa instrumenta sic fabricavit, & cum tōta machina humana commensuravit, ut non plura æva humana superare possent, sed cum uno quoque terminarentur, quapropter etiam ad septuagesimum & octuagesimum ætatis annum dentium, qui supersunt, totæ fere coronæ derafæ observantur, quo tempore etiam communiter vita humana terminatur, non obstantibus extraordinariis casibus, ubi ad centum & ultra annos vita humana prolongata fuerat \*). Non defuerunt Clarissimi Viri, qui crustæ adamantinæ etiam illum

usum

\*) Vide W. G. PLOUCQUET Med. Doct. und Professor, Vom menschlichen Alter, und den davon abhängenden Rechten. 1779.





usum assignabant, ut nempe defenderet subjectam substantiam osseam tam ab injuriis aëris quam a diversis alimentorum potulentorumque qualitatibus, cum denudata ossea dentis substantia & nimis sensilis sit, & in cariem seu putredinem statim prona. Hoc assertum non probant observationes nostræ, ex quibus patet, substantiam dentis osseam posse per multos annos nudam esse expositam tam aëri quam diversæ qualitati alimentorum potulentorumque, quin tamen de dolore dentium conquerendum habeamus, aut dentes, propterea, quod in iis detritis substantia ossea pateat, cariosi reddantur. Et vidi plures dentes, in quibus per violentum morsum portio crustæ adamantinæ separata fuit, qui tamen sic per plures annos perseverarunt, quin aut dolerent, aut carie aficerentur. Nec volo pro argumento adhuc producere dentes molares equorum aut boum, qui laminam vitream ipsi substantiæ osseæ intertextam habent, in quibus consequenter perpetuo substantia dentium ossea nuda exposita cernitur.

#### IV.

*An detritus dentium quoque inter causas dentitionis secundæ numerari potest?*


Vt hanc rem tanto evidentius ob oculos ponere possim, juverit hic paucis mentem super hanc materiem præcipuorum Auctorum adduxisse.

VESALIUS in opere suo *de corporis humani fabrica cap. XI. de dentibus* talem opinionem de dentitione secunda se habuisse declarat: Dentes puerorum dicit mollibus, & quasi medullosis gaudere radicibus, & coronas esse tanquam mollium illarum radicum appendices; fieri tunc per usum dentium, ut coronæ utpote molli radici annexæ vacillent, cadantque relictis mollibus in alveolis radicibus, ex quibus succrescunt dentes novi secundarii. Propterea monet, ne in evulsione dentis lactei simul extrahatur ejus radix, cum secus nunquam successurus sit dens secundarius.

COLVMBVS discipulus VESALII mentem præceptoris sui presso pede secutus est, quod videri potest in opere ejus *de re Anatomica lib. I. de ossibus*.

FALLOPII *observationes anatomice* bienio post COLVMBI librum prodierunt, in quibus VESALII errorem corrigit dicendo: divinum VESALIVM, quod de appendicibus dixerat, minime dixisse, si diligentissime observasset, quemadmodum pro instauranda Anatome fieri debuisset, puerulorum calvarias. Dentes duplex habere tempus, quo generantur: unum in utero matris post malarum generationem; & alterum ante septimum ætatis annum. Hos secundos dentes ex propriis quibusdam feminariis gigni, quibus simul novi generantur alveoli.





Biennio post comparuit EVSTACHII *Tractatus de dentibus*, ubi in capite XXII. aperte dicit primis dentibus subjacere alteros, qui illos suo tempore expellunt. Sed observari inter lacteos & subjacentes secundarios interstitium osseum, quod eos dirimat, quod profecto si Anatomiae Instauratores (VESALIVM præcipue velle videtur,) prout eorum studium postulabat, observassent, de appendicibus Dentium inventis sibi ipsi non ita placerent.

Postmodum omnes ferme Anatomici sententiam FALLOPII & EVSTACHII amplexi sunt, excepto DIEMERBROECKIO, qui in suæ Anatomiae lib. IX. de ossibus plane inique contra EVSTACHIVM & ejus Sectatores RIOLANVM & ROLFINCIVM debachatur, ac VESALII sententiam de appendicibus mordicitus tuetur, usus similitudine a cornubus cervi desumpta, quæ omni anno vel sesquianno ex eadem radice nova renascuntur antiquis detrussis.

ALEX. MONRO in Osteologia sua dicit septimo ætatis anno lacteos dentes ab iis, qui interea in maxillis formabantur, extrudi. Et hanc secundam dentitionem habere istam utilitatem: quod nimirum dentes lactei non haberent sufficientem latitudinem explendi maxillas adulti hominis, quæ multo majores evadunt; secundarios vero dentes ob resistantiam, quam in protrudendis lacteis experiuntur, latiores fieri & aptiores ad densam



densam conjunctamque dentium seriem effor-  
mandam.

BERTIN in Osteologiæ suæ parte altera  
rationem, cur altera dentitione novi cre-  
scent dentes, assignat hanc, quod lactei den-  
tes ad mollia & tenera alimenta commo-  
lienda & ad addiscendam verborum pronun-  
ciationem destinati sint, & propterea eos  
esse debiles ac tenellos; in adultiore vero  
ætate viscera nostra cum duriora alimenta  
exposcant, opus esse quoque fortioribus ac  
solidioribus dentibus, quos secunda denti-  
tione aquirimus.

ALBINVS in *Adnotat. academ. T. II.* ob-  
servavit, quod appropinquante tempore se-  
cundæ dentitionis radices lacteorum magis  
magisque consumantur, quibus consumptis,  
cum coronæ solum cum gingivis cohæreant,  
vacillant continuo magis, donec levi plane  
morsu pueris exturbentur absque ullo etiam  
dolore.

HALLERVS in Elem. Phys. Tom. ult.  
dentes lacteos cadere partim quod radices  
eorum a subsequenter conterantur; par-  
tim quod nutriri desinant ob compressa a  
sequeutibus dentibus sua vasa; partim quod  
forte ab acri humore radices illæ corro-  
dantur.

DE WASSERBERG in Aphorismorum  
suorum de dentibus §. XL. causas secundæ  
dentitionis aliorum Auctorum allegat dicen-  
do: "Vnde jam acrem humorem a vicinis  
"par-



“partibus secretum; jam priorum radicem  
 “germantem; jam & inferiorem coronam,  
 “superiorum radicem sensim adterentem &c.  
 “ad explicationem illius adsumpserunt.,  
 Contra quas in §. XLI. “Sed nec humor acer,  
 “nec organum secernens, via, modus, nec  
 “causa illo solum præsens tempore demon-  
 “strata; priorum radicem germantem in-  
 “feriores in foetu jam præsentes refellunt;  
 “inferiorum coronam superiorum radicem  
 “sensim adterentem diaphragma, distantia  
 “ipsa interjecta refutat., Et §. XLV. alias  
 rationes assignat dicendo: “Dentitionis se-  
 “cundæ lapsus priorum circa septimum con-  
 “tingentis annum causæ; inferiorum abso-  
 “luta perfectio; moles major, majori jam  
 “indigens nutrimento; radix sensim longior;  
 “radicis in superioribus lacteis absentia; nu-  
 “trimentum semper magis, magisque defi-  
 “ciens, inferioribus impendendum; totius  
 “corporis incrementum, robur majus; gin-  
 “givarum, alveolorum actio; fors & aliâ,  
 “adhuc incognita, severissimo examine de-  
 “tegendâ.,

HUNTERVS in capite *de causa mutatio-  
 nis dentium*, operis videlicet jam ante citati,  
 ejus mentis fuisse videtur, si eam feliciter ex  
 latina ejus operis traductione assecutus  
 sum, quod lactei dentes ob suam magni-  
 tudinem & constructionem in adulta maxilla  
 non possent suo fungi munere, quodque  
 majores & fortiores requirantur; & nisi la-  
 ctei



ætei viam quasi pararent secundariis, quod hi septimo ætatis anno facile non prodirent, vel prodeundi occasionem non haberent. Negat a resistantia lacteorum secundarios latiores fieri, & in exemplum adducit bicuspidatos, qui minores sunt molaribus lacteis primis, sub quibus locantur. Articulo *de methodo excussionis dentium* negat dentes lacteos a subjacentibus secundariis jam jam incrementibus extrudi ob sequentes præcipue rationes: primo quod dens lacteus, qui prius deberet excidere, ante elapsum elatior cæteris lacteis esse deberet; secundo, quod incisores ac cuspidati secundæ seriei a parte interiori dentium correspondentium primæ seriei locati sint; tertio quod prima serie excussa succedentes dentes sæpe longe adhuc ab eruptione sua absint. Sed cadere dentes lacteos cum eorum radices totæ ad collum usque destruantur, attamen non destrui illas per pressionem coronæ dentis succedentis, cum novi dentes in propriis contineantur alveolis.

Visis variorum Auctorum sententiis de causis secundæ dentitionis, dicam quid recte mihi ab illis dictum videatur, quidque iisdem addendum existimem. Omnium primo causas secundæ dentitionis dividere oportet in causas finales seu dentitionem illam secundam exposcentes; & in causas efficientes eandem. Sic causæ, ob quas natura alteram dentitionem in homine molitur, sunt

C

præ-






præcipuæ: *Primo* quod maxillæ infantum ac puerorum valde parvæ sint, parvosque arcus alveolares habeant, in quibus etiam non nisi minores & pauciores dentes locari poterant, quam quidem in maxillis adultorum. Maxillæ vero versus & post septimum ætatis annum præcox incrementum sumunt, ita ut arcus multo majores successive aquirant alveolares, in quibus si dentes lactei permanerent, non possent seriem dentium sibi contiguam efformare, sed interstitia magna inter singulos dentes nascerentur, quæ & morsui & masticationi nimium obessent, erat proinde necessarium naturæ novos & latioribus coronis donatos dentes generare, eosque lacteis, qui in latitudinem incrementa non ultra assumunt, substituere, qui in majoribus maxillis dentium contiguam, adeoque ad morsum & masticationem idoneam seriem efficere valeant. Quare ratio MONROI omnino quod locum habeat patet. Altera finalis ratio est in tenera structura, (habent enim multo tenuiorem crustam adamantinam) & parva coronarum lacteorum dentium mole. Hi dentes sufficiunt mollioribus infantum ac puerorum alimentis commoliendis, ut monuit BERTIN, verum durioribus & toto vitæ tempore mandendis nequaquam. Si porro videmus lacteos dentes sub usu mollioris cibi septimo ætatis anno ita jam demolitos, ut esse solent secundarii trigésimo ætatis anno, tunc considerata



siderata simul tenui lacteorum crusta vitrea, & considerata parvitate brevitatemque coronarum lacteorum, necessario sequitur, quod si lactei perstarent, eorum coronæ post vigesimum ætatis annum jam totæ demolitæ forent, nec homo in optimo flore ætatis ultra dentes masticationi morsuique aptos haberet; adeoque ipse quoque inevitabilis lacteorum detritus secundarios dentes subsequi exposcit.

Expositis causis finalibus secundæ dentitionis, exponam nunc quoque causas efficientes, quarum videlicet auxilio natura secundos dentes prodire faciat. Certum cum esset dentes lacteos nec potuisse in majoribus factis maxillis suo munere fungi, nec potuisse durare tamdiu, ut vita hominis exigit, necessarium erat, ut esset sollicita natura, unde secundarios dentes produceret. Posuit itaque in substantia ossea maxillarum semina seu rudimenta secundariorum dentium sub feminibus lacteorum, serius evolvenda; hæc tempore a natura destinato dum evolvi incipiunt, molem continuo majorem aquirunt, & laminas compactas maxillarum ab invicem magis recedere faciunt, quod videre est in puerorum maxillis. Porro mole majore acquisita dentes secundarii laminas maxillarum magis ab invicem recedere faciunt, quod fit continuo magis magisque versus marginem alveolarem, unde non potest non fieri, quin alveoli lacteorum dentium intra binas illas laminas comprehensi laxentur,





tur, quibus laxatis dentes lactei suis in alveolis firmi esse non possunt, hinc vacillare incipiunt, quod ubi fit, radices lacteorum instar tenerorum canaliculorum osseorum fabricatæ in laxatis suis alveolis vacilando inter morsum & masticationem confringuntur ac conteruntur. Hic radicum contritus magis ad coronam pergit, cum proportionate alveolum dentis lactei abbreviari oporteat secundario dente magis ad marginem alveolarem urgente, donec totis contractis ac contritis radicibus dentes lactei solis gingivis adhærentes facile deturbentur. Ista explicatio adhuc magis comprobari potest experimento ALBINI, qui ope filii extraxit duos dentes incisivos externos maxillæ inferioris lacteos, ambos linea recta, unus dens vacillabat nihil, & alter parum; ille extractus dens, qui nempe nihil vacillabat, habuit totam suam radicem leviter tantum lateraliter arrosam, sed qui parum vacillaverat, habuit radicem in posteriore parte ad collum usque corrosam vel contritam. Hoc itaque de causis secundam dentitionem efficientibus, quod mihi, si non plane verum, saltem vero simile hucusque videbatur. Nec officere videtur huic explicationi diaphragma osseum, alveolum secundarii dentis ab illo lactei interstinquens; hoc enim ob molem secundarii dentis sensim auctam assurgens ad radicem lactei atteritur, quo tritu non solum radix illa conteritur, tanto forte facilius, quod nutrimento

mento careat ob compressa sua vasa a dente subsequente, verum & ipsum septum, seu diaphragma osseum commolitur, ut via tanto patentior ad exitum secundarii dentis paretur.

## V.

*An dentes continuo & tota vita crescunt?*

Plurimorum Anatomicorum ex ante dictis patet opinionem fuisse, quod dentes perpetuo crescant, cum crederent dentibus perpetuo tantum noviter opponi, quantum per quotidianum usum deperditur; verum hi Auctores non recte dentes aspexerunt, secus vidissent, quid per quotidianum usum in dentibus pereat nunquam amplius restituendum. Aliqui perpetuum illud dentium incrementum tam in longum quam in latum ex sequentibus exemplis probari posse autumabant: quod nempe dente uno evulso dens oppositus in vacuum factum spatium assurgat, vicinisque elatior fiat; secundo dentes proximos denti evulso ob incrementum suum in latitudinem ad se se accedere & pro parte foramen illud explere. Ad hæc respondit *Celeb. HUNTER* qui citati operis *Cap. de continuo dentium incremento*, quod illa observatio de assurgente dente in spatium dentis oppositi proveniat a dispositione processus alveolaris ad assurgendum, cum resistentia ei per dentem oppositum, qui contraniti solebat, ablata sit. Etiam forte ea ratio pro parte



locum habuerit, quod dens, cui oppositus evulsus est, minus cæteris abradatur? Et quod dentes vicini cavitatem evulsi dentis pro parte repleant, non esse causam illorum incrementum in latitudinem, sed simplex eorum inclinatio eo, ubi non suffulciuntur; quod tanto certius ita fieri credere possumus, cum evulsi dentis relictus alveolus obturandus sit, quod sit laminis processus alveolaris ad se se contractis, unde vicinorum dentium obliquitas nata tanto melius intelligitur. Propterea ergo dixerat HUNTERVS dentes una vice completam adipisci longitudinem, & tum sensim diminui, & nullam continui incrementi adesse apparentiam. Revera sic observamus dentes crescere, primo coronæ a summitate formari incipiunt, quibus formatis radices perficiuntur, radice nondum perfecta corona jam ex gingivis erumpit, & statim ad cibos & dentes oppositos atteri incipit, & observavi, quod cuspidēs in acie incisorum jam abrasæ fuerint radice in infima sua parte nondum perfecta, siquidem ibi satis amplo adhuc pateret foramine. Porro contra continuum dentium incrementum est ipsa secunda dentitio. Nam si dentes perpetui incrementi tam in longum quam latum capaces essent, possent lactei una cum maxillis increfcere, nec opus esset secundarios fortiores ac majores producere. Sic itaque credo certum esse, dentes habere limites sui incrementi, ultra quod non pergunt, sed quo aquifito saltem in coronis per detritum continuum decrefcunt.

# EXPLANATIO

## FIGVRARVM.

---

### *Tabula I.*

*Figura 1.* Repræsentat dentem incisorem maxillæ inferioris juxta longitudinem per medium dissectum, quo ejus duplex substantia & in medio contenta cavitas adpareret.

a. a. Crusta adamantina coronam dentis ad collum ejus usque circumdans.


b. b. Substantia dentis ossea, interiorrem ejus coronæ partem & radicem totam constituens.

c. c. Cavitas ab apice radice usque ad mediam coronam continuata. In apice hujus radice patebat satis adhuc amplum orificium, cum dens adhuc junior esset, neque in integrum adhuc perfectus.

*Figura 2.* Dens maxillæ inferioris incisivus medius, ex interna facie conspectus, cujus corona adhuc integra est, & aciem suam adhuc tricuspidatam habet.

*Figura 3.* Idem dens est, sed cujus acies jam eo usque demolita videtur, ut non solum tricuspides ejus jam deper-





ditæ sint, verum quoque in acie jam linea transversa appareat, denotans ibi post abrasam crustam vitream in conspectum prodire incipere substantiam dentis coronæ osseam.

*Figura 4.* Idem dens, sed quoad majorem partem abrasus, in cujus obtusa acie substantiæ osseæ latior stria flavicans adparet crusta adamantina albicante circumscripta.

*Figura 5.* Idem dens, sed corona ejus jam ultra medietatem detrita est, qui loco aciei jam planam superficiem habet, in cujus medio flavicantis substantiæ osseæ plagula cernitur.

*Figura 6.* Dentem caninum inferioris maxillæ ex facie interna conspectum repræsentat, cujus corona adhuc integra est, & superius cuspide sua ornata.

*Figura 7.* Idem dens, cujus autem cuspis jam abrasa est, & in ejus loco apparet punctum, flavicans naturaliter, notansque jam jam in conspectum prodeuntem substantiam dentis osseam.

*Figura 8.* Idem dens fere ad medietatem usque abrasus, ubi punctum illud flavicans jam in semilunarem maculam excrevit.

*Figura*

*Figura 9.* Idem dens, cujus corona jam ultra medietatem detrita est.

*Figura 10.* Dens molaris primus maxillæ inferioris, seu bicuspidatus H V N T E R I integra adhuc gaudens sua cus-  
pide externa.

*Figura 11.* Idem dens, ubi abrasa cuspile punctum flavicans ossæ dentis sub-  
stantiæ apparet.

*Figura 12.* Idem dens, in cujus jam multum abrasa corona punctum illud flavi-  
cans jam in semilunarem abivit maculam.

*Figura 13.* Idem dens ultra mediam jam co-  
ronam abrasus, ubi semilunaris  
macula jam in circulum tendit.

*Figura 14.* Dens molaris maxillæ inferioris  
secundus, H V N T E R O bicuspidatus quoque dictus, cujus corona  
integra est, & ambas adhuc suas  
cuspidēs habet.

*Figura 15.* Dens idem, cujus cuspidis externa  
eminentior jam abrasa est, & pun-  
ctum flavicans substantiæ dentis  
ossæ gerit.

*Figura 16.* Idem dens, cujus ambæ cuspi-  
des jam abrasæ sunt, & quælibet  
punctum flavicans substantiæ ossæ  
ostendit.

*Figura 17.* Idem dens cujus coronæ jam ma-  
gna pars abrasa est, & illa puncta  
jam in maculas semilunares abie-  
runt.





*Figura 18.* Est dens molaris maxillæ inferioris tertius, cujus lata corona quatuor cuspidibus prædita adparet.

*Figura 19.* Idem dens, ubi illæ cuspides jam abrasæ sunt, & sub qualibet cusptide punctum flavicans osseæ dentis substantiæ relictum est.

*Figura 20.* Idem dens, in cujus magis jam abrasæ corona substantia ossea flavicans forma duorum punctorum majorum & duarum macularum semilunarium in conspectum prodit.

*Figura 21.* Idem dens, cujus corona pro maxima jam parte tritu perivit, ubi omnes quatuor maculæ in unam plagam coivere, in medio ejus tamen albicans portiuncula relicta est, a substantia vitreæ crustæ residua.

## *Tabula II.*

*Figura I.* Est dens incisior medius maxillæ inferioris ex latere conspectus, ut ejus tritus tam horizontalis, quam anterior pateret.

a. a. Tritus ejus horizontalis.

b. Tritus ejus anterior.

*Figura II.* Dens incisior externus maxillæ superioris ex facie ejus posteriore visus.

a. a.



- a. a. Crusta adamantina lateraliter superstes.
- b. Dentis substantia ossea nuda adparens post abrasam totam vitream crustam in facie posteriore ejus dentis.

*Figura III.* Dens incisor medius maxillæ superioris, cujus acies in medio incisæ est, cum se cum acie dentis oppositi decussasset.


*Figura IV.* Dens incisor medius maxillæ superioris in magnitudine auctus, ut reliqua bene exprimi possent.

- a. Radix ejus obiter indicata.
- b. Coronæ facies posterior.
- c. c. Crusta adamantina abrasa in dentis acie.
- d. d. Substantia ossea abrasa in dentis acie.
- e. e. Nova ossea substantia coloris profundius flavicantis, quæ obturat cavitatem dentis, ne ea in abrasa dentis acie pateat.

*Figura V.* Dens similis priori, sed cujus corona magis abrasa illam lineam novæ dentis substantiæ osseæ latiore jam ostendit.




*Figura VI.* Dens similis, cujus autem corona fere tota abraſa eſt, in hujus coronæ abraſa facie in medio conſpicitur macula profundioris coloris, quæ notat ibidem novam dentis oſſeam ſubſtantiam pro abturranda dentis cavitate deſtinatam.



Tab. I.



Tab. II.




*Fig.*



DESCRIPTION  
ANATOMICA.

---

FOETVS HVMANI BICIPITIS  
MONOCORPOREI.



# PRAEFATIO

*N*emini non perspecta esse potest ea Naturæ Lex, qua non solum animalia verum etiam vegetabilia ad sui similes species procreandas coguntur. Ad hanc Legem tamen strictissime nec animalia nec vegetabilia ligari videmus, sed constanter ab ea nonnihil recedere, siquidem quotidie etiam in genere humano partium magnitudinem, figuram, colorem, ac proportionem variare observemus, qua varietate fit, ut perfectæ similitudo evitetur, singulaque individua ab invicem dignosci possint. Sed longe major naturæ libertas in procreando vel maxime inde elucescit, quod eam a pulcherrima hominis forma ac pulchritudine ipsa ad monstrosa usque deviare observemus; quod quidem nequaquam per saltum accidit, sed vario minoreque pulchritudinis gradu ac deformitatibus variis interjectis. Illa monstrositas quantacunque contingat, nusquam tamen tanta accidere videtur, quanquam hoc aliqui sibi persuadere voluerint a), ut genus humanum cum alio bestiarum genere commisceatur confundaturque: verum eo se se interdum extendit, ut foetui ob monstrosam corporis structuram communi in aëre vita frui minime liceat; interdum tamen, quanquam foeditatem magnam causet, vitam ad plures etiam annos, & ad senectutem ipsam usque protrahere non impedit.

*Ad*

a) Vide LICETI Tract. de monstris.



*Ad tales monstrosas procreationes attentos fuisse omnis ævi mortales, & varia de monstrorum causis somniasse abunde constat, donec tandem hoc magis illuminato sæculo accuratius tam in structuram quam causas monstrorum investigatum fuisset. Hos diversorum Virorum præclaros conatus suis feliciter conjunxit immortalis HAL-  
 LERVS b) ac causas veriores monstrorum assignavit. Post tot monstrorum descriptiones quanquam vix monstrum amplius nascatur, quod saltem externa forma non conveniret cum aliquo eorum, quorum descriptiones ac recensiones numerosæ in laudato HALLERI opere habentur, nihilominus tamen nostri monstri, quod cum eo c) convenire videtur, historia accurata superflua non fuerit, cum in interiore structura res peculiare ac notatu dignas detegere licuerit. Itaque haud inamœnum quid naturæ curiosis præstiturus historiam hanc monstri humani bicipitis monocorporei, quod mihi examinandum occurrit, ea, qua potui, brevitate ac claritate typo committere ausus sum.*



DE-

- b) Oper. min. Tom. III. de monstris.  
 c) Vide l. c. cap. XXII. pag. 84. sub nota (b) ex Phil. Trans. n. 138. allatum monstrum.

# DESCRIPTIO

## ANATOMICA.

### FOETVS HVMANI BICIPITIS MONOCORPOREI.

#### §. I.

Anno 1778. *vigesima tertia Januarii* hora *undecima* noctis vocabatur expertissimus Chyrurgus ac Obstetricans D. KNAVER ad parturientem feminam Viennæ in urbe. Erat mulier *trigesimum & primum* ætatis annum agens, felix jam trium prolium mater, semper bona valetudine gaudens. Tempore graviditatis ultimæ nihil insoliti passa est, nec ullius imaginationis insolitæ vis reminisci potuit, quam in graviditate hac postrema perpeffa fuisset. Cum tamen cæteræ mulieres simile quid necessario prægressum fuisse contenderent, non potuit anxia reperire aliud quid, quod incusaret, quam imaginem Deiparæ Salvatorem brachio suo sustentatis, ad quam devotionem suam persolvere consueverat.

Cum itaque advenisset ad parturientem laudatus antea obstetricans, comperit ab obstetrice, quæ parturienti adstiterat, aquas

D

jam





jam hora *quarta* vespertina ruptas fuisse, & ab eo tempore caput foetus quoque in orificio uteri percipi. Examinando tandem ipse intellexit caput reipsa pro parte in orificio uteri hæere intra ossa pubis inclavatum. Experiri primo voluit præposito more Christianorum baptismo vestem ROONHUYSI emendatam, quæ ex duobus baccillis complanatis in una tamen facie convexis in altera vero leviter concavis, sibi parallelis, & ad extremitates per arcum continuatum unitis constat; sed nihil proficiendo forcipem applicuit. Miratus autem vidit quantum forcipis laminarum jam conjunctarum manubria ab invicem distarent, ut ad angulum rectum divergerent. Premendo manubria ad invicem accedebant, sed cessante pressione iterum recedebant, quasi intra laminas forcipis elasticum quoddam corpus compressisset. Compressum mediante forcipe caput traxerat primo leniter, tum fortius, tandem magna quoque vi adhibita, & inter trahendum movendo forcipem ab uno latere ad alterum, forceps caput fortiter quidem tenebat, sed nequaquam educebat. Eximit itaque iterum solam forcipem iterato capitis situm exeminaturus, in quo examine manifestam fluctuationem in dehiscentibus ad duos transversos digitos osium cranii futuris perceperat; quare de præsentē hydrocephalo certior redditus, perforavit caput, quo facto ad duas circiter mensuas æquæ

magna



magna cum vi exiliisse dicit, unde subito quoque caput collapsum est, quod postea solo digito foramini, quod perforando caput fecerat, intromisso in cavum pelveos, & tandem extra idem perduxit. Consolatus est tunc matrem promittendo partum brevi terminatum iri, & sperabat, quod educto adhuc brachio dextro alterum brachium cum trunco & reliquo corpore quantotius secutura sint; ast spes fefellit, quum nec brachium sinistrum nec reliquum corpus sequi vellent, ut ut vim haud parvam adhiberet, ac ter requiescere cogeretur lassatus obstetricans. Viderat ergo necessitatem duobus digitis intrandi in uterum, & querendi brachium sinistrum, quod tamen frustra querendo reperit tumorem rotundum, quem ex attactu auriculæ alterum caput, ad idem tamen corpus pertinens, esse intellexit. Iussit igitur obstetricem caput perforatum & jam protractum linteo involvere, ac versus femur dextrum matris attrahere; ipse vero duobus digitis in uterum intravit volens alterum caput ex cavo uteri ad orificium ejus dirigere, aut, si fieri posset, digito ori immisso extrahere, qua methodo feliciter partum absolvit tertio quadrante pro hora *prima* post mediam noctem, & quidem absque ulla genitalium dilaceratione aut alio matris damno. Quum modica tantum hæmorrhagia sequeretur, extraxit quoque secundinas, ventrem leniter perfricari



jussit ægram ipsam, & imperata debita diætata reliquit ægram in quiete, quæ se peracto partu sat bene habere videbatur.

*Vigesima quarta Ianuar.* mane venter adhuc multum tumebat, nec quidquam tamen conquæsta fuit ægra præter obtusum dolorem in pede sinistro, qui ad suram usque se extendebat. Vesperis pulsus aliquantum citatior factus est, ægra tamen nihil, quod conquereretur, habuit; data fuit bibenda Emulsio, & injectum lene Clyisma.

*Vigesima quinta Ianuar.* debilitatem conquæsta fuit; venter tumuit magis, ac doluit ad attactum; pulsus erat celer; lochia pauciora: Fecit obstetricans ventrem inungi unguento ex Althea cum camphora in oleo Hyosciami soluta, & desuper leve cataplasma emolliens applicari. Accersitus postea Cl. D. LEBMACHER, in cujus præsentia ægra lumbricum vomuit; jussit venam secari, præscripsit mixturam antiphlogisticam, & de tempore in tempus aliquid Emulsionis camphoratae sumere præcepit. Vnde sequente die venter subsidere incepit, & reliqua omnia cito emendari, ita ut hucusque sana supervivat mulier \*).

§. II.



## §. II.

Hujus monstrosi foetus cum accuratius examen institui desideraret *Illustrissimus Præses ac L. B. de STÖRCK*, mihi eum miserat, ut ejus Anatomen accurate administrarem, & adnotarem.

Ex ejus itaque externa conformatione statim clare videre fuit, esse puerulum, bicipitem monocorporeum dicendum, siquidem unico tantum trunco, quatuor extremitatibus ordinario modo prædito, constaret, ex cujus superiore parte duo colla prodibant, quorum cuilibet suum caput initebatur: ut in Tab. I. videre licet, in qua, uti etiam in sequentibus, omnia in naturali magnitudine delineaveram, & hæc ad quadruplum imminuta æri incidi curaveram.

Caput dextrum, quum perforando suis aquis liberatum ac collapsum esset, repletum spongiis naturalem suam magnitudinem iterum utcumque obtinuit, unde apparuit multo majus esse sinistro, partim quod ab hydrocephalo expansum fuerit, partim quod aliunde majus incrementum adeptum sit. Collum dextrum quoque crassius sinistro fuit. Trunci pars superior, quæ pectus constituit, multo latior solito, quæ ad abdomen multum convergebat, ita ut hic jam naturalem suam crassitiem haberet. Extremitates inferiores duæ mole naturali, & ex consueto loco prodeuntes, superiores quoque duæ & naturales. Inter duo colla ex trunco protu-

D 3

berabat





berabat eminentia mobilis, quasi summum humerum communem constituens. Scrotum ex pube ante penem pependit sua raphe ac rugis transversis donatum, a testiculis vacuum, sed in cellulosa sua aliquid aquæ infiltratæ continens. Penis longius aliquantum præputium habuit, & orificium externum urethræ nullum. Perinæum a pene ad anum usque ultra modum longum videbatur ob defectum scroti, quod ante penem pependerat. Orificium ani adfuit in loco solito, sed impervium. In fune umbilicali ab umbilico ad placentam usque una arteria & una vena.

### §. III.

Internæ conformationis expositionem si ab abdomine ordiri velimus, dicendum erit primo, omnes musculos abdominales tam quoad numerum, quam quoad situm & figuram se præcise habuisse, uti in unico subjecto reperiri solent. Dissecto abdomine adparuit a per magno hepate occupari non solum hypochondrium dextrum & epigastrium, verum etiam totam hypochondrii sinistri cavitatem. Infra hepar in conspectum venit vesica magna pyriformis ex nigro viridescens, ac transversim sita, cujus tenuior extremitas latus abdominis sinistrum respexit, ubi omnia reliqua intestina convoluta jacuerant, quam vesicam postea patuit



tuit esse intestinum rectum copioso meconio repletum. Infimam abdominis partem replevit alia alba vesica, quam vesicam urinariam esse tandem innotuit. Hic viscerum situs adamussim in Tab. II. fig. I. expressus habetur. Hepar unicum fuit, habens diforinem & solito majorem lobulum Spigelii, cui adhuc adhæserat insolitus alius lobulus expansam avis alam aliquomodo referens. In eo loco, cui alias vesicula fellea adnascitur, binæ vesiculæ felleæ erant sibi mutuo accumbentes, & quævis suo proprio ductu cystico gaudens. Duo erant quoque ductus hepatici & duo choledochi. Vena cava inferior non inter lobum magnum hepatis & lobulum Spigelii descendit, sed retro marginem posteriorem hepatis vix hepatis tangendo, nisi quod ab eo venas hepaticas insertionemque canalisi venosi reciperet.

Ablato hepate unicum idque sat bene ac naturaliter conformatum diaphragma in conspectum venit, nisi quod foramen rotundum, transitum venæ cavæ inferiori dans, in medio centri tendinei fuerit. Post hoc foramen erat in parte musculosa diaphragmatis consuetus hiatus ovalis, pro transitu æsophagi, qui tamen vacuus remansit, quum uterque æsophagus ad latera prioris hiatus novum hiatum in carnea quoque diaphragmatis parte sibi faceret. Duo æsophagi in duos etiam ventriculos abivêre,

D 4                      quorum



quorum uterque duplex magnum videlicet & parvum omentum habuit. Sinistro ventriculo adhæsit Lien sinister, dextro vero nullus, quoniam penitus desideraretur. Cuius ventriculo suum continuatum fuit intestinum duodenum, sinistrum tamen fuit longius dextro, & cuique suum adnatum fuit Pancreas, & cuique etiam suus insertus ductus choledochus. Duo illa intestina duodena tandem in unum intestinum, duodenum adhucdum dicendum, coivêre, quod descendendo ad renem dextrum, & inde factò suo naturali cursu ante corpora vertebrarum ex transverso per mesenterium transeundo in jejunum terminabatur, quod una cum intestino Ileo, Cœco, & Colo ordinario modo factum fuit, ut in unico subiecto fieri solet, nisi quod omnia ad latus sinistrum abdominis compulsa fuerint. Intestina hæc æque ac ambo ventriculi vacua erant. Colon transversum sub arcu majore ventriculi sinistri pergebat usque ad Lienem; unde ante renem sinistrum descendit ad os ilei sinistrum, ubi in rectum abiit, quod magnum saccum longum ac pyriformem meconio ad *vnc. vj.* repletum, & non solito more ante os sacrum decurrentem, sed in medio abdomine cœco sine terminatum fecerat.

Renes succenturiati grandiores, ut fœtibus esse solent. Renes sua vasa ab iliaceis mutuarunt, cum justo profundius hærent.

Pelves



Pelves renales & ureteres perampli, & in superiore vesicæ urinariæ parte, quam fundum vocamus, magnis aperturis terminati. Vesica urinaria valde ampla, facile septem uncias urinæ non foetidæ, turbidulæ, continens totum cavum pelveos replevit, & tandem inferiorem abdominis partem. Substantia vesicæ multo crassior solito fuit nihil obstante magna ejus expansione. De ura-cho nihil visibile fuit. Collum vesicæ in parte anteriore & inferiore consueto modo adfuit, & sub pubis synchondrosi in urethram amplam patuit, cujus diameter bis superavit conjuncta corpora cavernosa penis. Vrethra ad glandem penis impervia fuit, & propterea dum premeretur vesica, inflabatur mirum in modum urethra & perinæum ab urina, quæ per imperviam urethræ extremitatem nullum exitum reperit. Penis habuit suos musculos erectores, acceleratorem & transversum perinæi; sed nullus aderat sphincter ani, nec levatores ejus.

Testiculi in cavo abdominis ad latera vesicæ urinariæ non procul ab annulis abdominalibus jacuerant, ad quos vasa sua ab aorta & vena cava inferiore oriunda retro renes descenderant. Vasa deferentia reptabant per vesicam urinariam, donec attingerent exiguas, & vix distinguibiles vesiculas feminales, quæ in summa vesicæ parte, inter insertiones ureterum sitæ erant, & in cavum vesicæ urinariæ prope ureterum insertionem terminabantur.





## §. IV.

In pectore longe major adhuc partium confusio fuerat, quum hic duorum foetus in unum coalitus, aut si mavis unius foetus in duos secessus potissimum inciperet. Fiebat pectus anteriore parte unico sternō & unica cartilagine ensiformi: utrumque latus thoracis constituebant costæ septem superiores veræ, & quinque inferiores spuria dictæ; præcisè quemadmodum in unico subiecto contingere solet. In parte posteriore duæ spinæ dorsi fuerant, quæ ab utroque collo descendendo lateribus suis ad invicem ita inclinabant, ut primæ dorsi vertebræ a se se adhuc uno circiter pollice distarent, sequentes vero ad se magis magisque accederent, donec ad octavam dorsi vertebram se suis processibus transversis attingerent; abinde corpora vertebrarum se mutuo contingere inceperant, & tandem ad ultimam lumborum vertebram usque invicem magis conferbuerant. Cui duplici, ac dicto modo coalitæ dorsi spinæ, pro fundamento unicum os sacrum subiectum erat unicumque os coccygis, quæ cum ossibus innominatis duobus totam pelvim constituebant, unde etiam inferiores extremitates duæ naturaliter procedebant. Spatium illud intermedium inter dorsi primas vertebrae ad octavas usque tertia series exiguarum ac communium costarum replebat, quarum suprema



ma longissima & infima brevissima fuit, quæ utroque extremo hinc & illinc tam ad corpora quam processus transversos vertebrarum dorsi necessebantur, & in media sua parte posteriore angulos gerebant, processus spinosos vertebrarum æmulantes. In partibus superioribus ac lateralibus thoracis ordinario modo summi humeri erant quisque sua scapula ac clavicula requisitisque musculis constantes, unde extremitates superiores duæ, proportionatæ, & totæ bene factæ prodibant. Supremam & mediam thoracis partem, ubi eminentiâ illa inter utrumque collum exurgebat, terminabant duo ossa: unum anterius claviculæ sinistræ simile, quod claviculam communem appello; alterum posterius scapulæ analogum, quod propterea etiam scapula communis dicendum est. Clavicula communis extremitate anteriore & inferiore ad summitatem sterni necessebatur articulatione mobili, & posteriore atque superiore extremitate ad angulum superiorem communis scapulæ. Scapula communis erat sita pro parte retro costas communes, & minor fuit scapulis naturalibus, ab earumque figura nonnihil abscedens; nihilominus tamen habuit basim angustam, qua deorsum respexit, & angulo uno sursum, quo claviculæ nexu quoque mobili necessebatur. In facie posteriore communis scapulæ quidpiam spinæ scapulæ analogum fuit, quod etiam ad angulum ejus superio-

rem





rem in processum obtusum desit, acromio similem.

Ex hac ex duobus quasi coaliti thoracis conformatione intelligere licet, quanta musculorum nonnullorum tam ratione originis aut insertionis quam etiam ratione figuræ confusio quoque nasci debuerit. Ab latis integumentis in anteriore pectoris parte originem musculus pectoralis majoris lateris dextri tegebat fasciculus fibrarum muscularium insolitus, a secundæ costæ veræ cartilagine ad eam quintæ veræ usque descendens. Sterno & Cleido-mastoidei musculus interni utriusque capitis originem habebant partim a summitate sterni partim ab extremitate anteriore & inferiore claviculæ communis. Sic Coracohyoidei interni a scapula communi ambo ortum suum ducere debuere. Inter costas communes erant quoque intercostales musculus, eorum tamen strata discernere recte non potui, cum hæ partes ob partum violentum nonnihil dilaceratæ essent. Etiam Scaleni musculus in internis utriusque colli lateribus aderant, ad costas communes terminati. Aderant ibidem ferrati postici superiores ad costas communes quoque terminati, aderant quoque Rhomboidei lateribus scapulæ communis affixi. Cuculares interni infima sua parte confluxerunt in unum, superius autem ambo a communis scapulæ spina oriebantur, aut potius ibidem inferebantur. Communis scapula præterea

præterea in utraque sua facie carne musculari tecta fuit, quam pro musculis subscapulari, infra & supra spinato habere posses, qui tamen omnes in extremitate superiore communis claviculæ terminabantur. Erat præterea ad articulationem communis scapulæ cum sua clavicula crassus & brevis muscularis fasciculus, a scapula ortus & claviculæ insertus, tegensque istam articulationem non minus, quam musculus Deltoideus tegit articulationem scapulæ cum humero. Musculi longissimi dorsi, Sacrolumbares & Multifidi spinæ &c. interni ab utroque collo descendendo separati erant, donec spinæ dorsi se tangerent ac confluerent, ibi quoque illi confusi primo, ac tandem plane evanescences reperti sunt.

Cavitas thoracis divisa fuit in duas per mediastinum aliquod commune a communi clavicula perpendiculariter descendens ad medium diaphragmatis tendineum centrum usque. Quamlibet harum cavitatum aliud iterum mediastinum proprium in duas dividerat. Procedebant autem hæc propria mediastina ab infima & media parte colli cujusvis, & descendendo oblique ad commune mediastinum continuo magis inclinabant, donec etiam ad centrum tendineum diaphragmatis prope commune mediastinum infererentur. Sic quatuor pleuræ, & quatuor thoracis cava erant, in quibus quatuor pulmones delitescabant suis lobis instructi.

Trachæ



Tracheæ duæ a quovis capite ante vertebrae colli & dorsi descendendo findebantur tum more consueto singulæ in duo bronchia prospicientia duobus pulmonibus sui lateris. Thymi duo in anteriore & superiore parte utriusque mediastini proprii siti.

Corda duo supra centrum tendineum diaphragmatis sibi accumbentia, quodvis tamen in proprio pericardio inclusum. Cor ad sinistrum latus spectans majus fuit, & aliquantum complanatum, habens duos ventriculos ordinario modo, & duos sinus, duasque aures. Aorta & arteria pulmonalis consueto more ab hoc corde decurrebant, ac dividebantur per pulmones ac column caputque sui lateris, nisi, quod arteria subclavia dextra, postquam vertebralem sui lateris dedisset in exiguos furculos divisa intra vicinos musculos evanuerit, & carotis dextra more insolito in decursu suo furculum ad glandulam thyroideam ablegaverit. Aorta hujus lateris flexa supra bronchium sinistrum descendit ante spinam dorsi sui lateris usque ad vertebrae dorsi septimam, ubi receperat aortam alterius lateris sibi ad acutum angulum junctam; unde ordinario modo descendit, tam in abdomine quam per extremitates inferiores diramanda. Cœliaca tamen duas coronarias ventriculi dedit, ad quemlibet videlicet ventriculum unam. Hypogastrica dextra defecit, ut sinistra non solum visceribus in pelveos cavitate sola



sola prospexerit, verum etiam unicam tantum arteriam umbicalem constituerit.

Cor dextri lateris minus fuit, & ad latus internum nonnihil complanatum ab accubitu ad cor sinistri lateris. Habuit tantum unicum cavum, quod ad apicem cordis a particula aliqua septi cordis incipiebat in duas cavitates dividi. Ex hoc unico cordis cavo via & in arteriam pulmonalem & in aortam patebat. Auriculæ aderant duæ in unum sinum patentes, qui non solum in cavum cordis aperiebatur, verum etiam cum sinu dextro cordis sinistri lateris communicabat. Arteria pulmonalis hujus lateris nullum ductum arteriosum seu canalem BOTTALLI emisit. Aorta arcum fecerat supra bronchium dextrum, ex quo arcu ortus fuit primo truncus communis, qui mox in duas carotides findebatur. Subclavia sinistra deficiebat. Subclavia dextra ex arcu aortæ solitos ramos dedit, & postea brachio dextro prospexit. Aorta facto suo arcu descendit ad septimam vertebra[m] dors[i] usque, ibi aortæ alterius lateris inserta fuit.

Venæ cavæ superiores duæ erant: una magna & communis; altera lateri dextro propria. Communis cava revehebat sanguinem a toto capite sinistro, & brachio sinistro præter parvos surculos eidem quoque insertos quos mammariam internam, thymicam, mediastinam &c. venam dicunt. Præterea revehebat illa vena sanguinem a latere  
in-



interno capitis dextri; & sanguinem venæ azygos sinistræ, item eum a glandula thyroidea dextra, & a pulmone utroque lateris dextri, & inserta fuit in sinum dextrum cordis lateris sinistri. Vena cava superior & propria vehebat sanguinem a latere externo capitis dextri, & a brachio dextro, atque ab azygos vena dextra, inserta fuit in sinum cordis lateris dextri, quem sinum jam antea cum sinu dextro cordis sinistri lateris communicasse dixeram. Vena cava inferior unica fuit, prodiens a sinu dextro cordis lateris sinistri, & medium centrum diaphragmatis perforans phrenicas & hepaticas venas accepit, posteaque solito ferme modo diramanda.

## §. V.

Cerebrum capitis dextri destructum fuit, quum hydropicum caput perforari debuerit, ut in lucem prodire posset; cerebrum vero sinistrum naturaliter constitutum fuit. Ex utroque capite nervi solito modo prodibant per paria, ita ut quoque duo nervi vagi & duo intercostales magni ex utroque capite exiverint, horum tamen interiores prope diaphragmatis regionem disparuerant. Medullæ spinales duæ ad quartam lumborum vertebrae confluerent in unam, quæ in appendicem oblongam terminata usque ad os sacrum protraheretur, quæ tamen alias ad primam





primam vertebram lumborum terminari solet. Nervi utriusque medullæ spinalis solito modo erant duplices: interni; & externi. Externi præcise naturaliter se habebant; interni priores cervicales naturalem crassitiem quoque habuere, reliqui continuo tenuiores fuerant, ita ut tandem non nisi tanquam subtilissima filamenta a medulla spinali prodirent, atque ad ultimas dorsi vertebrae plane nulli interni nervi a medulla spinali orerentur.

## §. VI.

Sequuntur nonnulla Corollaria, quæ ex præmissa anatomica descriptione deduci possunt.

1. Quoniam duplex separatumque caput erat, & quodvis integrum suum cerebrum ac organa sensuum externorum bene constituta habebat, dubium esse non potest, puerulo illi, si illæsus in lucem prodire & aliunde supervivere potuisset, duas quoque datas fuisse mentes, ac voluntates, diversumque eodem etiam tempore cogitandi genus, nec non etiam cuivis capiti proprium suorum sensuum externorum non minus quam internorum exercitium. Et quum duæ quoque essent medullæ spinales, quæ nervos ad artus sui lateris præcipue amandarent, ita ut dextra spinalis medulla lateri dextro

E

trunci




trunci & extremitati tam superiori quam inferiori dextræ prospiceret, sinistra vero lateri sinistro trunci & quoque extremitati superiori ac inferiori sinistrae: tunc suspicari licet, quod caput dextrum imperasset extremitati superiori & inferiori dextræ; sinistrum vero illis, quæ sui lateris sunt. Clavicula scapulaque communis, quæ intra ambo colla prominentiam illam mobilem fecerant, proculdubio ad utriusque capitis imperium promiscue moveri potuissent, cum ex utraque spinali medulla nervi illuc accederent. Quare adhuc & hoc licet dicere: quod, oborto inter duo capita dissensu ac jurgiis, latus corporis dextrum verberasset sinistrum; & vicissim. Et si postea unum caput ambobus pedibus ad ambulandum, aut ambabus manibus ad quidcunque agendum uti voluisset, non potuisset, nisi oretenus consensum ab altero capite sibi expetiisset. Nisi fortassis connexio medullarum spinalium in infima sua parte inferiorum extremitatum usum pro utroque capite communem fecisset.

2. Quia thorax unicus erat, & unicum quoque diaphragma cui quatuor nervi phrenici prospiciebant, a qualibet medulla spinali duo videlicet oriundi; etiam communis respiratio utrique capiti fuisset, quod haud parva incommoda intulisset, dum unus tacere, alter vero loqui, cantare, tussire &c. voluisset.



3. Motus cordis utriusque lateris synchronus fuisse videtur ob sinus dextri cordis, quod in latere sinistro fuit, communicationem cum sinu communi cordis dextri lateris. Ambo isti sinus eodem tempore repleti debuerunt sanguine venoso, & iterum eodem tempore per contractionem suam replere tam cavum commune cordis lateris dextri, quam cavitatem cordis dextri, quod in sinistro latere fuit; quare etiam postea omnium arteriarum pulsus per totum corpus æquabiliter peractus fuisse videtur. Circulatio sanguinis per cor & pulmonem lateris sinistri ordinario modo perexit, quum consueto modo hæ partes fabricatæ essent; sed ex corde lateris dextri unicum cavum habentis sanguis simul & ad semel ex eodem cavo & in aortam & in arteriam pulmonalem ferebatur. Ex hac pulmonali arteria sanguis, cum nullus *Botalli* canalis adesset, nullus in fraudem pulmonis ad aortam latus erat, sed totus pulmonem lateris sui, dextri videlicet, petebat, unde per venas pulmonales redux sinui sinistro cordis lateris dextri, qui deficiebat, infundi non potuit, sed infundi illum natura fecit in venam subclaviam.

4. Duo ora, duo æsophagi, duoque ventriculi fecissent, ut non solummodo separatim manducare potuissent, verum etiam separatim famem pati: ita ut unus adhuc esuriret; dum alter jam ad satietatem comedisset.



5. Reliqua viscera & Intestina cum simplicia, atque utrique capiti communia essent, habendo ab utroque nervos utrumque caput æqualiter affecissent; hinc sensus doloris, stimulus ad deponendam alvum & urinam, tum etiam stimulus ad venerem utrique capiti communes fuissent.

6. Intestini recti in medio abdominis situs vitiosus non solum certam mortem infanti nato intulisset, verum etiam Obstetricantem aut Chyrurgum fefellisset, qui anum clausam reperiens, punctura eandem aperire voluisset, & urinam, siquidem totam pelvim vesica urinaria expleverat, loco meconii profluere vidisset.

7. Unde tanta meconii copia? an duplici ore, duplici æsophago, & duplici ventriculo major quantitas humoris amnii deglutita & concocta, plus meconii accumulari fecerat?


8. Clausum orificium urethræ fecerat urinæ accumulationem, a qua & urethra amplior facta est, & vesica urinaria ipsa adeo ampliata, ut non solum totum cavum pelveos, verum etiam bonam abdominis partem repleret, unde postea quoque ureteres & pelves renales solito ampliores fuere, quod vitium in calculosis observatur, ubi per calculus urinæ ex vesica urinaria exitus tradatur. Hæc partium uriniferarum degeneratio probat huic fœtui fuisse necessariam urinæ excretionem, etiam dum in utero mater-





materno hæreret, quæ cum ob clausam urethram fieri non potuerit, tantam dictarum partium degenerationem post se reliquit. An iterum duo ora, duo æsophagi, & duo ventriculi ex majore quantitate humoris amnii assumpta plus solito urinæ nasci facere potuerunt?

9. Ex insertione vasorum deferentium & vesicularum seminalium in fundo vesicæ urinariæ apparet causa sterilitatis vix audita; nam semen necessario in actu venereo non per urethram ejaculatum fuisset, sed in cavi vesicæ urinariæ effusum urinæ permisceri debuisset.







# EXPLANATIO


## FIGURARVM.

### TABVLA I.

Sistit foetus monstrosus bicipitem monocorporeum a facie ejus anteriore delineatum. Magnitudo tam in hac quam in cæteris tabulis est diminuta hac ratione, ut altitudo hujus figuræ sit dimidium altitudinis naturalis, quam foetus habuerat, & hoc quoque observatum fuit in reliquis figuris, ita ut superficies harum figurarum quadruplo minor sit superficie illarum, quæ ad naturam & in magnitudine naturali delineatæ fuerant. Præterea in delineandis istis figuris umbras nullas, nisi ubi necessum videbatur, feceram, sed tantum solis ferme lineis terminalibus usus sum, cum ad intellectum abunde sufficiant, & hac ratione sumtus in incidendas icones faciendi minuantur \*).

A. Hydrocephalus, cujus facies major etiam jam adultioris foetus faciem præsefert. Etiam hoc caput magis pilosum pilisque nonnihil longioribus

\*) Video tamen Artificem, quem rudem legerat Bibliopola, umbris magis usum fuisse, quam quidem mens mea fuerat, quibus tamen non obstantibus, ipsa delineatio æque certa mansit.



ribus donatum videbatur, quam quidem caput alterum. Crassiori quoque collo hocce caput innititur, quam alterum caput.

- B. Caput minus, & sanum, proprio quoque collo sibi proportionato insidens.
- C. Tertius ac communis utrique capiti humerus, inter duo colla prominens.

Extremitates tam superiores quam inferiores bene conformatae erant, & potius capiti hydropico quam sano proportionatae videbantur.

Pectus valde latum fuit binis exiguisque mammarum papillis praeditum. Dorsum similiter largum fuit, cum pectoribus quasi confluisse videantur.

Abdomen jam magis arctabatur, ut infra umbilicum jam naturalem amplitudinem haberet.

- D. Vena umbilicalis in funiculo umbilicali.
- E. Arteria umbilicalis tantum unica.
- F. Scrotum ex pube ante penem pendulum, leviter rugosum.
- G. Penis retro scrotum descendens, & praeternaturaliter tortus.

---

*TABVLA II.*

*Figura I.*

Ostendit, quomodo discissis & reclinatis tegumentis viscera abdominalia situata adparuerint.

- a. a. a. a. Tegumenta abdominis cruciatim dissecta, & reclinata.
- b. Hepar utrumque hypochondrium una cum epigastrio explens.
- c. Ligamentum Hepatis suspensorium dictum.
- d. d. Vena umbilicalis, ex funiculo umbilicali in hepar ingrediens.
- e. e. Arteria umbilicalis unica.
- f. Portio tegumentorum communium funiculo umbilicali in loco umbilici adhærens.
- g. Intestina tenuia in latus sinistrum abdominis compulsa.
- h. Intestinum rectum, cæco fine terminatum, a copioso meconio expansum.
- i. Vesica urinaria, plena urina, totam cavitatem pelveos & magnam abdominis partem occupans.

*Figura II.*

Ostendit Hepar exemptum, & a facie sua inferiore conspectum.

- a. Lobus dexter hepatis.

[b.]

- b. Lobus ejus sinister, sed inter se in magna fissura hepatis concreti ita, ut nulla fissura adpareat;
- c. Lobulus *Spigelii* dictus.
- d. Lobuli *Spigelii* appendix pterygoidea.
- e. Vena umbilicalis.
- f. Vena portæ in sinum venæ portarum dictum expansa.
- g. Arteria hepatica.
- h. Ductus hepaticus biliferus unus, alter non videtur expressus.
- i. i. Duæ vesiculæ felleæ separatæ, attamen juxta se se locatæ.
- k. k. Duo ductus cystici, quilibet ad suam vesiculam spectans.

*Figura III.*

Ostendit faciem inferiorem diaphragmatis, ventriculos & intestina explanata, ut adpareat, quomodo hæc constituta fuerint.

- a. a. Diaphragmatis facies inferior.
- b. Foramen rotundum in centri tendinei diaphragmatis medio loco positum, quod alias in dextro magis latere esse solet, concedebat transitum venæ cavæ inferiori.
- c. Hiatus ovalis alias transmittendo oesophago destinatus, hic vero tantum membranis obturatus.
- d. d. Oesophagus dexter & sinister, quorum neuter per consuetum fo-



ramen diaphragmatis transivit, sed uterque ad latus musculi parvi diaphragmatis per proprium & novum hiatum ex cavo pectoris in abdomen exiverat.

- c. c. Ventriculus dexter & sinister, quilibet in suum intestinum duodenum terminatus.
- f. Lien sinister; dexter Lien deficiebat.
- g. g. Ductus coledochus dexter & sinister, quilibet duodeno sui lateris insertus
- h. h. Pancreas unum dextrum, alterum sinistrum.
- i. Locus unionis, ubi duo intestina duodena in unum confluxerunt.
- k. k. Reliquus intestinorum tenuium convolutorum tractus.
- l. Extremitas intestini ilei in cœcum inserta.
- M. Mesenterium una cum suis vasis obiter delineatis.
- m. Intestinum cœcum.
- n. Processus vermiformis intestini cœci.
- o. o. o. Intestini coli tractus.
- p. Intestinum rectum cœco fine terminatum, & ab accumulato ibidem meconio expansum.
- q. Arteria hæmorrhoidalis interna.



*TABVLA III.*

*Figura I.*

Exhibet organa vitalia tam ad caput dextrum quam ad sinistrum spectantia, quæ in communi thoracis cavo inclusa erant.

In latere dextro.

- A. Glandula thyroidea lateris dextri.
- B. Trachea ejusdem lateris.
- C. C. Pulmones duo ejusdem lateris, quorum unus dexter, & alter sinister.
- D. Cor dextri lateris.
- E. Auricula ejusdem dextra.
- F. Auricula ejusdem sinistra.

In latere sinistro.

- G. Glandula thyroidea sinistri lateris.
- H. Trachea sinistri lateris.
- I. I. Pulmones duo sinistri lateris, quorum unus iterum dexter, & alter sinister est.
- K. Cor sinistri lateris.
- L. L. Auricula dextra & sinistra cordis lateris sinistri.
- M. Vena cava inferior.
  - 1. Arteria pulmonalis lateris sinistri
  - 2. ejus ramus ad pulmonem sinistrum
  - 3. ejus ramus ad pulmonem dextrum.
  - 4. Canalis *Botalli*.
  - 5. Aorta adscendens.
  - 6. Arteria innominata ex arcu aortæ procedens, & tres gignens ramos; quorum unus dat
  - 7.



7. tres parvos furculos loco subclaviæ dextræ, in musculis vicinis evanescentes, &
8. arteriam vertebralem dextram. Alter ramus innominatæ est
9. Carotis dextra, quæ furculum ad glandulam thyroideam dederat. Et tertius ramus est
10. Arteria carotis sinistra.
11. Subclavia sinistra.
12. Aorta descendens.  
In latere dextro iterum,
  - a. Arteria pulmonalis.
  - b. Ejus ramus ad pulmonem sinistrum.
  - c. Ejus ramus ad pulmonem dextrum.
  - d. Aorta ascendens.
  - e. Truncus innominatus, unde oritur
  - f. Carotis sinistra, &
  - g. Carotis dextra.
  - h. Arteria subclavia dextra.
  - i. Aorta descendens, prius super bronchium dextrum inflexa.
- In medio.
  - k. Vena cava superior, & hic communis.
  - l. Ejus subclavia sinistra lateris sinistri.
  - m. Ejus subclavia vena dextra lateris sinistri.
  - n. Ejus subclavia sinistra lateris dextri.
  - o. Vena thyroidea ad latus dextrum spectans, in quam inferuntur
  - p. Vena pulmonalis ex dextro pulmone lateris dextri, &

q. Vena pulmonalis ex sinistro pulmone lateris dextri.

r. Continuatio venæ thyroideæ dextri lateris.

In latere dextro adhuc.

s. Vena jugularis dextra lateris dextri.

t. Vena axillaris dextra ejusdem lateris.

u. Vena cava superior parva, in sinum communem cordis lateris dextri terminata.

v. Vena pulmonalis, ex pulmone dextro dextri lateris emergens.

### *Figura II.*

Repræsentat cor dextri lateris apertum juxta longitudinem, ut cavitas ejus, quam tantum unicam habuit, clare pateret.

a. Cavitas cordis patula & læcertosa.

b. b. Margines cordis dissecti.

c. Quasi principium septi cordis, ab apice ejus versus basim assurgentis.

d. Sinus hujus cordis unicus apertus, cui binæ adhærent auriculæ.

e. e. e. Valvulæ sic dictæ tricuspidales.

f. Auricula sinistra.

g. Auricula dextra.

h. Arteria pulmonalis aperta.

i. i. i. Ejus valvulæ semilunares.

k. Aorta ex eodem cordis cavo cum arteria pulmonali egrediens, aperta



ta quoque, ubi etiam semilunares  
valvulæ conspiciuntur.

*Figura III.*

Demonstrat conjunctionem Aortæ descendētis lateris dextri cum illa lateris sinistri. Præterea systema uropoeticum spermaticumque.

- a. Truncus aortæ adscendentis lateris sinistri abscētus.
- b. Arteria vertebralis dextra.
- c. Carotis dextra.
- d. Carotis sinistra.
- e. Subclavia sinistra.
- f. Canalis *Botalli*.
- g. Aorta descendens lateris dextri se  
nniens cum ea lateris sinistri.
- h. Arteria cœliaca.
- i. Arteria mesenterica superior.
- k. Vena cava descendens.
- l. l. Renes succenturiati, aut glandulæ  
atrabiliarie dictæ.
- m. m. Renes lobatam, ut in foetu so-  
lent, habentes figuram.
- n. n. Vreteres ex amplis pelvibus rena-  
libus descendentes.
- o. Vesica urinaria antrorsum & de-  
orsum super sinchondrosim ossium  
pubis inclinata, ut facies ejus po-  
sterior præcipue visui sisteretur.
- p. p. Testiculi in cavo abdominis ad la-  
tera vesicæ urinariæ siti. q. q.



- Figura IV.*

i. i.





- i. i. Nervi sacrales quoque quinque.  
 Hi nervi tantum in externis lateribus utriusque medullæ completum habebant numerum; ast in internis lateribus nervi dorsales jam non omnes poterant locari, & lumbarium sacraliumque plane nullus.

#### TABVLA IV.

##### Figura I.

Sceleton exhibet, cujus thorax antèrius patet, cum sternum una cum costarum cartilaginibus demtum & in secunda figura separate expressum fuerit, quo spinarum dorsii confluentus clarius pateret.

- A. Caput, quod hydrope expansum fuerat, in quo omnia ossa majus incrementum adepta sunt, quam quidem in capite altero & sano. Suturae quoque multum dehiscunt, sed dehiscebant adhuc magis in capite recenti.
- B. Caput minus, & sanum.
- C. Scapula tertia & communis.
- D. Costae communes inter utramque dorsii spinam interjectae.
- E. Clavicula tertia & communis, cujus anterior & inferior extremitas summmitati sterni annexa erat, altera vero, id est superior, cum angulo superiore scapulae communis.

F.



F. Confluxus utriusque spinæ dorsi in unam, unico ossi sacro insistentem. Reliqua non videntur explicatione indigere.

*Figura II.*

Exhibet sternum cum sibi annexis claviculis tribus, & costarum cartilaginibus.

a. Clavicula communis.

b.b. Clavicula dextra & sinistra.

c.c. Sternum una cum cartilagine ensiformi ex anteriore facie conspectum.

d.d.d.d. &c. Cartilagines costas sterno nectentes.

e.e. Binæ costarum cartilagines, antequam sterno necterentur, confluerelusu naturæ in unam.



On the 1st of May 1861, the  
first of the year, the weather was  
very fine and the wind light.

The first of the year, the weather was  
very fine and the wind light.

The first of the year, the weather was  
very fine and the wind light.

The first of the year, the weather was  
very fine and the wind light.

The first of the year, the weather was  
very fine and the wind light.

The first of the year, the weather was  
very fine and the wind light.

The first of the year, the weather was  
very fine and the wind light.

The first of the year, the weather was  
very fine and the wind light.

The first of the year, the weather was  
very fine and the wind light.

The first of the year, the weather was  
very fine and the wind light.

The first of the year, the weather was  
very fine and the wind light.

A

B







Fig. I.




Fig. II.



Fig. III. Tab. II.






Fig. I.



Fig. III.




Fig. IV.




Fig. II.









Fig. I.







2  
GEORGII PROCHASKA,

MEDICINAE DOCTORIS, AC PROFESSORIS ANATOMIAE  
MORBORVMQVE OCVLORVM IN CAESAREO - REGIA  
VNIVERSITATE CAROLO-FERDINANDEA PRAGENSI  
REGII PVBLICI AC ORDINARIJ

# ADNOTATIONVM ACADEMICARVM

---

*FASCICVLVS*

A L T E R.



---

P R A G A E  
APVD WOLFGANGVM GERLE,

---

1781.



# CONSPECTVS RERVM IN HOC FASCIQVLO CONTENTARVM.

---

## *S E C T I O I.*

De calculo felleo per anum excreto.

## *S E C T I O II.*

Scirrhi uteri & glandularum iliacarum inde-  
que natæ hæmorrhagiæ uteri lethalis  
casus bini.

## *S E C T I O III.*

De alio abdominis tumore præter naturam,  
feliciter curato.

## *S E C T I O IV.*

Descriptio quatuor monstorum humano-  
rum.

## *S E C T I O V.*

Commentatio in systema generationis, &  
causas originis monstorum.





# SECTIO I.

DE

## CALCVLO FELLEO PER ANVM EXCRETO.

### §. I.

**D**e calculosis fellis concretionibus post  
Celebres Viros, præcipue SWIETE-  
NIVM \*), HALLERVM \*\*), & incompa-  
rabilem MORGAGNIUM \*\*\*), tractare per-  
inde videtur, ac iliadem post HOMERVM  
scribere velle. Quippe ipsa tantorum Vi-  
rorum nomina argumento esse possunt, quam  
parum materiei, in quam inquisiverunt, ad  
suam perfectionem deesse possit, cui reipsa  
expertissimus ac eruditissimus MORGAGNIUS  
ultimam fere limam applicuisse videtur. Si-  
ve enim calculi fellei substantiam, structu-  
ram, magnitudinem, numerum, figuram,  
situmque ac colorem respicias, sive natu-  
ram levem unguinosam ac inflammabilem;  
sive ab eo symptomata crudelissima leniora-

A 3

ve

\*) Comment. in Aph. Boerhaavii Tom. III. ad §. 959.

\*\*) Opusc. pathol. Observ. XXXVIII. & XXXIX.  
vide in Oper. minor. Tom. III.

\*\*\*) De sedibus & causis morborum per Anatomen  
indagatis Tom. II. Epist. XXXVII. de ictero &  
calculis biliosis.



ve aut plane nulla producta spectes ; sive cum post mortem in hepate aut vesicula fellea aut billis ductibus repertum , aut per suppurationem trans musculos abdominales & tegumenta communia egressum , aut etiam exsectum , seu demum ano aut vomitu ejectum videas : vix observaturum te quidquam sperabis , quod iusignis MORGAGNI in antea jam citato opere aut ex propria aut ex aliorum Clarissimorum Virorum observatione adnotatum non reliquisset. Icones sicut aliis corporis humani partibus illustrandis apprime inserviunt , ita quoque naturæ calculorum felleorum intellectum multum adjuvare possunt , si accurate factæ sunt , cum ita unico etiam intuitu videre liceat , quæ neque per longum assequi valemus sermonem. Tales effigies quidem MORGAGNI operi nullæ adjectæ sunt , attamen ibidem ab aliis Clarissimis Auctoribus communicatæ citantur \*).

Pro-

\*) Scilicet a BEZOLDO in *Disp. de Cholelitho*, a SCROECKIO *Ephem. N. C. Dec. I. A. 9. Obs. 90. fig. 3. & 4.*, etiam a TREWIO *Commert. Litt. An. 1743. hebd. 36. n. 4. Tab. I. fig. 26.*, HEVERHORSTIO *Diff. de mot. bil. Tab. 2. f. 3.*, CONTVLO *de Lapidibus Ec. c. II.*, & MORANDO *Mem. de l'Academie Roy. des Sci. An. 1741.*

Etiam ALBINVS in *Adnotationum Academicar. Lib. III.* pingit duos felleos calculos sibi accumulantes,

Profecto qui cadavera humana sæpe & attente lustrat, aut tantum aliorum observationes pervolvit, haud ignorabit sat frequenter calculos felleos in vesicula fellea aut bilis ductibus post mortem reperiri, ut profecto monente HALLERO \*) calculos in humanis vesiculis invenire desierit esse rarum. Neque minus compertum est, haud raro quoque contingere, ut fellei calculi ex cystide fellea per ductum cysticum & choledochum in intestina & inde per anum eliminantur cumulatim, si exigui sint \*\*). Sed rarius accidit, ut tam magni etiam calculi ex vesicula fellea per anum excernantur,

A 4

tur,

bentes, & unius etiam interiorum structuram. Tandem quoque MEIERVS in *Epist. ad Ill. ZIMMERMANNVM* de magno vesicæ felleæ calculo per alvum excreto, figura hunc calculum expressit, quæ epistola quoque in *Vol. V. selectior. opusculor.* Cl. BALDINGER impressa habetur.

\*) In *notis ad prælect. acad.* BOERHAAVI, *Tom. III.* Huic utili curiositati pro maxima parte mihi satisfacisse videtur post MORGAGNIUM MEIERVS in mox antea citata ad ZIMMERMANNVM epistola, qui erudite undique collegit, quinam Auctores calculos in vesicula fellea post mortem viderint, & qui quoque eos quacunque ratione eliminatos observaverint.

\*\*\*) Ill. van SWIETEN l. c. plus quam 200 calculos cum alvo excrevisse matronam memorat, quorum maximus pisum non superabat, & quotidie adhuc eam deposuisse calculos felleos magna satis copia in fœcibus reperiunda sub forma crassioris sabuli.



tur, quorum tanta est moles, ut angustias ductus cystici & choledochi eos transire potuisse nunquam credidissemus, nisi ipsa nos constanter convinceret experientia. Plures enim jam posidemus magnorum calculorum felleorum seu ano seu etiam vomitu ejectorum historias, quarum aliquas MORGAGNIUS loco jam antea memorato allegat, plures vero eruditus MEIERVS in ante dicta quoque epistola collegit, propriamque aliquam addidit. Hæc effecerunt, ut tantis calculis ano aut vomitu ejectis quidam in animum induxerint, illos calculos non felleos, aut saltem in cystide non genitos esse, sed in intestinis coaluisse, quorum tamen plures veros calculos felleos fuisse, & quidem in cystide fellea genitos, inde vero per dilatatos ductus in intestina delatos suspicari licet vel ex eo, quod fabrica ac natura illorum cum felleis in cystide genitis comparata omnino conveniat, ut postea adhuc clarius patebit. Accedit adhuc, quod a pluribus Auctoribus ductus illi bilarii, cysticus nempe & hepaticus, adeo dilatati reperti sint, ut digiti crassitiem sua capacitate superarent.

Omnibus istis non multum novi addi posse autumans sequentem tamen casum esse, qui adnotari meretur, existimavi, qui & summorum Virorum dicta comprobare, & nonnullorum juniorum saltem Medicorum studium in intelligendis ac curandis ho-



hominum miseriis excitare valet, neque forte omnes meæ adspersæ animadversiones Lectori benevolo displicebunt. Et quod icones meas calculorum felleorum hic adjectas concernit, harum hanc spero fore utilitatem, ut accurate, & accuratius forte quam aliorum figuræ tam externam quam internam illorum structuram ob oculos ponant, & quidem non tantum in calculo ad casum mox enarandum spectante, verum in omnibus aliis felleis calculis comparandi gratia hic additis, ut unico quasi intuitu, quæ iisdem diversitas insit, perspicere liceat.

## §. II.

Femina nunc quadragenaria jam circiter, per octodecim ferme annos cardialgiam passâ est vehementem, & per vices tantum ingruentem, quam vomitus plerumque concomitabatur, isque adeo levans esse videbatur, ut per vomitum causa quasi ejecta totum, saltem pro tempore, sileret malum. Sat frequenter redibat paroxysmus: scilicet post unam, duas, tres, quatuorve septimanas aliquando; quin imo contigit, ut subin toto anni quadrante lucidum experta esset intervallum. Materies, quam vomitu reddidit, præter ventriculi mucum alimenterumque interdum partem nulla fuit. Tandem iterum & ultimo quidem cardialgiæ paroxysmo præhenditur, qui cum valde molestus





lestus esset, diutiusque, quam unquam, protrahi videretur, ipsa ægra hic proprium consilium sequi constituit; vomitu nempe cum semper levare cardialgiam experta esset, eum sibi digito faucibus intruso excitare conata est. Dum hac ratione emesim sibi provocare continuat, subito sentit, quasi corpus quoddam e regione epigastrica vulgo scrobiculi cordis, ubi cardialgiæ sedes fuerat præcipua, descendisset ad inferiora magis, unde a cardialgia in perpetuum quidem liberata fuit, sed haud leviores prioribus eam insecutæ sunt ærumnæ. Dolor nempe immodicus hypochondrii dextri supervenit se etiam usque ad sinistrum extendens, cui se statim ea adhuc die arquatus morbus junxit. Successit tum quoque virium dejectio, inapetentia, & demum sudor fere continuus, cum quibus malis conflictata ægra ultra medium annum constanter fere lecto affixa hæsit. Cum macie corporis crevit icterus adeo, ut in fine fere nigra & horrida aspectu esset. Hisce ærumnis posteaquam per tres integros anni quadrantes, ab ortu nempe arquati morbi, obnoxia esset, subitum levamen doloris in hypochondrio dextro sentit, & non multo post cum alvo in excipulum quidquam duri delabi percipit. Facto sæcum examine repertus est calculus, quem ægra sibi asservavit, quemque intercedente Clarissimo, ac amicissimo Collega meo Domino MIKAN, mihi pro augmento

mento collectionis meæ calculorum humanorum dono dederat. Ex eo tempore, quo calculus cum alvo discesserat, incepit iterum appetere, dolores hypochondriorum omnes evanuerunt, cessavit sudor, & icterus deperdebatur de die in diem ita, ut intra paucum temporis spatium sanitas in integrum restitueretur, qua a duobus jam abhinc annis læta fruitur. Elapso tamen ultimo mense Majo videbatur icterus redire, sed sine aliis ac gravibus illis, quibus vexabatur quondam, symptomatibus; succo herbarum recentium se flavedinem illam fugasse assecuravit, suspicatur tamen, se iterum tunc aliquem calculum cum alvo dejecisse, quem autem quærere neglexit.

Quibusnam medicamentis ægra toto illo morbi tempore usa esset, operæ prættium esse non videtur, ut commemorem, præsertim cum in principio mali saltem, ut ex formulis mihi ostensis intellexi, varia suspicati fuerint Medici, neque demum ægra nullius Medici constanter usa esset consilio; sed potissimum ea adhibuit, quæ hominum plebs illi suaferat, eaque superstitiosa partim, partim inefficacia non solum, verum innoxia plane, sic ut facile persuadeatur totam hujus mali curationem solius naturæ opus fuisse.



## §. III.

Supererat nunc calculus examinandus, an revera calculus felleus esset, an vero quidquam tantum in intestinis in formam calculi concrevisset, anoque postmodum dejectum esset. Examen tanto accuratius instituire potui, cum plures alios calculos, de quibus, utrum fellei sint, dubitare non potui, ad manus haberem, eosque per omnia inter se comparare possem. Adducam itaque omnia hic, quæ examinando hunc calculum & eum cum aliis felleis comparando didici, ut palam fiat, indubitanterque concludi possit, an verus calculus felleus sit, an vero in intestinis tantum coaluerit.

I. Figura sua ad ovalem accessit, ita tamen, ut ad unam extremitatem impressam aliquam, & leviter excavatam haberet planiciem, quam æque ac magnitudinem calculi docet *Tabulæ I. figura 1.* In ista calculi planitie jam aliquid esse videbatur, quod suadere potuit, esse felleum calculum, & quidem in cystide fellea genitum. Si enim unus calculus in cystide sit, is se figuræ cystidis utcunque accommodat, & communiter plus minusve ovalem figuram induit; si autem sunt duo, tres, aut plures, tunc iis in locis, ubi sibi accumbunt, ac affricantur, planicies quasdam aquirunt, ex quarum numero calculorum, qui adjacebant, nume-

numerus intelligi potest \*). Sic cum ad unam hujus calculi extremitatem talem planiciem viderem, concludere potui fuisse adhuc alium & minorem calculum, qui simul in cystide genitus extremitati majoris calculi accubuerat. Tales binos felleos calculos sibi mutuo accumbentes invenit ALBINVS in ductu choledochi \*\*), ubi quidem eosdem genitos haud crediderim, sed in cystide fellea potius, indeque per cysticum ductum, qui adhuc dilatatus repertus est, in choledochum descendisse, ubi morando ductum hunc in vesiculæ speciem dilatarunt. Hos sibi mutuo accumbentes calculos quoque eleganter pictos dederat ALBINVS, quos, cum ad illustrationem nostri calculi faciant, etiam *Tabulæ I. in figura II.* inserui, quidpiam commodi Lectori hac in re præstiturus. Attamen nequaquam ex hoc solo signo satago evincere felleum esse hunc calculum & insuper in cystide fellea genitum, cum hoc commune sit omnibus calculis, qui in communi aliquo receptaculo formantur, ut ab accubitu mutuo una alterave imo pluribus planis faciebus in superficie sua gaudeant.

2. Color erat huic calculo ex flavo albicans, quamvis collar minime signum sit,  
ex

\*) Vid. quæ MORGAGNI in Epistolæ antea citatæ Nro 19. & 20. de felleorum calculorum figura commemoret.

\*\*) Adnot. academ. Lib. III, Tab. VII, fig. I.





ex quo de felleo calculo convinci possemus: habeo enim præterea fuscos, alios viridescentes, alios albos. \*)

3. Superficies externa hujus calculi non erat inæqualis & tuberculosa, qualem calculum felleum *figura 3.* expressi, sed etiam non erat levigata, ad modice asperam accedebat; attamen si ad pannum effricaretur modicum, statim elegantem polituram acquisivit, quod in omnibus felleis calculis similiter evenire vidi, & quod a pluribus Autoribus apud MORGAGNIUM notatum fuisse commemoratur.

4. Scindi se permisit facile instar saponis, quod quoque multi Autores observarunt, & ego in omnibus meis felleis calculis expertus sum.

5. Levis ad sensum fuit, erat enim jam per biennium fere exsiccatus. Hunc cum omnibus meis felleis calculis in vitrum aqua fluviatili repletum projeci, qui innatabant omnes, & quidem tam in frigida quam tepida, ita quidem, ut aliqui profundius in aquam mergerentur; alii, e. g. ille, qui in *figura 3.* expressus est, aliquantulum etiam ultra superficiem aquæ prominere. Ille, quem *figura 5.* exprimit, est coloris ex fusco viridescens, & profundius aquæ immersus fuit quam alii, nec non pauca post minuta subsedit ad fundum vasis usque. Reliqui calcu-

\*) Vid. MORGAGNI l. c. Nro 16. 17. 18.



calculi successerunt illi unus post alterum, tantum unus, qui *figura 3.* exprimitur, tuberculofus, albus, ac instar camphoræ fere hinc inde pellucens innatavit 20 horis jam ab injectione elapsis, subsedit postea tamen penitus. Siccatos omnes illos calculos postea rursus in aquam injeci, innatabant iterum omnes, & eodem iterum ordine subsederunt. In hoc experimento vidi animadversionem MORGAGNII in causam levitatis horum calculorum comprobari; bullas nempe aeris in superficie calculorum enasci, dum intra eorum poros aqua se successive insinuat, & aerem contentum atmosphæricum exire cogit, quæ adhærentes aeris bullulæ ad levitatem specificam plurimum conferunt, donec iisdem solutis aqua magis penetratus calculus subsideat. Ast quare unus felleus calculus præ altero specificè levior reperiatur, ratio esse videtur partim in proportionem partis oleosæ ad terrestrem & glutinosam majore, partim in pluribus ac majoribus poris in uno quam alio reperiundis; nam dantur calculi fellei qui non tantum majores poros, sed plane cavos sinus in se gerunt, in quibus olim bilis continebatur, nunc vero bile exsiccata aer atmosphæricus delitescit. Talem sinum in se habuit calculus in *figura 3.* expressus. Ex istis tute concludi posse existimo: omnes felleos calculos probe siccatos aquæ innatare aliquamdiu, postea vero tamen subsidere, ubi  
aqua



aqua penetrati sunt ; & propterea quoque omnes recentes calculos ex fellea vesica aut ductu choledocho exemptos , aut ano excretos aquæ fundum petere , quod quidem propria experientia confirmare non valeo præsentē occasione destitutus, sed auctoritate Clarissimorum Virorum comprobare possum: nimirum apud MORGAGNIUM \*) lego OTTONEM HEVRNIUM in cystide fellea tres reperisse calculos, quos scribit *aquæ injectos non natasse, ut multi scribunt, sed subsedisse.* Clarius est relatum apud MORGAGNIUM quoque experimentum \*\*) WEITBRECHTII, qui decem calculos ex cysti exemptos, statimque aquæ injectos, aqua *specifice graviores, siccatos autem leviores* deprehendit.

6) Tandem calculum istum siccatum ad ignem candelæ examinavi, & vidi, quod igni candelæ admotus statim liquefciendo spumet. Ita spumabant alii fellei calculi quoque, sed aliqui nonnihil minus, quam spumescentiam aeri fixo liquefcentia calculi extricato tribuere nullus dubito, quum per experimenta HALESII \*\*\*) notum sit, quam  
magnam

\*) L. c. N. 25.

\*\*) Ibidem.

\*\*\*) *Static. Vegetab. cap. VI. exper. 77.* Quia autem Clarissimus hic Auctor, nondum scivisse videtur calculos felleos totos instar ceræ liquefcere, credidit quod ideo in ejus destillatione plus olei adscenderit, quam ex calculo urinoso, quia bilis sic-  
cata

magnam aeris fixi copiam contineant, 648. vicibus videlicet aerem elasticum ex calculo felleo expulsum molem propriam calculi superare. An ex eo, quod aliqui calculi fellei ad ignem candelæ liquefcentes magis, alii minus spument, suspicari licet aliquos plus, alios iterum nonnihil minus de aere fixo continere? Odorem inter liquefendum sparsit animalema haud gratum, quemadmodum omnes mei fellei calculi. Flammam in non nullis suæ superficiei locis concepit, sed eam a candelæ igne remotus non conservavit; propterea omnes meos felleos calculos tentavi, num inflammabiles essent, quidam, quamvis lignescerent statim, & spumarent, flammam hanc concipere renuebant, tantum illa frustula calculi fellei, quæ in *fig. 9.* expressi, & statim flammam conceperunt, & conceptam conservarunt. Postmodum vero ex quolibet calculo frustulum accepi, pertinaciterque quodlibet mediante cultro ardenti candelæ admovi, & tunc expertus sum omnes flammam non tantum concipere, verum tamdiu conservare, donec toti deflagrassent, nigrumque carbonem facile in pulverem inter digitos conterendum reli-

B quis-

cata superficiei calculi adhærens illud supeditaverit. Notavit præterea etiam spumam magnam agere calculos felleos, sicut observavit hoc in destillatione cornu cervi.



quissent. Omnes itaque uti HALLERVS \*) inflammabiles reperi, seu albi, seu flavi aut flavicantes tantum, seu viridescentes, seu fusci, quin imo fere nigri essent, ut sunt illi, quorum aliquos *fig. 7.* expressi, qui sub cortice suo profunde fusco nucleum nigerimum habent. Aliter itaque mihi quoque observare licuit, quam MORGAGNIO \*\*), cui nigri calculi flammam concipere renuebant.

7. Postea difregi illum calculum per medietatem in duas partes, ut interiorem ejus substantiam ac structuram cum aliorum felleorum calculorum structura comparare possem. Color interioris substantiæ fuit ex flavo fuscescens, & structura lamellata videbatur, quæ a superficie calculi ad duas lineas usque versus centrum se extendit, & tum secuta est granulosa quædam substantia, in cujus centro albus exiguusque visus est nucleus, a quo striæ quædam pennatæ in granulofam illam substantiam procedebant radiatim, quemadmodum id in *figura 2* exprimere conatus sum. Pennatas voco illas strias, quia ad modum barbæ pennarum ad se convergunt. In intropressa extremitate, ubi

\*) Oper. min. Tom. III. opusc. path. observ. XXXVIII. histor. X. in nota sub lit. m. affirmat se omnes, quot quot occurrerent, inflammabiles reperisse.

\*\*) L. c. Nro 26. & Advers. anat. III. animadvers. 28.



ubi illa planicies a socio calculo impressa fuerat, extima lamella plane defuit, quæ per affrictum a socio calculo periisse videtur.

Inter alios felleos calculos, quorum structuram cum præcedentis calculi structura comparaveram, ut ultro pateret, num calculus ille cum alvo excretus reipsa felleus esset, tantum sequentes hic adnotasse sufficiet. *Primo* calculum accepi magnitudine & figura fere similem priori, qui etiam in *figura 3.* delineatus est. Externe tuberculosis fuit instar mori fructus, quorum tuberculorum a cellulis internis cystidis felleæ formatio forte haud inepte in hoc calculo derivari poterit. Unam extremitatem etiam leviter cavatam habuit a socio calculo, quocum in cystide fellea hæserat. Levissimus fuit, & ideo etiam diutissime aquæ innatabat, & in eo diffracto margo exterior visus est revera camphoræ adinstar pellucere; interior vero substantia flava fuit, non concentrice lamellata, sed tota ex striis pennatis, seu ut HALLERVS dixit \*), feleniticis constans, quemadmodum id *figura 4.* ostendit. *Secundo* diffregi alium felleum calculum, colore viridescentem, levigatum, in aqua brevi subsidentem, & quinque facies externe sibi a fociis calculis impressas

B 2

ha-

\*) Oper. minor. Tom. III. opusc. path. Observ. XXXVIII. histor. VII.





habentem \* ). Hujus quoque exterior substantia ex lamellis constabat sibi mutuo impositis, sed abinvicem nequaquam separandis, quæ ad angulos hujus calculi plures numerabantur, quam ad facies, cum hic extimæ lamellæ per attritum aliorum calculorum accumbentium perivisse, aut vero nunquam formatæ fuisse videantur. Extima lamella albicans fuit, in facie tamen sua externa colore viridescente picta; secunda lamella cinerascens, tertia flava, quarta valde tenuis ac instar lineæ profunde fuscæ, quinta iterum flavicans erat, & ultra nullæ lamellæ amplius distingui poterant. Ex hac lamellarum quoad colorem varietate patet, quantopere hic calculus, dum formaretur, colore variare debuerit: dum enim intima lamella extima ejus crusta esset; erat flavicans; postea fuscus; tum iterum flavus, postmodum cinerascens, & demum albus, nunc iterum ex cinereo viridescens. Interior substantia hujus calculi ex fusco flavescentis radiis pennatis aut crystallis rectius dicendis a centro ad peripheriam etiam in lamellas usque protensis constabat, & ad lucem candelæ inspecta non minus ac substantia ipsarum lamellarum coruscabat. Tam lamellatam quam striatam hujus calculi substantiam in *figura 6.* exprimere conatus fui. *Tertio* comparavi etiam substantiam calculorum felleorum, quorum magnum numerum habeo

\* ) In *figura 5.* delineatus est.

habeo ex cystide fellea cujusdam matronæ exemtorum, qui & magnitudine & colore piper nigrum referunt, ac plures facieculas externæ suæ superficiei impressas habent ut *figura 7.* ostendit. Habent præterea omnes externe crustam quasi lamellatam fuscā, & interior substantia valde nigra & granulosa est ad candelam coruscans <sup>\*</sup>), in qua tamen striatæ illæ crysalli obscure detegi poterant. *Quarto* eandem structuram calculorum felleorum etiam vidi confirmatam in calculis, quos ex cystide fellea post mortem exemtos habeo, & quorum aliquos in *figura 9.* delineavi. Omnes habebant variā magnitudinem & figuram plane irregularem; factō accurato horum calculorum examine patuit eos non separatim in cystide genitos esse, sed esse frusta majoris alicujus calculi, qui in cystide per violentas forte concussiones diffractus fuit. Omnia frustula externe albo pigmento quasi obducta erant, quo ablato tam striata quam lamellata substantia in apertum venit sic disposita, ut *figura 10.* in uno frustulorum per lentem auctā magnitudine ostendit; unde evidens sit hunc calculum non per se factum esse, sed esse partem majoris alicujus calculi diffracti.

Ex comparata ista felleorum calculorum structura non solum intellexi ultro probari, quod calculus ille per alvum excretus revera calculus felleus sit; sed etiam quare Au-

B 3

ctores

<sup>\*</sup>) Vid. fig. 8.



ctores alii lamellatam, alii striatam in illis substantiam descripserint \*). Observari nempe utrumque: ita ut in plerisque externe lamellata esset structura, quas tamen lamellas potius tantum solus color varians discer nit, nec lamellæ illæ ab invicem facile separabiles sunt; interna vero structura radiatopennata fuit. Dari tamen, in quibus nulla lamellata substantia est, demonstrat calculus *figura 3. & 4.* expressus, qui nullas lamellas sed tantum pennatas crystallos continet, extus crusta alba tuberculosa & instar camphoræ pellucida circumseptas. In eo tantum non possum assentiri Clarissimis Viris, qui strias simpliciter radiatas & instar radiorum a centro ad periphariam ductas affirmarunt \*\*), quæ tamen, uti dixi, & figuris, quantum fieri potuit, expressi, pennatæ sunt, quas HALLERVS seleniti comparaverat. Hos radios veras crystallos esse existimo, quum calculi fellei crystalizatione aliqua potius enasci videantur, quam simplici aliqua bilis inspissatione ac luti adinstar induratione, quemadmodum FERNELIVS censuit \*\*\*). Rudis utique bilis induratio non similes in felleis calculis crystallos produceret, proinde alia adhuc causa accedere videtur, eaque physica, vis attractiva  
nempe

\*) Videatur MORGAGNI *l. c. Nro 22. 23. 24.*

\*\*) ALBINVS in *Adnot. Acad. Lib. III. Tab. VII. fig. II* etiam radios sed interruptos pingit.

\*\*\*) Vid. MORGAGNI *l. c. Nro 14.*



nempe, quæ perinde ac falis particulas ex aqua iis impregnata colligit, inque certæ figuræ crystallos ordinat, ita quoque hic oleosas & salinas bilis particulas conquirat, inque loco opportuno in felleorum calculorum crystallos componit. Hæc de calculorum felleorum ortu sententia confirmatur a *Celeberrimo* HUNTERO, qui ratione crustæ adamantinæ dentium, quam crystalzationis cujusdam effectum esse censeret, se multas observationes de calculis tam renum quam vesicæ, & de calculis felleis fecisse monet, & promittit, ubi tempus vacabit, se eas publicæ lucis facturum, sicut eas jam anno 1761. suis Auditoribus ostenderat\*). Cum porro crystallina calculorum substantia ipsius bilis aliqualem quietem præsupponat, ut in lapillos coaguletur, neque propterea admixtionem aliorum humorum ferre posse videatur: sequitur; quod aptissimus locus iisdem generandis cystis fellea sit, utpote in qua bilis & moram agere potest, & tenuiores aquosas ac superfluas partes difflare, unde opportunitas cæteris partibus concrescendi enascitur. Hanc concrescendi opportunitatem non concedunt bili intestina, ubi neque quies ob motum peristalticum & antiperistalticum intestinorum datur,

B 4

neque

\*) Videatur ejus *Hist. nat. dentium* in capite de formatione lamina vitrea, in nota ad pag. 144. Translationis BODAERTII, Dordraci 1773.



neque sincera perstare potest bilis, quam succi affluentes alii diluunt, puta gastricum, entericum pancreaticum & chylum, qui quoniam cum bile miscentur, omnem ejus inspissationem & crystallizationem cavere debent. Nullus itaque dubito, plures calculos, quos utpote in intestinis genitos & ano aut vomitu reiectos adnotarunt Auctores \*), veros fuisse felleos calculos, adeoque non in intestinis sed in cystide fellea potissimum generatos, quorum certe structura & natura toto cœlo ab iis differre debet, qui solis in intestinis nasci possunt. Sic calculum, quem per alvum excretum describit. C. MAIERVS \*\*) lubens quoque in cystide genitum, & per ductum cysticum ac choledochum in intestina delatum fuisse concessero, quamvis industrius Vir signa calculi fellei characteristica omnia non selegit, quæ tamen jam diu ante discusserat MORGAGNI. A colore omnino nullum desumi potest argumentum; & utrum ejus calculus intus lamellatam vel striatam vel utramque habuerit substantiam, non reperio adnotatum. In quinto suo argumento, quo etiam probare adnititur, quod calculus ille ano excretus verus felleus & verosimiliter in cystide fellea genitus sit, inquit: *corporis huma-*

\*) MORGAGNI l. c. Nro 45.

\*\*) Epist. ad Ill. ZIMMERMANNVM de mag. ves. fell. calc. &c.



*humani calculos præcipue in semibus, vesica fellea, & urinaria formatos, consistere ex lamellis, instar ceparum sibi invicem superimpositis, &c.* hoc certe de omnibus felleis dici nequit, ut apud MORGAGNUM ex pluribus Auctoribus memoratur, quod non lamellatos sed striatos reppererint. Sic HALLERVS feleniticam eorum esse structuram adnotavit, ut nec opus sit meas commemorare observationes. Taceo quoque de calculis urinariis tam renum quam vesicæ, quorum etiam haud pauci non lamellati sunt.

8. Postea frustulum illius calculi in cochleari ferreo stanno obducto tenebam supra ardentis candelæ flammam, & vidi illud statim inter spumandum lignesceri, quo liquefacto, & inclinato nonnihil cochleari, defluxit oleum relicto pulvere nigricante non solubili. Illud vero oleum statim consistebat ita, ut refrigeratum consistentia sua consistentiam ceræ albæ superaverit, & neque in aqua bulliente postea tentatum solveretur. Idem observari cum omnibus aliis felleis calculis contingere.

9. Coxi postea particulam ejus calculi in cochleari cum aqua; friabilior facta est particula, & parum aut vix colorabat aquam. Coxi quoque ita parvum talem calculum felleum, quales in *figura 7.* pinguntur; intumuit fracta exteriori lamella, cæteroquin nihil ultra in eo mutatum fuit.



12. Coxī deinde particulam tam hujus quam aliorum felleorum calculorum in lixivio cinerum, & statim omnes fatiscébant in pulverem; lixivium multum flavo colore tingentes & amarore inficientes. Confirmari videtur hic experimentum H A L E S I I, qui calculum felleum pisi magnitudine in lixivio salis tartari spatio 7. dierum dissolutum viderat\*), quod illi non successit cum calculo urinoso.

13. Coxī idemum & dicti sæpe calculi & etiam aliorum particulas cum modico oleo provinciali; statim dissolutæ sunt omnes calculorum particulae permixtae eorum oleosa parte cum oleo addito; quocum juncta massa refrigerata consistentiam vulgo dictæ pomadæ habuit. Notandum quoque est, quod in hac calculorum solutione & combinatione cum oleo fœcēs quædam quoque fusco-nigræ subsederint; quæ partim terrestres, partim mucosæ præter oleosam partem calculi substantiam ingrediuntur.

Postremo fatiscēbat hic calculus una cum aliis mihi in spiritu therebintinæ; sed in aqua methodo Priestleyana aere fixo impregnata non magis mihi successit experimentum, quam D. P E R C I V A L \*), qui sperans infalibile se reperturum calculorum felleorum in aere fixo menstruum, successu quoque in experimento suo caruit. S.

\*) *Static. veget. l. c.*

\*\*) Dr. Priestleys Versuche und Beob. über verschied. Gatt. der Luft 2 Theil. im Anhang S. 371.

## §. IV.

Ex omnibus istis observatis indubitanter, credo, concludi potest, illum calculum per anum excretum biliosum esse, & procul dubio in cystide fellea una cum suo socio genitum; inde autem per ductum cysticum & choledochum successive dilatatos in intestina pervenisse. Annosus certe cystidis hospes hic calculus fuisse videtur, qui dum exitum per ductum cysticum moliretur, causa cardialgiæ frequenter redeuntis fuit. Hoc exeundi molimine repetito, & per vomitum cardialgiæ se jungentem adaucto, ductus cysticus successive ita dilatatus fuit, ut viam transeunti calculo concederet. Posteaquam nunc superato per repetitos cardialgiæ & vomitus insultus ductu cystico in choledochum se demitteret, videtur cardialgiæ annosæ finis factus fuisse, & prægresso illo descendente ex regione epigastrica corporis sensu infecutus fuisse immodicus hypochondrii dextri dolor una cum ictero. Dolorem hunc hypochondrii facile explicueris a distensione ductus choledochi nunc necessario facienda pro ulteriore calculi descensu, quem bilis hepatica & cystica perpetuo urisse videtur, ut propterea etiam ille dolor non remittens fuerit. Icterum vero primo tunc accessisse intelligimus, cum obstructo ductu choledocho nulla bilis nec hepatica, nec cystica intestinum

duo-





duodenum ingredi posset, sed supra calculum accumulari inque sanguinem retrogradi cogeretur, quod ut fieret, ratio sufficiens non erat, quamdiu ab eo calculo cysticus ductus obstructus erat, poterat enim hepatica bilis continuo per ductum choledochum in duodenum evacuari. Quod mense Majo proxime elapso rursus apparere icterus inciperet, ægraque calculum iterum aliquem decessisse suspicetur, videtur fuisse alter & minor calculus, qui priori subjectus erat & illius sinuosæ extremitati adjacuerat, quique nunc primo ex cystide in intestina propelleretur non cum tantis incommodis, ut prior, quum minor esset, & viæ adhuc ampliatae, neque ad pristinum tonum adhuc reversæ esse, si revertentur unquam, videantur.

Sicut ægræ nostræ symptomata per mechanicam partium structuram & calculi per eas descensum facile & verosimiliter explicari possunt, sic dantur quoque casus haud infrequentes, qui nonnihil aliter contingere videntur. Sunt enim, qui calculos felleos sine ictero, sine doloribus epigastrii aut hypochondrii excernunt, sunt, qui validissimos utrinque dolores experiuntur per paroxysmos quandoque ingruentes, sunt, qui etiam tunc ictero periodico laborant; quæ tamen omnia partim a dilatabilitate faciliore vel difficiliore viarum ac majore vel minore earum sensilitate pendere videntur.



dentur. Sic fabulum quasi referentes exigui fellei calculi facile & sine grandibus symptomatibus prodeunt; dum interim majores e contrario rariore fortuna eadem via & non sine maximis incommodis eliminantur. Posteaquam tam ex anatomicis quam physiologicis convicti sumus bilem in substantia hepatis generari ac secerni, & inde per ductum hepaticum defluere in ductum choledochum, unde pars ejus in vesiculam felleam remeat stagnandi inspissandi ac concentrandi gratia, pars vero in duodenum intestinum depluat; & posteaquam quoque icterum oriri a bile ex hepate excerni impedita, & in sanguinem remeare coacta persuadeamur: tunc rationabiliter concludimus cum MORGAGNO calculos felleos non producere icterum, nisi ductum choledochum obstruxerint. Nihilominus tamen quamvis dentur innumeri homines, qui multos & magnos calculos felleos in cystide gerant sine ullo unquam sanitatis detrimento, sunt tamen casus frequentes, ubi a moto calculo felleo ex cystide in cervicem ejus aut ductum cysticum ictero jam laborant. Hoc phaenomenon sic praecipue explicare conati sunt Clarissimi Viri, ut bilem in cystide contentam & per obstructum suum ductum evacuari impotem in sanguinem remeare statuerent, & quidem viis a quibusdam antiquioribus Anatomicis demonstratis, quas vias hepatis - cysticos aut

cy.



cystico - hepaticos ductus vocarunt. Hos ductus in brutis quibusdam tantum reperi- biles, homini denegarunt recentiores Au- ctōres, & ipsemet quondam in hanc rem suadente *Magnifico* de H A E N inquisivi, post- equam casu in hepar humanum incidis- sem, quod in proprios usus dissecuri, in quo ductus bilem ex hepate in cystidem imme- diate vehentes tres inveni, quos figura ex- pressos suæ *Rationis medendi continuatæ Tom. II.* inseruit Celeberrimus Auctor. Quæsi- vi postmodum frequenter frustra illos ductus, neque reperi eos ultra in homine, in hepa- te tamen bubulo & vitulino perpetuo, un- de manifestum fit me non nisi in rarum quem- dam naturæ lusum incidisse, ubi natura ali- quos pororum hepaticorum ramos loco du- ctus hepatici inseruerit ipsi cystidi felleæ, quemadmodum hoc constanter fit in quibus- dam animalibus. Hoc non obstante bilis ex cystide fellea humana in sanguinem re- meare potest, & quidem per vasa resorben- tia tam venosa quam lymphatica, quibus hepar & vesicula fellea abundat. Hæc vasa in statu naturali tenuiores bilis partes resor- bent, & dilatata præternaturam etiam bilem admittere poterunt. Viam valde patulam ex ductu hepatico in vasa lymphatica N V- CK I V S invenit, & Celeberrimus MECKEL \*)

con-

\*) Nova Experim. & Observ. de finibus venarum, ac vasorum lymphaticorum in ductus visceraque excretoria corp. humani. Sect. IV.

confirmavit; eadem non minus patula ex cystide fellea in lymphatica erit. Atamen, quod mihi videtur, est, quod modica illa cystica bilis, quæ tanto parcior est, quanto pluribus & majoribus cystis repletur calculis, suo in sanguinem remeatu non posset non solum totam cutem, verum etiam interiores corporis partes, puta membranas, cartilagines, & sanguinem totum tantopere inficere, ut etiam in urina copiosa bilis lintea tingens reperiatur; videtur enim ad hoc longe major copia bilis requiri, quam illa cystica sit. Quare dum a calculo felleo ductui cystico impacto nascitur icterus, nullo simul in hepate vitio obtinente\*), videtur hoc fieri potius propterea, quod inde nervi totius hepatis afficiantur, & suo nobis nondum perspecto in vasa excretoria imperio bilem non excerni sed in sanguinem ex toto hepate remeare cogant, non minus ac animi affectus solus icterum producere potuit apud MORGAGNVM \*\*). Nihilominus

\*) MORGAGNVS marcidum plerumque hepar simul observatum fuisse monet, quod etiam confirmatur apud de HAEN in *Rat. med. cont. Tom. III.*, seu *Oper. posth. Vol. I.* edente Clarissimo STOLLIO in *Seçt. I. casu VI.* ubi quoque in icterico calculus nucem avellanam æquans collo vesiculæ felleæ impactus hæsit, & hepar valde parvum, ut libram unam & novem uncias ponderaret, & totum fere gangrænosum esset.

\*\*) Videatur laudati sæpe Operis *Tom. II. Epist. XXXVII.* mox ab initio.





minus tamen in ægra nostra, dum calculus per ductum cysticum transiret, multasque cardialgias & vomitus caufaret, tamen icterum non produxit, quod omnino mirum videri debet, potuisse nimirum tantum calculum per transitum ductus cystici nervis ejus & nervis hepatis parcere, qui laceffiti secus excretionem bilis ex hepate sistere, & icteros periodicos cardialgiis supervenientes producere potuissent; fortasse minus mireremur tale phænomenon, si nervorum illorum, quos non licet satis cultro anatomico profequi, tam decursum quam connexionem & structuram, verbo totam naturam rectius perspiceremus. Constantius ab obstructo per calculum (taceo de aliis causis) ductu choledochi aut hepatico icterum fieri cum MORGAGNIO crediderim, quum tunc nulla bilis in duodenum ab hepate descendere valeat, omnisque in sanguinem remeare cogatur; quamvis non desint casus obstructi choledochi ductus sine ictero, & tales apud MORGAGNIUM allegantur \*), & apud ALBINUM similis casus est \*\*), ubi duos felleos calculos sibi mutuo accumbentes in choledochi ductu (*canalibus choledochis* inquit) impactos invenit in femina hydropica, ubi & cysticus ductus dilatatus fuit, & choledochus

\*) Loco sæpe jam citato *Epist. XXXVII. Nro 34.*

\*\*) Adnot. Acad. Lib. III. qui calculi etiam in adjecta hic nostra tabula figura I I. expressi habentur.



dochus plane instar vesicæ ampliatus, icteri-  
tamen nullam facit mentionem; an autem  
nullus adfuit, qui forte hydropem in fine  
intulit? quid quid sit, in tali casu, ubi  
choledochus ductu a calculo obstructo nullus  
adeft icterus, nisi bilis inter calculum, &  
ductus dilatati parietes furtim quasi transeat,  
erit ad duplicem ductum choledochum re-  
currendum, ut MORGAGNIUS loco alle-  
gato monuit tales naturæ lusus jam sæpe  
fuisse observatos. Sed longe difficilior ex-  
plicatu esse videtur casus, quem MEIERVS  
in Epistola sua jam antea sæpe commemora-  
ta ad *Illustr. ZIMMERMANNVM* describit,  
ubi maximus calculus transitu suo per cysti-  
cum & choledochum ductum nullum icte-  
rum in cute produxit, tantum urinæ im-  
missa lintea flavo tingebantur colore.

## EXPLICATIO

### TABULÆ I.

In qua diversi calculi fellei figuris expimuntur.

*Fig. I.*

Calculus ille ano excretus in magnitudine sua naturali delineatus.

- a. Impressa ei facies ab accubitu squamæ calculi.

C

*Fig.*

*Fig. 2.*

Idem calculus est, sed per medium diffractus, & magnitudine auctus, ut interior ejus structura pateret.

- a. Nucleus albus.
- b. Substantia crystallina radiato-pennata.
- c. Substantia granulosa magis quam crystallina, quam, ut patet, sequitur substantia lamellata.
- d. Hic loci deficit exterior lamella, quasi per attritum focii calculi perivisset.

*Fig. 3.*

Alius calculus post mortem ex cystide fellea exemptus, albus, ac tuberculosus, in naturali magnitudine expressus.

*Fig. 4.*

Idem calculus diffractus, & aucta magnitudine delineatus, cujus interior substantia tota crystallina, nulla lamellata, apparet.

*Fig. 5.*

Alius felleus calculus faciebus pluribus donatus ab accubitu fociorum; quibuscum in cystide hæsit, & post mortem exemptus est.

*Fig. 6.*

Idem calculus diffractus auctus magnitudine, cujus interior substantia crystallina, exterior vero lamellata apparet.

*Fig.*

*Fig. 7.*

Aliquot calculi fellei, quorum ingentem numerum in fellea vesicula reperi, omnes profunde fusci coloris, & pluribus faciebus exiguis donati.

*Fig. 8.*

Vnus horum calculorum diffractus, & magnitudine aucta delineatus, cujus exterior lamellata substantia videtur, interior vero magis granulosa quam crystallina.

*Fig. 9.*

Aliquot fellei calculi, quos statim post mortem in fellea vesicula reperi, omnes multum angulosos, crusta alba tenuissima illinitos. Quos posteaquam accurate examinasset, vidi non esse totidem separatim genitos calculos, sed esse frusta majoris alicujus calculi in vesicula antea diffracti.

*Fig. 10.*


Vnum frustulum ex prioribus, accuratius inspectum, & magnitudine aucta delineatum; in quo tam crystallina, quam lamellata substantia adparet, quæ manifesto iudicio sunt, esse hunc calculum frustum majoris alicujus calculi, violento corporis motu (e. g. vomitu) ante mortem aliquo tempore procul dubio diffracti.

*Fig. 11.*

Duo fellei calculi sibi accumbentes in ductu choledochi ab ALBINO reperti, quos hic ex ratione ante dicta apposui.









# SECTIO II.

SISTENS:

SCIRRHI VTERI ET GLANDVLARVM  
ILIACARVM, INDEQVE NATÆ HÆ-  
MORRHAGIAE VTERI LETHALIS CASVS  
BINOS.

## CASVS PRIMVS.

**N**uper ad Theatrum anatomicum allatum mihi fuit mulieris quinquaginta circiter annos natæ cadaver, in cuius pelvi aperto abdomine plures tumores apparuerunt, qui totum cavum pelveos replebant fursum repulsis intestinis tenuibus, quorum ileon saltem pro magna sui parte in cavum pulveos demersum alias reperitur. Vesica urinaria supra ossa pubis prominuit urina multa distenta, retro quam statim valde durus & magnus inæqualique superficie donatus apparuit uterus, ad cuius fundum arcte adnexum fuit intestinum ilion eo loco, quo a sua in colon insertionem quatuor digitis transversis distat. In facie sua posteriore uterus multis scirrhosis tuberculis variegatus fuit, ut ex adjecta *Tabula III.* patet. Ad latera fundi uteri alii tumores inæquales duri ap-



paruerunt, quorum dexter major fuit, & eo accuratius lustrato patuit esse tubam FALLOPII crassam, duram, & inæqualem ac convolutam, totamque scirrhosam, ne morsus diaboli fimbriis exceptis, una cum ovario sui lateris. In sinistro fundi uteri latere tuba FALLOPII tota sana & pervia fuit ad uteri angulum usque, sed non plane in uteri cavum, ovarium hujus lateris quoque totum scirrhosum erat. Ab utroque ovario scirrhosæ indurationes concomitabantur vasa spermatica versus eorum origines, altius tamen in latere dextro quam sinistro. Ante lumborum vertebrae quoque longus & inæqualis, durusque tumor erat, cavæ inferiori, & aortæ adhærens, erant reipsa glandulæ lumbares yena cavæ inferiori adhærentes & omnes scirrhosæ factæ. Vreteres etiam mox visui se ibi obtulerunt adeo dilatati ab urina contenta, ut capacitatem suam ipsis intestinis tenuibus non multum cederent; ita quoque pelvis renales ampliatae ab urina iis contenta fuerunt. Porro accuratius instituto pelveos contentorum examine repertum est uteri collum valde crassum & totum quoque scirrhosum, quod in sua posteriore parte tantum tumorem ossi sacro adpressum fecerat, ut non nisi satis angustum sulcum posterius pro descensu intestini recti reliquerit. Ad utrumque colli uteri latus fuit aliud utrinque medium pugnum magnitudine superans tumor  
du-



durus & inæqualis, qui ex glandulis lymphaticis ad divisionem vasorum iliacorum in interna & externa sitis, & scirrholis factis, natus est. Hi duo glandulosi tumores cum cervice uteri, cui adhæserunt, cavum pelveos undique explebant ad os sacrum ipsum præcipue in latere dexto accreti; vasa hypogastrica vel maxime ad ossa pelveos adeo compresserant, ut inde sanguinis venosi ab utero, vagina, & præprimis intestino recto, reditus notabiliter tardari ac impediri debuerit. Hi duo tumores quoque urinæ in vesicam defluxum ex ureteribus multum impedivere; nam erant ureteribus prope suam in vesicam insertionem multum accreti, ut notabiliter eos compresserint; evenit tunc, quemadmodum jam dixi, ut ureteres ambo & pelves renales valde ampliati, & urina repleti conspicerentur; quemadmodum hoc in calculosis contingit, ubi calculi urinæ descensum ex ureteribus in vesicam urinariam tardant, vel plane impediunt.

In dissecto longitudinaliter utero una cum ejus cervice patuit ad digitum & ultra crassa ac scirrholosa tam uteri quam ejus colli substantia. Facies uteri interna inæqualis & exulcerata tota erat, ex cujus anteriore parte tumor scirrholosus ovi gallinacei magnitudine excrevit, qui jam in anteriore uteri facie prominens observatus est. Inter hunc tumorem & fundum uteri materia purulenta



ta ex albo viridescens reperta est. Collum uteri interne totum lacerum ulcerosum & gangrænosum fere, non dico cancrosum, cum non adessent labia ulcerum spongiosa ac retorida, qualia in mamarum cancris videntur.

In vesicæ urinariæ cavitatione parte posteriore etiam scirrhusa tubercula plura aderant.

Ad anum aderant tubercula hæmorrhoidalia, & ipsa tunica intestini recti interna inflammatissima fuit, per quam venarum varices prope ani orificium hinc inde transparebant. Hac occasione mihi patuit, quod tubercula illa hæmorrhoidalia nihil aliud fuerint, quam tegumenta communia ad ani orificium ita relaxata, & tubercula illa efficiunt. Interne in his tuberculis continebatur cellulosa, in quam tamen varices veræ venarum tunicæ vasculosæ intestini recti se se demergebant, quod quoque figura in *Tabula IV.* expressi.

Ex hac morbosa partium constitutione facile ad symptomata morbum hunc, saltem versus ejus finem, concomitantia concludi potuit: nempe ad dolores in hypogastrio ob exulceratam internam tam uteri quam ejus cervicis faciem; ad fluorem album, eumque probabiliter foetentem; hæmorrhagias uteri frequentes, & eo validiores, quod redivis sanguinis venosi ex venis hypogastricis per compressionem earum a glandulis

dulis iliacis induratis factam impediri debuerit; unde quoque varices in venis tunicae vasculosae intestini recti, & valde inflammata ejus villosa tunica, nec non tubercula hæmorrhoidalia originem procul dubio duxerint suam. A compresso intestino recto per tumentem collum uteri versus os sacrum difficultates in deponenda alvo haud paucas expertam fuisse facile quoque intellectu fuit, sic etiam in urinæ depositione incommoda varia, quinimo ipsa urinæ suppressio locum habere potuit. Vt tamen de symptomatibus, quæ hunc morbum essent concomitata, certior fierem, conatus sum ea expiscari, quantum fieri potuit a pauperibus mulieribus, quibuscum cohabitavit, cum nemo alius esset, qui me de ægræ statu instruere valeret. Hæ autem aliud nihil referre noverunt, quam se valetudinariam eam novisse, obstructionibus alvi semper laborasse, & non nisi paucis ante mortem diebus diarrhæa correptam fuisse; vomuisse eam præterea frequenter citra notam causam; de doloribus ventris conquestam fuisse; & a tribus quadrantibus anni frequentem & validam passam esse hæmorrhagiam uteri, quæ, licet interdum sedari videretur, statim iterum recrudescebat, & ad mortem usque adfuit. Huic hæmorrhagiæ procul dubio se intermiscuerit fluor albus purulentæ materiei, quæ post mortem adhuc in utero reperta fuit. Vtrum unquam peperit, mihi non constat certo.



# EXPLICATIO FIGVRARVM

AD HVNC CASVM ILLVSTRANDVM SPECTANTIVM.

## TABVLA II.

Sistit uterum ab anteriore sua facie conspectum una cum adjacentibus sibi tumoribus.

- a. Vterus.
- b. b. Fundus uteri, cui adhæserat intestinum ilion.
- c. c. Ligamenta rotunda. Ligamenta lata evanuerant, cum uterus utrinque ipsa pelveos cavitatis latera contingeret.
- d. Collum uteri, quod ut magis conspiceretur, est vesica urinaria antrorsum magis reflexa.
- D. Protuberans hic tumor aliquis uteri internus.
- e. e. Tuba Fallopii dextra tota scirrhusa impervia.
- f. Ejus morsus diaboli quoque totus scirrhusus.
- g. g. Ovarium dextrum totum scirrhusum.
- h. Ovarium sinistrum quoque scirrhusum.
- i. i. Tuba Fallopii sinistra sana & pervia pro maxima parte.

k. k. k. k.



- k, k. k. k. Vasa spermatica ad tubas & ovaria  
pergentia scirrhoris tumoribus cir-  
cumdata.
- l. l. l. l. Vreteres ampli ab urina ibi stag-  
nante distenti.
- m. Vesica urinaria antorsum reflexa.
- n, n. Clandulæ scirrhoræ lymphaticæ,  
ad divisionem vasorum iliacorum  
sitæ, & partim collo uteri partim  
collo vesicæ urinariæ accretæ.

### TABULA III.

Eundem uterum a parte posteriore vi-  
sum una cum aliis adjectis partibus exhibet.

- a. Vteri facies posterior tota tuber-  
culosa.
- b. b. Colli uteri pars posterior inæqua-  
lis, in medio tamen pro descensu  
intestini recti excavata.
- c. Excavatio illa, in qua intestinum  
rectum descendit.
- d. Intestini recti portio a tumore col-  
li uteri separata, & deorsum re-  
clinata.
- e. e. Ovaria scirrhoræ.
- f. Tuba *Fallopii* sinistra sana.
- g. g. Tuba *Fallopii* dextra scirrhoræ.
- h. Vesicula præternaturalis, plena se-  
ro, & ad fimbriam tubæ *Fallopii*  
scirrhoræ adhærens.
- k, k. Glandulæ iliacæ scirrhoræ,



- l. l. Vreteres.  
m. m. Cellulosa ano adjacens.

# TABVLA IV.

## Figura I.

Vterus ille in parte sua posteriore longitudinaliter dissectus una cum vagina, ut cavitas utriusque pateat.

- a. a. a. a. Substantia uteri crassa ac dura scirr-  
hosa.  
b. b. Substantia scirrhusa & adhuc cras-  
sior colli uteri, quæ posterius tu-  
morem illum fecerat, qui in Ta-  
bula III. per lit. b b. designatus  
est in medio quasi exsulcatus pro  
descensu intestini recti.  
c. Tumor scirrhusus in cavo uteri  
lacero contentus, & ex faciei in-  
ternæ parte anteriore excretus.  
d. d. d. d. Tumores ulcerosi ac gangrænosii  
in cavo colli uteri.  
e. e. e. e. Vagina a parte posteriore aperta.  
f. Orificium urethræ.  
g. g. Nymphæ.  
h. Clytoris.  
i. i. Labia vulvæ.

## Figura II.

Tubercula hæmorrhoidalia ad orificium  
ani conspicua exhibet.

a. a.

- a. a. Cutis circa orificium ani.  
b. b. b. b. Tubercula hæmorrhoidalia.


*Figura III.*


Sistit intestinum Rectum apertum, ut venarum hæmorrhoidalium varices demonstrari possent.

- a. a. Cutis orificio ani proxima;  
b. b. b. Tubercula hæmorrhoidalia.  
c. c. e. e. Intestinum rectum apertum.  
c. c. d. d. Tunica ejus villosa dicta.  
d. d. e. e. In hac portione tunica villosa ablata fuit, ut venæ hæmorrhoidales sanguine turgidæ conspiciantur, prout in tunica hujus intestini vasculosa prope anum decurrebant.  
f. f. f. f. f. f. f. Varices harum venarum.  
g. g. g. Hic varices illæ usque in tubercula hæmorrhoidalia productæ sunt.






















F. 3



F. 2



c  
o  
g  
t  
o  
a  
f  
p  
r  
e  
v  
b  
le  
cr  
de  
ac  
xi  
b  
ra  
a  
va  
est  
ge  
ni  
imp

## CASVS SECVNDVS.

Cum ille casus uteri scirrhusi & ab eo  
pendentis hæmorrhagiæ uteri lethalis se  
mihi offerret observandum, occurrit mihi  
statim prorsus similis, quem Viennæ adhuc  
observandi occasionem habueram. Vtrum-  
que tamen esse, qui notari mereatur, co-  
gitavi, præcipue quod tales casus observa-  
ti & accurate enarrati pauci forte sint, si-  
cut nullum apud MORGAGNVM reperio,  
apud HALLERVVM tamen binos utcunque  
similes in ejus *Operum minor. Tom. III. opusc.  
path. Observ. XLVII. histor. I. & II.*

Erat mulier triginta & aliquot anno-  
rum, quæ ob scrophulosos colli tumores & ob  
efflorescentiam quandam in facie pertinacem  
venerat pro consilio in Nosocomium cele-  
berrimi de HAEN præceptoris mihi pie co-  
lendi, cujus amanuensis munere tunc functus  
eram. Postea quoque venit sibi conquestum  
de fluore albo uteri, & de nimis mensibus  
ac hæmorrhagia vera uteri, quibus vel ma-  
xime ab ultimo eoque valde difficili ac la-  
borioso partu se affectam esse dixit. Du-  
ravit hæc hæmorrhagia per intervalla jam  
a mense Septembri anni 1774. non tamen  
valde frequenter ægra in Nosocomio visa  
est, quod forte malum non nimis sibi ur-  
gere videretur; primo 28<sup>va</sup> dies mensis Ju-  
nii anni 1774. fuit, qua constantius auxilia  
implorare cœperat. Ab hoc tempore quo-  
niam



niam hujus ægræ quærelas acurate conscriptas in notatis meis habeo, etiam eas accuratius consignatas communicare potero. Cum autem crederem placitum quibusdam, si historiam sic, sicut in adnotatis meis reperitur, communicavero, ne quidpiam forte omisisse videar, feci itaque hoc, & omnia ex notatis excerpti nequidem medicamentorum formulis omisis.

28. *Junii* 1774. venit itaque, & dixit se ab eo tempore, quo non aderat, semper fere hæmorrhagiam habuisse, quæ tamen nunc ab octiduo cessavit, attamen ejus loco fluorem album adesse; Crura sibi nunc tumere; & ab octiduo, quo abest hæmorrhagia non posse se in latere dextro cubare. Appetitum nullum a longo tempore, & sitim magnam, doloremque ventris infra umbilicum ac tumorem conquesta est, & credit se melius valuisse eo tempore, quo hæmorrhagia adfuit, quam hoc octiduo, quo ea abest. Efflorescentias illas in facie multas non habet.

Datus fuit cortex peruv. in pulvere ad scrup. ij. sexies de die sumendus, & haustus purgans ex aq. lax. vien. unc. vj. Sal. sedl. unc. j. ut  $1/3$ . omni maneumat. Efflorescentias faciei inunxit unguento ex acet. litharg. unc.  $\beta$ . ol. lini puriss. q. s. ut fiat unguent. molle.

5. *Julii* nuntium misit, rediisse nunc deinceps hæmorrhagiam, sed largissimam,  
ut





ut ad minimum motum grummi sanguinis ex pudendis elabantur, & heri plane magnum quodam corpus molæ simile se excrevisse; faciem præterea quandoque inflari, & vomuisse se hodie citra notam sibi causam.

NB. Ab hoc tempore non venit amplius ad Nosocomium ægra: partim cum nimis distaret; partim ob miserum ejus statum id impredientem, sed certiores de ejus statu nos semper reddidit unus Medicinæ Candidatorum, interdum ipsemet eam invisit.

Data fuit Emulsio ex sem. melon. — cucumerum — pap. albi a. unc. j. facta cum aq. Rhord. & colat. lib. ij. addita boli armen. unc. β. sang. drac. dr. ij. syr. pap. albi unc. iij., ut vasculatim & frigide eam sumeret.

6. *Julii* sanguis tenuior fluit, sed tamen adhuc subinde parvi grummi simul prodeunt; levitia animi deliquia subinde patitur, & alvo jam ab aliquot diebus caret; venter nec tumet, nec dolet amplius.

Repetita est prior Emulsio, & imperatum lene enema.

8. *Julii* hæmorrhagia cessavit, nec quidquam sanguinis sub depositione alvi prodit; ab enemate alvus copiosa exivit; de dolore capitis conqueritur sibi valde; facies rursum intumuit.

Svasum fuit, ut repeteretur enema, &

D

po-



ponatur vesicans ad nucham, continuetque adhuc fumere priorem emulsionem.

11. *Julii* adeo soporosa est, ut fere continuo dormiat, vixque excitari possit; dum evigilat de dolore capitis valde adhuc conqueritur, pulsus est celer; ex genitalibus nullus sanguis sed tantum mucus fluit; plaga a vesicante bene madet.

Suasum est, ut adhuc repeteretur enema, & emulsio in sequentem modum mutata fuit: ℞. sem-mel.—cucum. a. unc. ℥. f. cum. aq. hord. emulsio, colat. lib. ij. adde aq. cinam. unc. bol. armen. unc. ℥. sang. drac. dr. j. syr. alth. unc. ij. utatur ea ut præcedente emulsione.

12. *Julii* minus soporosa fuit, sed caput æquevalide doluit, sanguis nullus prodit.

Suasum est omni altero die injicere lene enema, & ultimam emulsionem continuare.

Per plures postea dies siluit non tantum hemorrhagia verum etiam fluor albus, persistabat tamen crurum tumor, & caput doluit continuo ac vehementer, alvusque segnis fuit, enemate interdum sollicitanda, sub cujus depositione ne vi quidem magna adhibita recrudit uteri hæmorrhagia. Pro capite tentata est lenis revulsio per purgantia lenia, etiam per vesicantia ad nucham iterato applicita, per folia verbenæ capiti imposita, quin imo per emplastrum ex media parte meliloti & media parte vesicantis compositum, & capiti rasō applicitum,

tum, sed omnia tamen in vanum. Ne rediret hæmorrhagia interpolata sunt adstringentia cum opiatīs interdum admixtis.

23. *Julii* venerunt quærelæ de vomitu pertinaci & frequenti præcipuæ.

Data est mixtura sequens: R. Aqu. Menth. unc. IV. spir. Menth. dr. ij. syr. Menth. unc. j. L. L. Syd. gutt. XL. M. ut cochleatim sumat.

1. *Augusti* redire vomitum quorumcunque assumptorum frequenter, dolore se capite perpetuo, nunc etiam redire dolorem ventris & lateris, calorem magnum in toto corpore se experiri, & fluorem album copiosum prodire, qui foetere incipit.

Vt fieret venæ sectio tantum dictum fuit.

3. *Augusti* dolor capitis perstat, & etiam ille lateris & ventris, sanguinis grummi duo post applicitum enema ob constipatam alvum ex utero prodierunt.

Data fuit mixtura sequens: R. Aq. fl. rhæad. unc. vj. syr. pap. alb. unc. j. L. L. Syd. gutt. XXV. M. d. u. ut omni bihorio cochleare ordinarium sumat, & bibat pro potu ordinario decoctum specierum altheæ.

Ex eo tempore iterum siluit hæmorrhagia, sed perseveravit fluor albus, cui se iunxerat urinæ foetentis fluxus involuntarius cum dolore ad pubem; vomitus etiam frequens adfuit, & capitis dolor perpetuus.



22. *Augusti* venter valde tumidus & tensus, fluor albus valde fætens nuntiatur.

Datus est cortex peruv. in pulvere cum modica camphora fumendus, & spiritus vitrioli potui ordinario ad gratam aciditatem miscendus.

26. *Augusti* iterum grummi sanguinis prodiderunt cum non multa hæmorrhagia; fluor albus continuat; urina nunc non fluit involuntarie; caput non dolet; abdomen tumere & fluctuationem ibi percipi.

Cum audiremus eam respuere medicamenta, ea exhibere quoque nonnihil destitimus.

17. *Septembris* iterum nunciatum fuit rediisse hæmorrhagiam multam, & fluorem album copiosum ac foetentem continuo prodire, ventrem tumere & dolere, caput vero bonum esse.

Datum est sequens: R. Cort. peruv. unc. ij. pulv. rad. saleb. unc. j. M. f. pulv. sing. dr. j. d. u. ut quater de die unumumat.

30. *Septembris* hæmorrhagia, quæ parum cessavit, iterum redit, fluor albus & ventris tumor ac dolor perseverant.

Repetitus fuit pulvis ultimus.

7. *Octobris* iterum valida hæmorrhagia, & dolor rodens in hypogastrio, pulsus debilis & inæqualis.

Applicentur fomenta ex aceto & aqua mixtis ad pubem, perinæum, & ossis sacri regionem, & data fuit simul conserva ros. rubrarum cum bol. armen. & sanguine drac.

ac



ac syr. pap. albi, ut sæpe parvum bolum sumeret.

10. *Octobris* Sanguis tantum modicus & tenuis serofus prodit subinde, fluor albus continuat multus & foetens, crura tument multum, & dolent.

Repetitum fuit ultimum medicamentum assumendum.

21. *Octobris* iterum magna redit hæmorrhagia, & multi ac magni sanguinis grummi non sine vi extruduntur, per octo dies non usa est remediis, nunc iterum sibi expetit ultimam conservam, a qua levamen sperat.

28. *Octobris* hæmorrhagia continuat jam major jam minor, anxietates pectoris, & pulsus febrilis denuntiantur quoque.

Injuncta est venæ sectio, & datum sequens medicamentum: ℞. Cort. peruv. unc. j. alum. pulv. dr. j. succi catech. dr. iij. laud. puri gr. IV. M. s. pulv. dr. ℞. ut omni trihorio unum sumat.

31. *Octobris* hæmorrhagia minor, fluor albus mucosus & foetens, pulveres semper vomuit, caput dolet, sitit, crura tument multum.

℞. Mucil. gum. trag. unc. iij. Syr. diacod. unc. ij. m. d. u. ut sæpe lingat, & pulveres servet, donec augeretur hæmorrhagia.

21. *Novembris* hæmorrhagia hucusque abfuit, sed fluor albus copiosus & adeo fo-



tens est, ut ipsa ægra cum sibi molestum esse conqueratur. Vomitus interdum adhuc adest, & dolor magnus hypogastrii; crura tument & pellucunt fere, pulsus debilis, celer, & horripilationes diu noctuque adsunt.

℞. Nitri puri unc. ℥. pulv. diatr. dr. ij. cort. peruv. unc. ℥. m. f. pulv. scrup. ij. ut quater de die unum sumat.<sup>1</sup>

12. *Decembris* hæmorrhagia magna redit, pulsus est debilis, inæqualis; magnam debilitatem se in universo corpore sentire conqueritur; non appetit; urina hoc tempore quandoque suppressa plane fuit; abdomen tumet magis & dolet; fluor albus subinde magis aquosus prodire observatus est.

℞. Succi catech. dr. ij. lap. hæmat. scrup. ij. gum. trag. dr. j. ℥. mucil. gum. trag. q. s. M. f. pil. gr. iij. ut omni trihorio tres cum aqua sumat.

19. *Decembris* hæmorrhagia cessavit, reliqua eadem sunt; pulsus valde debilis, respiratio valde difficilis est.

℞. sem. mel. — pap. albi a unc. iij f. cum aq. hord. emulsio, collat. Lib. iij. adde nitri puri dr. ij. fyr. diacod. — ros rubr. a. unc. j. ℥. ut omni bihorio vasculum coffeanum sumat.

23. *December* iterum grummus sanguinis prodivit, cæteroquin per intervalla sibi melius esse dicit; pulsus est fortior; fluctuationem in abdomine percipit.

Re-

Repetitum fuit ultimum medicamentum.

30. *Decembris* magna iterum hæmorrhagia illum grumum secuta est, sed nunc jam iterum cessavit; calorem magnum experitur; pulsus est celer & durus; quasi terebrantem dolorem in hypogastrio sentit, alvus nunc sponte semper prodit.

℞. Spec. alth. Lib. ꝑ. divid. in part. ij. singulas coquat cum Lib. V. aquæ, & colat. add. 1/2. sequentis.

℞. Oxymel. simp. unc. IV. nitri puri dr. iij. L. L. syd. gtt. L. m. d. u. bibat vasculum omni bihorio, & si ita febricitare pergat, fiat parva venæ sectio.

3. *Januarii* 1775. cum febricitare pergeret, & deliraret plane, vena secta fuit, sanguis erat multum inflammatus, pulsus nunc iterum debilis est, extrema frigent, in una aure furda fit; sanguis ex utero prodit ad minimum corporis motum.

℞. sem. mel. — cucum. — pap. albi — plantag. a. dr. ij. f. emulsio cum aqua hordei, & collaturæ Lib. ij. adde syrupi cinam. unc. j. L. L. syd. gtt. XX. m. d. u. ut sumat omni bihorio vasculum.

9. *Januarii* pulsus valde celer & debilis est, respiratio cum motu pinnarum narium peragitur, externe frigus & interne calorem sentit, facies dicta hippocratica tota adparet, hæmorrhagia pergit frustatim prodire, somnus inquietus est.



R̄. Roob ribes. unc. ij. spir. vitr. gtt. LX. extr. cort. peruv. unc.  $\beta$ . aq. totius citri unc. viij. m. d. u. ut sumat omni trihorio cochl. ij. ordinaria.

11. *Januarii* caput iterum dolet valide, & præ ingenti ventris infimi dolore totam viciniam clamoribus replet, hæmorrhagia adhuc frustatim pergit, alvo iterum caret.

Ponatur vesicans ad nucham, & clysmā lene injiciatur. Et R̄. sem. mel. — cucum. — pap. albi a. unc. j. f. cum aq. hord. emulsiō, colaturæ librarum iij. adde syr. pap. albi unc. ij. nitri puri dr. j. m. d. u. ut sumat vasculum omni bihorio.

16. *Januarii* pulsus valde celer est, abdomen tumet, & nonnihil minus dolet, caput etiam adhuc dolet, sanguis nullus prodit.

R̄. Emplast. vesic. unc.  $\beta$ . — meliloti unc. j. m. extende super lint, & applicetur capiti raso. R̄. mucil. gum. trag. unc. j.  $\beta$ . syr. pap. alb. unc. j. L. L. fyd. gtt. LX. aq. fl. cham. unc. vj. m. ut omni bihorio cochleare ord. j. sumat.

26. *Januarii* pulsus vix percipitur præ debilitate, vomit, sanguis nullus fluit.

R̄. Aq. meliss. simpl. unc. vj. spir. vitr. gtt. XV. syrup. rubi id. unc. j.  $\beta$ . m. ut sumat cochleatim.

30. *Januarii* sanguis paucus prodit per particulas, pulsus est fortior, fluor albus foetens semper prodire continuat, dolores capitis majores sunt. Re-



Repetitum fuit ultimum medicamentum.

1. *Februarii* tota nocte ob dolores lumborum & hypogastrii clamavit.

Ad leniendos dolores datum est sequens : ℞. olei lini recentiss. unc. vj. syr. symph. maj. unc. ij. L. L. fyd. gtt. L. aq. flor. rhæad. unc. vj. m. ut sumat <sup>σπιου</sup> ~~va~~ 2horio vasc. coffeanum.

3. *Februarii* pulsus debilis, intermittens ; vomit ; sanguis per frustra prodire continuat ; dolores ventris continui ; convulsiones musculorum hinc inde observantur, & singultus.

℞. Lap. cancror. succi catechu a. dr. j. l. l. fyd. gtt. XXX. syr. ros. rubr. unc. j. tincturæ cinamoni dr. ij. m. d. u. ut omni 3horio cocl. ij. parva sumat.

8. *Februarii* hæmorrhagia major adhuc, & foetens simul, ob dolores ventris perpetuo clamat, vomit bilem & mucum, somnus inquietus valde.

℞. Lap. cancror. succi catechu, a. dr. j. l. l. fyd. gtt. L. syr. ros. rubr. unc. j. tincturæ cinam. dr. iij. m. utatur ut prius.

13. *Februarii* iterum ingens hæmorrhagia adfuit, pulsus est debilis, respiratio notatur esse frigida, extrema quoque frigida sunt, clamat ob ventris dolores, singultit. Medicamenta ultra non sumit.

16. *Februarii* mortua est.



## ANATOMIE.

*Die 17. Februarii* Anatomen solus in præsentia quorundam auditorum administravi, cum urgentibus tunc negotiis ipse celeberrimus DE HAEN adesse non posset.

Corpus totum adeo emaciatum fuit, ut sibi similis non esset amplius femina, crura quoque vix amplius tuebant, neque abdomen.

Abdomine aperto apparuit ventriculus tumidissimus liquore fuscescente plenus, qui sua mole adeo depressit colon transversum, ut umbilicum attingeret. Colon hinc inde constrictum hinc inde dilatatum fuit, & dura scybala continebat. Hepar, lien, renes, mole naturales, sed pallidissimi, ac si omnis sanguis ex omnibus vasis probe & diligenter elotus esset. Glandulæ lymphaticæ, iliacæ dictæ, quæ ad divisionem vasorum iliacorum ponuntur, erant induratae, & adeo tumidæ, ut mediocrem pugnum æquarent, & dissectæ materiem pultaceam puriformem fundebant, quæ etiam vasa iliacæ, & præcipue venas multum ad ossa pelveos compresserant. Uterus durus & tumidus fuit, etiam inæqualis sed parum, & substantiam ad duos digitos transversos crassam ac semicartilagineam fere habuit. Ovaria molem naturalem quoque excedebant. Collum uteri, seu potius ejus orificium erat intus totum corrosum ac lacerum,



rum, ut multi flocci & filamenta inde in vaginam propenderent, & ibidem in pure foetido vaginam fere totam replente natarent. Vagina in facie sua posteriore & externa vasa multo sanguine infarta ostendit multa, sic quoque intestini recti tunica villosa & vasculosa infarctæ multum erant, quod vel ideo maxime mirum videbatur, quod in cætero universo corpore pallor summus defectu sanguinis observaretur.

In pectore præter pallorem universum omnia se naturaliter habebant, & cor pauculum tantum sanguinis continebat.

In dura & pia matre, sic in cerebro cerebelloque & universa medulla oblongata & ventriculis vix vas præ summa inanitione conspici potuit, sic quoque pallidissimus fuit plexus choroideus. Substantia interim cerebri & cerebelli bonæ consistentiæ fuit. Nullibi aliud vitium videri potuit neque sub tegumentis capitis, cui dolor capitis adscribi potuisset.

## EPICRISIS QUÆDAM.

Symptomatum in hoc morbo observatorum plurimorum, vel præcipuorum saltem, ratio quoque ex anatome evidentissime patet. Nam hæmorrhagia uterina tam frequenter & pertinaciter rediens, ac copiosa corpus adeo exsanguie reddidit, ut universus viscerum & abdominis & thoracis & ca-



capitis pallor adesset, qui non nisi repetita & longa illorum viscerum elotione ac expressione inque aqua maceratione in iisdem obtineri potuisset. Porro hæmorrhagiæ illius, & fluoris albi foetidissimi scaturigo collum uteri aut orificium ejus potius lacerum & erosum fuit, quod probabiliter in ultimo laborioso partu læsum fuerit. In hoc eroso uteri orificio patentia vasa sanguini effluendi opportunitatem dederant, & quidem tanto sæpius, & efficacius, quod sanguis per arterias hypogastricas ad vaginam & uteri collum allatus difficile redire posset per compressas utrinque hypogastricas venas a tumentibus glandulis iliaticis. Nam quod venæ facilius compressionem suam admittant, quam arteriæ elasticæ & sanguine per vim cordis expansæ, res est evictissima. Si illa sanguinis venosi redeundi difficultas non adfuisset, licet suspicari, quod hæmorrhagia ex exulcerato licet uteri orificio non tanta aut plane nulla nata fuisset, cum grandiora adhuc & profundiora sæpe observentur ulcera, ubi non obstantibus erosis etiam majoribus vasis nulla nihilominus exoritur hæmorrhagia. Eidem difficili sanguinis reditui adscribi debent infarta sanguine vasa in vaginæ parte posteriore & intestini recti tunica interna villosa inflammata quasi reperta, cum ab hisce partibus sanguis venosus quoque ad hypogastricas venas redeat. Vomitus repetiti non adeo forte disten-



stento ventriculo quam potius utero in scir-  
 rhosam duritiem tendente adscribi poterunt,  
 quemadmodum causa idiopathica doloris  
 capitis nulla quoque per anatomen reperta  
 est, quamvis solícite quæsitæ esset, nisi forte  
 ipsam vasorum encephali inanitionem jam  
 diu ante mortem adfuisse, & illos capitis  
 dolores causare potuisse credideris. In tanto  
 malo, quod nullam, nisi forte in principio,  
 remediæ admisit, & cui, facile pervideo,  
 alii expertissimi Viri alia, plura, & forte  
 efficaciora opponere voluissent medicamina;  
 tamen patet, quod non nisi palliando ægræ  
 gratificari licuerit: jam enim hæmorrhagi-  
 am nimiam moderando ac ad tempus sal-  
 tem aliquot sistendo; jam doloribus sum-  
 mis capitis occurrendo; jam foetidissimi flu-  
 oris albi naturam sanguinem inficientem  
 antisepticis corrigere adnitendo; jam dolo-  
 res acerbissimos ventris lenire conando, do-  
 nec tandem exoptata mors tantis miseriis  
 finem imposuisset.

### SECTION III.

THE HISTORY OF THE  
CITY OF LONDON  
FROM THE FOUNDATION  
TO THE PRESENT  
BY  
JOHN STOW  
1618

# SECTIO III.

DE

ALIO INTERNO ABDOMINIS PRÆ-  
TER NATVRAM TVMORE, FELICITER SPATIO  
TRIVM MENSIVM CURATO.

---

Cum præcedentis sectionis bini casus ad tumores præternaturales infimi ventris spectent, non erit forte plane inopportunos iste locus historiæ alius ventris infimi tumoris, quem præter expectationem curatum vidi. Est casus hic non minus ac alter prioris sectionis ex notatis meis desumptus, si cepicrises, quas addidi, excipias, quæ olim in *celeberrimi* HAENII Nosocomio ex ore ægrorum Nosocomium illud consilii & auxilii gratia frequentantium chartæ mandavi, diariis Nosocomii postmodum inferenda. Possui hic quoque totum ejus casus diarium, cum non nimis longum esset, & exemplo una cum altero prioris sectionis casu infervere possit, qua ratione diaria chronicorum in dicto Nosocomio per viginti & duos annos conscripta fuerint. In vastis illis diariis casuum morborum passim chronicorum *septem millia* & ni fallor, *ultra septuaginta* & *aliquot* numerantur, non utique omnes dissimiles, neque satis diu, quemadmodum quis desiderare posset, protracti ac continua-



nuati, quia ipsi morborum quicunque exitus in multis defunt, prout nempe ipsi ægri suæ salutis plus minusve studiosi diligentius aut negligentius redirent. Horum diariorum is fuit præcipuus finis, ut, quotiescunque æger rediret, semper, idque in momento exiguo temporis ejus diarium mediante catalogo repertum HÆNIO proponeretur, quo totam historiam & sibi & auditoribus posset in memoriam revocare. Hæc itaque non ea intentione, ut talia qualia in publicam lucem prodeant, sed in proprios potius professoris & auditorum suorum usus ægrorumque emolumentum scripta sunt, in quibus rudis quidem & simplex aliquando tamen ambagibus septa nihilominus autem vera reperitur naturæ adumbratio. Alia diaria erant acutorum & in illo Nosocomio decumbentium ægrorum, ubi omnes mutationes etiam singulis horis & horarum quadrantibus observatæ notari debebant ab amanuensi tunc assistente medico vocato, quæ sibi ipse HÆNIVS propria manu descripsit omnia, & juxta annorum seriem disposita ac ordinata reliquit, ut ibi historiæ omnium ægrorum, qui acuti potissimum, chronici pauci, & aliqui in casibus chirurgicis spatio 22 annorum suo in Nosocomio decubuerunt, legi possint. Exemplum, quæ ratione diaria acutorum apud D. HÆNIUM conscripta fuerint, habetur in *Rat. med. cont. Tom. III. seu oper. posth. vol. I. quod dignis-*





gnissimus HAENII in clynica cathedra successor *clarissimus* STOLLIIUS edidit, ubi in sectione prima decadem casuum dederat, in qua aliquæ historiæ aut diaria acutorum ex annis 1774 & 1775 utpote ultimis HAENII depromptæ habentur: ultimis annis dico, nam anno 1776. prima die Januarii asthmatis validissimo paroxyfmo correptus est, nec ultra ad labores continuandos requisitas adeptus est inducias, sed continuo magis & magis ad commiserationem usquè excrutiatus ad finem diei 3. Septemb. post horam decimam noctis obiit. Condonabit, spero, BENEVOLVS LECTOR deviationem istam mihi, in quam unice propterea deductus sum, cum nolluerim alienis divitiis superire, sed fideliter fontem, undè hæc manavit observatio, indicandum esse censeverim.

Anno 1775. die 27. Junii venit ad Nöfocomium practicum viennense inter aliös pauperes ægros pro consilio medico 25. annorum virgo, coqua, macilenti corporis habitus, quæ conquesta sibi fuit, quod in latere dextro abdominis a decem jam septimanis tumorem habeat, quem, priusquam apparuisset, præcesserant aliquo tempore eodem in loco dolores, qui adhucdum continuabant tanti, ut eodem in latere decumbere nequiret. Cæteroquin præter debilitatem aliquam, quam perceperat, se appetere, dormire, urinam alvum & menstrua



debito quoque modo pergere, dixit. Tumorem examinantes invenimus eum per abdominis tegumenta & musculos tangendo magnum esse, ut duos magnos & conjunctos pugnos facile superaret, doluit ad attactum, & ad musculum iliacum & psoadem lateris dextri ita adhæsisse videbatur, ut fere in nullum sensum moveri posset.

Ex hoc examine suspicio nata est, esse forte ovarium ejusdem lateris, quod aliqua ratione degeneraret; & data sunt medicamenta sequentia:

℞. Rad. lap. acut.— tarax. cum toto, — gram. a. lib. ℥. conf. cont. div. in part. iij. singulas coquat per 1 1/2 hor. cum mens. j. ℥. aquæ, colaturæ inter asseres expressæ addat 1/3. sequentis:

℞. Oxym. simpl. unc. vj. fyr. fumar. unc. jj. sal. polychr. dr. vj. m. utumat omni hora vasculum.

℞. Vng. popul.—alth. a. dr. vj. m. d. u. ut mane ac vesperti tumorem hoc unguento inungat, & vola manus diu ac leniter fricet.

3. *Augusti* rediens ad nos dixit se a decocto purgatam esse, facilius se in latere tumoris nunc decumbere, tumorem autem eundem esse, quem etiam deinceps examinando eundem reperimus quidem, sed ad attactum jam plane indolentem; cæteroquin parum se dormire conquesta est.

℞. Sap. venet. extr. gram. gum. am. a. dr. iij. thereb. q. s. m. f. pil. gr. jv. sumat omni trihorio duas cum vasculo decocti prioris, dictum est præterea, ut continuet cum unguento, & alterna nocte pro somno capessendo cochleare sequentis sumat.

℞. Syr. diacod. unc. ij. l. l. Syd. gtt. XL. m. d. u.

14. *Augusti* idem adhuc erat tumor, sed descendisse nobis magis videbatur; dolor ejus interdum mitior interdum sævior affirmatus fuit.

Mutatæ sunt pillulæ sequenti ratione:

℞. Sap. venet. extr. gram. gum. am. a. dr. iij. liq. ter. fol. tart. q. s. M. f. pil. gr. IV. sumat eas cum decocto ut ante.

24. *Augusti* ab octo diebus dolores summos in tumore percipit, ut dormire non possit; venas sub inguine dextro tumere sibi interdum valde.

Repetitæ sunt pill. ultimæ cum decocto, & datum insuper sequens:

℞. Pulp. cass. unc. ij. magnes nitri unc. β. m. ut alterno mane sumat  $\frac{1}{4}$  partem.

℞. M. p. de styrace dr. β. f. pil. inde Nro. vij. ut cubitum petens unam sumat.

1. *Septembris* tumor idem, & dolores esse ab eo ad femur usque extendunt, ut potissimum decumbere in lecto cogatur; somnus paulo melior esse dicitur.

Datum fuit sequens cum intentione palliandi solumodo hoc malum; pill. de sty-



race repetitæ sunt & simul sequentes pulveres dati: ℞. magnes. nitri unc j. sem. anis. dr. β. pulv. rhei dr. j β. m. f. inde pulv. Nro. xij. ut omni mane unum sumat.

15. *Septembris* dolores leniores esse factos, & dormire se melius, tumorem autem eundem edhuc esse dictum est.

Intentio fuit omni die alvum solvere, ne fœces accumulatae tumorem premendo sint causa dolorum, ideo repetiti sunt ultimi pulveres, & pillulæ vesperi sumendæ pro capeffendo somno.

27. *Septembris* dixit ante duos dies tumorem subito concidisse, ut parvum tantum superesse reperimus, dolor quoque omnis cessavit, ut nunc jam in utroque latere commode jacere possit. Evacuationem aliquam ex corpore nullam observavit auctam, nisi eam per alvum purgantibus ductam.

Dictum est, ut pulveres ultimos continuet omni mane sumere, & interdiu sumat decoctum primum cum pillulis solventibus.

6. *Octobris* valde parum adhuc de tumore percepimus, dolores nullos amplius intus habuit, nisi leves subinde puncturas.

Repetitum est adhuc decoctum solvens cum pillulis quoque solventibus.

20. *Octobris* venit gratias actum, cum nihil incommodi amplius perciperet, sanamque esse gauderet.



## EPICRISIS.

Hæc sat repentina morbi solutio tanto majorem in nobis admirationem excitare debuit, quanto majorem externa morbi facies incutere valuerat metum. Quid enim frequentius est in sexu femineo, quam quod tales ex imo ventre sensim adscendentes tumores aut ovariorum aut tubarum fallopianarum aut ipsius uteri scirrhi vel tumores cystici sint? & si jam ad tantam magnitudinem pars scirrhusa aut cystica crevisset, quanta curæ spes superesset? attamen malum evanuit satis brevi, quinimo subito, & ex hoc phænomeno etiam ad naturam mali vel maxime concludendum erit. Nam quod ille tumor nec scirrhus, nec tumor cysticus, cujuscunque partis fuerit, ex eo plus quam probabile fit, quod talia & tanta jam vitia, si unquam medicamentis cedunt, tam facile & tam cito certe non cessissent. Sed neque tumor metastaticus purulentus fuisse videtur, quia antea non ægrotavit, neque ipso tumoris tempore ulla ratione febricitavit, aut inhorruit solum. Neque hystericum aliquem globum fuisse dixerim, quorum mentionem fecit MORGAGNI *de sed. & caus. morb. Tom. II. epist. XXXIX.*; nihil enim hysterici in ægra hac incusari potuit. Ego vero conjicio fuisse verosimiliter mali sedem Intestinum cœcum, quod in ea regione, in qua perceptus est tumor,



ad ileum nempe dextrum sedem suam habet peritonæo muscolum iliacum succingenti alligatum. Poterat in hoc intestino pro tempore quasi paralitico & sensim magis magisque expanso saburra fœculenta accumulari, & indurari ita, ut totum illum tumorem mentiretur, & quidem dolentem ad attactum, si dura saburra magna expansione membranas intestini sensiliores ac dolentes fecerat. Ex hoc propterea ileus morbus nasci non debuit, cum tenuior ex ileo intestino fœx in colon ingressa non salutato cœci expansi cavo mox in colon adscendens se convertere potuit. Sed usu & virtute medicamentorum, quæ omnia, exceptis pillulis de styrace, alvum laxabant adeo, ut lenem diarrhææ speciem perpetuo fere conservare valerent, fœx dura sensim penetrata & resoluta, tandemque per alvum ejecta fuisse videtur.



# SECTIO IV.

## DESCRIPTIONES QUATUOR MON- STROVVM HVMANORVM.

---

### DESCRIPTIO PRIMA

Fœtus humani sine pedibus & crure sinistro, crure vero dextro valde imperfecto, & cum magna hernia ventrali nati.

**M**ense Septembri anni 1780. monstrum hoc mihi datum est, quod pridie femina jam unius alteriusve prolis felix mater peperit absque nimis partus laboribus, licet natibus præcederet fœtus. Nullius causæ prægressæ recordari potuit femina, neque immaginationis insolitæ, neque lapsus in ventrem tempore gestationis, quod vel ideo præsertim moneo, quod *eruditissimus* Vir SANDIFORT in suis *observ. anatomico-patholog. lib. 3.* quoque similem herniosum fœtum descripserit, quem autem præcesserat matris tertio mense gravidæ in ventrem lapsus. Ab hac violenta causâ credit *ingeniosissimus* ac *eruditissimus* Vir sui fœtus herniosi ac valgi pluribusque aliis vitiis monstrosi originem esse derivandam, quod adhuc aliis observationibus TPEWII, SLEVOGTII, & ipsius HIPPOCRATIS sententia probare contendit. Verum, si licet meam



hic adungere sententiam, longe prius horum vitiorum positæ causæ esse videntur, quam ut tertio in SANDIFORTII, sexto in SLEVOGTII, & ultimo plane graviditatis mense in TREWII exemplo primo contingant; nam non videtur foetus salva vitta ferre posse e. g. talem cutis & muscutorum abdominalium & peritonæi rupturam, ut omnia viscera abdominis prolabantur, quin vel pereat hæmorrhagia ruptorum vasorum, aut inflammatione tantum vulnus necessario insequente. Ast primo statim a conceptione momento causæ nobis ignotæ & matribus insciis se præternaturaliter admiscere videntur, quæ quemadmodum aliquando aliorum partium, ita etiam tegumentorum abdominis evolutionem vel eformationem turbant, aut plane impediunt.

## EXTERNA CONFORMATIO.

Foetus si non plane novem mensium fuit, quod videbatur ejus non nihil minor moles svadere, tamen ab eo termino procul abfuisse non videtur. Caput collumque spectata proportionem ad cæterum corpus justo majora visa sunt, sed in causa fuit serum sub cute ibidem copiosius accumulatum, quod dictas partes magis inflaverat. Viscera abdominalia antrorsum & deorsum multum demersa erant & sola in membrana aliqua utcunque pellucida inclusa, per  
quam



quam tam hepar quam intestina facile videri poterant. Fecerat ista viscerum abdominalium in pellucido sacco membranaceo propensio tumorem notabilem herniam ventralem maximam referentem, qui tumortamen a vera hernia forte in eo diversus fuit, quod non in tegumentis communibus & musculis abdominalibus inclusus esset, sed tantum in membrana quadam tenui ac pellucida. Extendit se hæc hernia ita, ut supra insertionem funiculi umbilicalis inciperet, & deorsum progrediendo infra regionem pubis plane terminaretur; ex transverso vero non plane mollia dicta abdominis loca utrinque attigit \*)

Funiculus umbilicalis gaudebat vena una & binis arteriis consveto modo, & erat per longitudinem unius fere pollicis accretus externe ad membranam illam pellucens & herniam includentem, postea prius in hepar inferebatur. \*\*)

In perinæo ne minimum quidem genitalium partium ullius sexus vestigium reperiuntur; quemadmodum nullus quoque anus. \*\*\*)

Femur dextrum naturaliter & conformatum & situatum fuit, cui tamen tanto imperfectius crus adnexum fuit, appendiculam aliquam referens. \*\*\*\*) Fe-

\*) Tab. V. Fig. 1.

\*\*) Tab. V. Fig. 1.

\*\*\*) Tab. V. Fig. 2.

\*\*\*\*) Tab. V. Fig. 1.



Femur sinistrum tam perversum situm habuit, ut fere parallelæ ad latus trunci adscendere videretur, & depressum prius si fuerit, mox sponte in priorem situm se recepit, crus autem hujus lateris plane nullum adfuit, sed idem femur rotundata ac molli extremitate desit. \*)

Omnia quæ tam externam quam internam hujus monstri conformationem concernunt in unica tabula V. figuris expressa sistuntur & quidem in adeo diminuta magnitudine, ut harum figurarum diameter ad diametrum naturalem se habeat, ut  $\frac{2}{3}$  ad 1.

## INTERNA CONFORMATIO.

Musculos abdominales cum examinassem accuratius, inveni omnes adfuisse exceptis pyramidalibus. Recti abdominis musculi suis in locis a cartilaginibus costarum & ensiformi exorti in decursu suo abinvicem secesserunt sic, ut destructa linea alba prolabi viscera abdominis passi sint. Terminabantur musculi recti modo consveto in ossa pubis, quæ ossa autem in hoc foetu sua synchondrosi conjuncta non erant, sed adeo multum distabant, ut pars intestinorum inter ea propenderet. Illa membrana herniam includens videbatur ex interiore sua par-

\*) Tab. V. Fig. I.



parte peritonæo, exteriore vero cuti continuata esse, quæ se tamen in plures quam unam laminam dividere passa non est.

In cavo abdominis patuit hepar magnum, ut foetubus esse solet, quod margine suo scindente multum in herniam descenderat, & vesicula fellea plane destitutum fuit. \*) Ventriculus, intestina tenuia, pancreas, renes, bene constituta erant, sed ex crassis intestinis unicum tantum adfuit, idque satis deformæ cœcum, suo tamen gaudens processu vermiculari, quod situm suum obtinuit in infima abdominis parte ubi statim in saccum informem meconio viscido plenum & totum pelveos cavum replentem terminabatur. \*\*) Defuit itaque plane totum colon intestinum (nisi forte saccum illum pro ejus parte habere velis,) pariter quoque rectum, nec minus tota vesica urinaria. In cœco intestino aperto post exitum meconium apparuit mox valvula dicta coli, una cum ostio ejus processus vermiformis; in cœca vero extremitate hujus intestini multæ plicæ membranaceæ & orificia conspicua erant. Inter hoc unum erat, per quod in ureterem dextrum stylo intrare potui, dum interim alter ureter cœco sine in cellulosa tela circa dictum intestinum terminari visus est; aliud vero ostium  
ibi.

\*) Tab. V. Fig. 3.

\*\*) Tab. V. Fig. 3.



ibidem fuit majus, quam reliqua, quod intus rugas multas habuit similes iis, quæ in vagina muliebri reperiuntur, sed hoc ostium cœco sine quoque terminatum fuit, sicut reliqua minora ostia, excepto illo, quod in ureterem dextrum patuit. Inter hæc quæ in cavo hujus intestini videnda erant, erat quoque aliquis processus duriusculus penem aut potius clytoridem attamen sine præputio referens. Hæc tamen omnia ita erant situata, quemadmodum in *Tabulæ V. Fig. 4.* ostenditur, ut primo esset illa clytoris, sub ea sed nonnihil lateraliter orificium ureteris, & sub hoc istud majus orificium, quod vaginæ orificium rugosum mentiretur. Ex his suspicari licet, quod partes genitales externæ hujus monstrosæ puellæ in hoc intestinum inclusæ fuerint, ut plurimum tamen deformatæ.

In cavo pelveos retro illum cœci intestini faccum erat uterus bene formatus, suas quoque ordinario modo constitutas habens tubas fallopii & ovaria. Ejus tamen ligamenta tam lata quam rotunda non poterant distingui ob molem illius sacci, qui in pelvi maximum spatium occupans cæteras partes ut plurimum destruxit. Tuba Fallopii dextra ad suam extremitatem utero proximam dilatata in modum vesiculæ fuit. Uterus corpus solidum quasi fuit, nullam cavitatem habens; nulla quoque aderat vagina, sed  
tan-



tantum illa inferior uteri pars, quam cervix uteri constituit, arcte accreta fuit ad faccum illum intestini cœci \*).

Musculi, qui ad movendum femur dextrum destinati erant, puta psoam, iliacum internum, pectineum, adductores femoris, bene conformati erant; ita quoque qui crurum dextrum, sat quidem imperfectum movere debebant, nempe rectus cruris, tureus, vasti, sartorius, gracilis, semimembranosus, semitendinosus, distincti erant, sed confuse in tibiam inserti, maxime confusa erat bicipitis femoris ob defectum fibulæ insertio, unde difficile quoque fuit reperire popliteum muscolum. Iidem musculi multum confusi erant in femore sinistro, ut ægre, præcipue versus femoris extremitatem genu spectantem, discerni potuerint.

Pelvis osseo-cartilaginea multum quoque a statu naturali ablusit, ut *Tabulæ V. Figura 5. & 6.* ostendunt. Ossa pubis, quæ adhuc tota cartilagina erant. non fuerunt antè inter se conjuncta, ut adeoque pelvis anteriora versus tota esset aperta. Os sacrum magis osseum jam, quam in hac ætate esse solet, fuit, & multum versus anteriora in cavum pelveos protuberabat, neque foramina anteriora habuit, sed nervos per hiatus quemdam suum posteriorem, quem defectus processum spinosorum fecerat,

\*) Tab. V. Fig. 3.



rat, demisit. Nullum acetabulum recte conformatum fuit, minime sinistrum, quod sulcum irregularem potius referebat, excipiendo capiti femoris sinistri quoque deformi destinatum. In femoris dextri appendice crus imperfectum referente unicum ossiculum fuit, quod pro tibia haberi potest. Fibula defuit.

## EXPLICATIO FIGVRARVM AD HOC MONSTRVM SPECTANTIVM.

---

### TABVLA V.

#### *Figura 1.*

Fœtus monstrosus ab anteriore potissimum parte delineatus, sed magnitudine, ut jam antea monui, ita diminutus, ut altitudo hujus ad altitudinem naturalem se habeat, ut  $\frac{2}{3}$  ad 1. Eadem proportionē omnes reliquæ hujus tabulæ figuræ diminutæ sunt.

Caput, ut patet, nonnihil justo majus est, collum quoque crassius, cujus causa fuit serum in cellulosam sub cute copiosius infiltratum.

a. b. c. d. Hernia ventralis, continens viscera abdominis in pellucente membrana inclusa.

a. b. c. Hepar pellucens.

b. c. d.

b. c. d. Intestina tenuia convoluta pellucentia quoque.

e. Funiculus umbilicalis.

f. g. Hæc funiculi portio membranæ illi pellucenti fortiter adhæsit.

g. Insertio funiculi umbilicalis in hepar.

NB. Arteriæ umbilicales ex pelvi magis lateraliter sub ipsis rectis musculis, & tum sub marginibus anterioribus utriusque lobi hepatis ad insertionem venæ umbilicalis in hepar fere adscenderunt.

h. Femur dextrum.

i. Ejus appendix, quæ loco crucis dextri aderat.

k. k. Femur sinistrum, sursum vitiose reflexum.

### *Figura II.*

Exhibet inspectionem perinæi, ut pateat ne vel minimum externarum partium genitalium adfuisse vestigium, neque anum.

a. Funiculus umbilicalis.

b. b. c. c. Hernia viscerum abdominalium.

b. b. Margo lobi dextri hepatis anterior.

c. c. Convolutiones intestinorum.

d. Locus perinæi, ubi defectus tam partium genitalium externarum quam ani notatur.



- e. Femur dextrum.
- f. Ejus appendicula cruris locum supplens.
- g. Femur sinistrum.

*Figura III.*

Viscera abdominis pelveosque exempta repræsentat.

- a. a. a. Margo lobi dextri hepatis sursum reflexus, ut pateat nullam adfuisse vesiculam felleam.
- b. Lobus sinister hepatis.
- c. Lobulus dictus *spigelii*.
- d. Vena umbilicalis.
- e. Plica peritonæi ligans principium duodeni ad concavitatem hepatis.
- f. Ventriculus pro parte a lobulo *Spigelii*, pro parte a lobo hepatis sinistro tectus.
- g. Intestinum duodenum.
- h. h. Intestinum Jejunum & ilion convoluta & a mesenterio pendentia.
- i. Infertio ilei intestini in cœcum,
- k. Intestinum cœcum,
- l. Processus ejus vermicularis.
- m. Saccus, quo cœcum terminabatur.
- n. Vterus.
- o. o. Tubæ fallopianæ.
- p. Tubæ dextræ quædam dilatatio.
- q. Ejus fimbriæ.
- r. Ovarium dextrum,

*Figura IV.*



*Figura IV.*

Ostenditur intestinum cœcum una cum suo sacco juxta longitudinem apertum, ut intus observanda quoque pateant.

- a. a. a. a. Margines aperti cœci intestini ejusque facci.
- b. Intestinum ilion in cœcum insertum.
- c. Valvula coli.
- d. Ostium processus vermiformis.
- e. Processus clytoridem mentiens.
- f. Ostium quo in ureterem dextrum intrare licuit.
- g. Ostium intus rugosum, simulans orificium vaginæ.
- h. h. Alia ostiola, sed cœca.

*Figura V.*

Sistit ossa pelvéos & femorum a parte anteriore visa.

- a. a. Os sacrum multum antrorsum in pelvim prominens, & osse coccygis destitutum.
- b. b. Ossa ilei una cum cristis suis cartilagineis.
- c. c. Ossa pubis cartilaginea, & a se multum distantia.
- d. d. Tuberositates ischii.
- e. Femur sinistrum.
- f. Ejus difforme caput in simili acetabulo annexum.
- g. Femur dextrum.



- h. Patella.
- i. Tibia imperfecta.

*Figura VI.*

Os sacrum cum duabus ultimis vertebrae lumborum a parte posteriore exhibetur.

a. a. Os sacrum.

b. b. Ejus hiatus posterior, quo nervi sacrales emittebantur, factus deficientibus processibus spinosis hujus ossis primo excepto. Per hunc hiatus stylus usque in specum vertebrarum facile immitti potuit.

## DESCRIPTIO SECUNDA

Monstruosæ Puellæ sine brachiis natæ.

Eodem, quo præcedentem monstrosi foetus conscripsi historiam, mense venit ad me puella mendicans, cum de infima hominum sorte nata esset, monstruosæ utroque brachio a natiuitate destituta. Ex axilla dextra pendebant illi duo digiti, quorum unum pro pollice sed ungue destituto, alterum pro indice habere potui. Pollex molis fuit valde, ut funiculi instar contorqueri potuerit, intus tamen tenue aliquod ossiculum percepi. Index melius erat conformatus, gaudebat enim suo ungue, & tres suas phalangas habuit, suumque os metacarpi, quod ali-



aliqua ratione ad ipsam scapulam adnexum mihi esse videbatur \*). Movebat hos duos digitos sat expedite, & præcipue indicem, quibus prehendit aciculas, convolutas chartas, & similia levia corpora, & postea de se projiciebat. Ex altera axilla pendeat nunc nihil, sed quondam perpendisse aliquod filamentum pedunculo cerasi simile dixit, quod sponte decedit.

Cæteroquin bene conformata fuit, currebat per gradus expeditissime, & exercitio tantam dexteritatem in pedibus & pedum digitis, quod similibus monstris commune est, adepta est, ut acum de terra prehendere, filum per eam transducere, nere, & alios varios labores pedibus exercere potuerit. Ipsa quoque absque ullius auxilio poterat comedere, cibos mediante cochleari ad os adducere, & quoque cultro dividere. Pecuniam in terram projectam pedibus collegit, & intra digitos pedum prehensam abstulit.

## EXPLICATIO

### TABULÆ VI.

Monstrosam hanc puellam exhibentis.

- a. Axilla sinistra, unde quondam filamentum quoddam pependerat, nunc vero nihil amplius.

F 2

b.

\*) Vid. Tab. VI. ]



- b. Axilla dextra , ex qua duo digiti pendent, quorum unus pro pollice alter pro indice haberi potest.
- c. Pollex unque destitutus.
- d. Index suo præditus unque.

### DESCRIPTIO TERTIA.

Abortus monstrosi cruræ superfluo uno donati, cum nudis propendentibus ex abdomine intestinis nati, partibusque genitalibus externis in integrum destituti.

Non admodum frequentia esse ejusmodi monstra humana, quibus crura superflua essent, monuit HALLERUS, qui similia tantum in catella molosi & pullo gallinaceo viderat \*). Cum hunc foetum humanum crure uno valgum, altero vero superfluo, quamvis imperfecto, præditum, & aliis adhuc de causis monstrosum in liquore asservatum habeam, volui ejus brevem descriptionem & iconem communicare.

Abortus quadrimestris circiter esse videtur, bene cæteroquin conformatus in capite, pectore, extremitatibus superioribus & inferiore sinistra, at per hiatum sat parvum in umbilico notabilis portio intestini jejuni & ilei una cum mesenterio propendet, quibuscum adhuc portio quædam membranacea complicata ac peritonæo non omento con-

\*) De monstris oper. min. Tom. III.



continua egreditur. Hoc vitium, ubi nuda ex abdomine pendent intestina, & abdominis viscera, jam sæpe ab Auctoribus observatum & adnotatum fuit. Qui autem hoc observaverint crudite collegit G. A. FRIED. in diss. de foetu nato cum nudis intestinis ex abdomine propendentibus \*); etiam qui adnotaverint intestina prolapsa non nuda sed pellucente membrana tecta fuisse; simulque qui herniosos natos observaverint. Partes genitales externas nullas habet, exiguum tantum orificium ani apparet. Post dissectum primo abdomen patuit esse foetum masculum, cum testiculi ibidem non procul, sesquilinea nempe ab annulo abdominali remoti conspicerentur. Crus dextrum tenuius est, & in pedem valde imperfectum sursum incurvatum abit, in quo nullus digitorum distinguere potuit. Ex poplite ejusdem lateris crevit tertium ac superfluum crus, sed quoque valde imperfectum, quod loco pedis tantum exiguam extremitatem quoque incurvatam ac mollem habuit \*\*). In superfluo hoc crure erat species tibiæ in poplite inter femur & tibiā articulata, & muscoli aliqui, reliqua accurate examinare debito modo non licuit partim ob parvitatem, partim ob contractionem partium a spirituoso liquore inductam.

F 3

EX.

\*) Habetur in SANDIFORTII *Thesaurο dissert.* Vol. I.

\*\*) Vid. Tab. VII. Figura 1.



# EXPLICATIO

## TABULÆ VII.

### *Figura I.*

Quæ hunc abortum monstrosum repræsentat.

- a. Funiculus umbilicalis.
- b. Intestinum ex abdomine per foramen umbilici nonnihil ad latus sinistrum insertionis funiculi umbilicalis egressum.
- c. Idem intestinum a mesenterio pendens & convolutum, lateraliterque ad genu sinistrum usque protractum, ut tanto melius videri posset.
- d. Reditus intestini in abdomen, quæ portio jam ad ileon spectat.
- e.c. Mesenterium.
- f. Membrana convoluta, & simul cum intestino per umbilici foramen egressa, & peritonæo continuata.
- g. Orificium exiguum ani.
- h. Crus dextrum vitiosum, tenue, & inferius in appendicem recurvam pedem mentientem terminatum.
- i. Appendix illa, quam pro pede habueris, in qua & calx & reliqua pedis pars obscure visuntur, sed nullus digitorum.
- k. Crus superfluum, ex poplite enatum, & inferius exigua apice mucronata & molli terminatum.

## DESCRIPTIO QUARTA.

Alius abortus, sed junioris, cum nudis quoque intestinis ex umbilico propendentibus.

Alium abortum masculum in liquore conservo, qui in eo simile vitium cum priorre habet, quod intestinorum tenuium similem fere portionem ex foramine umbilici sub insertione funiculi umbilicalis egredientem & nudam propendentem habet. Cætera totus bene conformatus est.


## EXPLICATIO

### TABVLÆ VII.

#### *Figuræ II.*

In qua hic foetus delineatur.

- a. Portio exigua funiculi umbilicalis.
- b. Intestinum nudum infra insertionem funiculi umbilicalis ex abdomine propendens.



THE HISTORY OF THE


... of the ...  
... of the ...  
... of the ...  
... of the ...  
... of the ...  
... of the ...  
... of the ...  
... of the ...  
... of the ...  
... of the ...

... of the ...

... of the ...  
... of the ...  
... of the ...  
... of the ...  
... of the ...  
... of the ...  
... of the ...  
... of the ...  
... of the ...  
... of the ...

... of the ...









*F 1*

*TAB. VII*



*F 2*







# SECTIO V.

## COMMENTATIO QUÆDAM IN SYSTEMA GENERATIONIS ET CAUSAS ORIGINIS MONSTRORVM.

### CAPVT I.

Quod monstrorum causæ in abstruso generationis mysterio lateant, extra omne plane dubium est, quare ii, qui in monstrorum originem & causas indagant solertissime, iidem quoque generationis negotium sensim intelligibilius reddunt; & vicissim qui theoriam generationis perficiunt, ab iis quoque monstrorum causas meliores nobis promittimus. Talis enim est horum inter se nexus, ut unum sine altero perfici nequeat, quod quidem perspexerunt jam dudum summi in arte Viri, & scriptis attestati sunt, inter quos unum immortalem HALLERVM nominasse sufficiat, qui \*) inquit: Hæc „quæstio ad intima penetrat mysteria generationis, & magna cum cura debet expendi. Si fabrica aliena, regularis tamen, „ordinata, & ad vitam sustentandam apta, „casu aliquo nascitur, si casus adeo potest „ex apta materie aliam a solita fabricam „stru-

\*) *Oper. minor. Tom. III. de monstrorum physiol. Cap. I.*



„struere, magnum inde theoriæ epigenseos  
 „momentum accedere videtur. Si ea mon-  
 „stra, aliena quidem a consveta fabrica,  
 „apte tamen ad vitam humanam contempe-  
 „rata, suis legitimis musculis vasis & nervis  
 „munita a primis initiis hominis ejusmodi  
 „fuerunt, qualia in lucem eduntur, vide-  
 „tur systema evolutionum ex iis monstris  
 „confirmari.

Cum itaque hic in eam materiem com-  
 mentationes quasdam dare constituerim, erit  
 prius systema generationis discutiendum,  
 quo veriore constituto, quamvis omnibus  
 numeris non perfecto neque forsan unquam  
 perficiendo, causæ monstrorum facilius assi-  
 gnari poterunt, non minus ac curva linea  
 post rectam prius expositam facilius intelli-  
 gitur.

## CAP. II.

### De Systemate Generationis.

#### §. I.

Posteaquam illustrissimus HALLERVS  
 omnes hypothesès, quæ ab antiquissimis  
 temporibus ad hodierna fere usque de ge-  
 neratione propositæ sunt; eruditissime pro  
 more suo exposuisset, stricteque omnes,  
 tam quæ pro mixtione seminis utriusquè,  
 maris videlicet & feminæ; quam quæ aut  
 pro sexu femineo solo aut pro masculo cer-  
 tarent;

tarent; nec non moleculas illustrissimi B V F-  
FONII singulis partibus corporis animalis  
aut vegetabilis analogas in femine concu-  
rentes & foetum struentes; potentiam struc-  
tricem corpus foetus ex materia rudi inor-  
ganica tam animatam quam inanimatam;  
epigenesim NEEDHAMII; vim essentialem Cl.  
WOLFFII; modulum internum dictum; &  
demum evolutionem nunc præprimis cele-  
bratam dijudicasset, in fine omnium pro e-  
volutionum systemate explosis omnibus dif-  
ficultatibus ac objectionibus pronunciat.  
Cum hanc sententiam, quæ certe nihil mi-  
nus ac plures aliæ de generatione theoriæ  
vacillat, ad incudem revocare visum sit,  
opportebit prius breviter attingere, quid  
evolutionum systema sibi velit, dein utrum  
recte ad difficultates ei objectas responsum  
fuerit, an vero graviora argumenta in con-  
trarium proferri possint, quoque demum,  
si evolutionis systema nequeat subsistere, in-  
clinandum esse videatur.

## §. II.

Plerique celeberrimi Auctores, inter  
quos præcipuus HALLERVS est, qui sibi  
systema evolutionum exornandum propo-  
fuerunt, ponunt in ovulo muliebri rudi-  
mentum vel primordium futuri animalis aut  
plantæ tam perfectum, ut in eo jam omnes  
partes futuri foetus aptæ ad fines prævisos  
&



& archetypum delineatæ & præformatæ sint, priusquam vis mascula accesserit\*). Perfectum nempe animal jam in ovo existere, quando conceptio accedit, nihilque noviter generari, sed unice, quæ involutæ inque parvum spatium contractæ erant animalium partes, eas expandi explicari grandescere & conspicuas reddi \*\*). Videri germen primævum quasi sopitum absque incremento cum tardissimo & lenissimo motu cordis sui latere, qualia exempla sunt insectorum hieme dormientium, & animalium, quæ vitalem suam naturam per plusculos annos sopitam conservare possunt, donec infusa aqua ea vita iterum in motum spontaneum erumpat. Ex eo quasi somno animalculum videri excitari a partibus subtilioribus odoratis & ad irritandum aptissimis feminis masculi \*\*\*). In oviparis tamen præter semen masculinum requiri calorem 92 & 96 graduum thermometri *Fahrent.* qui ulterius fœtus incrementum in ovo perficiat \*\*\*\*).

Præter istam evolutionem ex ovo dari adhuc aliam, quæ fiat, dum ex germinibus per partes vegetabilium aut animalium dispersis novæ plantæ aut nova animalia absque

\*) *Elem. phys. Tom. VIII. Sect. II. §. XXVII.*

\*\*) *Ibidem §. XXIX.*

\*\*\*) ——— §. XXX.

\*\*\*\*) *Ibidem.*





que ulla masculi feminis suspicione adole-  
scant, exemplo salicis in vegetabili, & po-  
lyporum in animali regno \*)

### §. III.

Præcipua argumenta, quæ pro se habere credunt evo-  
lutionum Patroni.

Facillimam primo esse ajunt inter aliàs,  
hypotheses; si enim in ovo primordium fœ-  
tus perfectum jam exstructum sit a Creatore,  
ut unice alimento indigeat, credunt abla-  
tam esse difficultatem struendæ artificiosissi-  
mæ fabricæ ex bruta materie \*\*).

Secundo: duci se ad evolutionem po-  
tissimum, quando a perfecto animale retror-  
sum progrediuntur, & incrementorum at-  
que mutationum seriem relegunt; invenire  
se, quod perfectum illud animal fuerit in  
primordio suo multo imperfectius, alterius  
figuræ & fabricæ, rude ac informe \*\*\*).

Tertio: posse hoc comprobari experi-  
mento SWAMMERDAMI, qui ostendit dis-  
simillimum a chrysalide immobili animal pa-  
pilionem volentem, tamen totum intra  
chrysalidem latuisse, ut educi & ostendi  
posset sola cute remota; idemque esse cum  
metamorphosi erucarum in chrysalides &  
harum in papiliones \*\*\*\*).

Quarto:

\*) Ibidem §. XXXII.

\*\*) ——— §. XXVII.

\*\*\*) Ibidem.

\*\*\*\*) Ibidem.



Quarto : evolutionem etiam clare se videre putant in formatione pulli gallinacei , qui primo vermem informem refert cum incredibilis molis hernia de intestino exeunte rostri vero nullo vestigio, neque artuum, neque viscerum, ne cordis quidem, quæ postmodum ex ordine unum post alterum adparent, non quod prius non adfuerint, sed quod pellucidos limites non haberent definitos \*). Eadem esse in quadrupedibus præter herniam vitelli, qua carent ; idemque in homine reperiri ad informem usque utcunque capitatum brevemque embryonem retroeundo \*\*). Et in ipso foetu, qui nudis oculis brutus videtur, LEEV WENHOECKIUM suis vitris jam distinctam fabricam detexisse \*\*\*).

## §. IV.

Vtrum allata argumenta systemati evolutionum reipsa tantopere faveant ?

Si in ovo matris futurum animal totum jam delineatum & perfectum sub invisibili tamen mole supponatur, non nisi incremento indigum, ad quod stimulo seminis masculi suscitetur, tunc omnino simplex & facilis sed propterea non magis vera videtur hypothesis. Huc pulchre quadrat effatum hocce ) : „Unser Geschmack an der Simplis  
„ cität,

\*) Ibidem.

\*\*) Ibidem.

\*\*\*) Ibidem.

„citāt, der ohne Zweifel natürlich ist, ma-  
 „chet uns die simple Wirkungen angenehmer,  
 „als die zusammengesetzten, und folglich  
 „verursachet er auch, daß sie mehr natürlich  
 „scheinen. Es verdient allerdings noch die  
 „ernsthafteste Untersuchung, ob die Wirkun-  
 „gen der Natur allezeit mit der größten Sim-  
 „plicität geschehen, oder ob wir nicht durch  
 „unsern Geschmack an der Simplicität zu die-  
 „ser Meinung verführt werden.“ Et reipsa  
 tantam difficultatem in systemate epigene-  
 seos non reperio, quantam vident adversa-  
 rii ejus. Si enim conjunctæ vires patris &  
 matris generandæ proli dicatæ ex materia  
 ovi præcipue struunt foetum organicæ stru-  
 cturæ, tunc tota difficultas in eo versatur,  
 quod ex materia rudi ac bruta vires ei in-  
 ditæ struant corpus organicum & artificio-  
 sissimum, finibusque prævisis ita adaptatum,  
 ut nullo intellectu humano tam bene exco-  
 gitari posset, quas vires tamen materiæ bru-  
 tæ nequaquam tribui posse autumant. Sed  
 mittamus istam hominum arrogantiam, qua  
 se solos & unice in tota rerum natura sa-  
 pere velle ostendunt, nec advertunt, quod  
 nec vilem aviculæ nidum tam affabre con-  
 struere norint, quam quidem ipsa despecta  
 avicula, ut millena alia stupendaque na-  
 turæ opera & quotidiana quidem taceam,  
 quæ neque a longe inspicere valet intelle-  
 ctus

\*) H o m e. Versuche über die Geschichte der Mens-  
 schen Th. 2. S. 5.



ctus humanus. Adorandus naturæ auctor  
 materiæ plures vires dederit, quam quidem  
 nobis constet, & adhuc plures virium com-  
 positiones ac miscelas, unde quotidiana na-  
 turæ miracula producuntur, si ipsemet im-  
 mediate & continuo agere noluit. Hoc  
 naturæ miraculum, quod nimirum ex ma-  
 terie, quam mater ac pater contribuunt ad  
 generandam prolem, struatur similis foetus,  
 auctores celebres jam per analogiam a longe  
 saltem declarare conati sunt: fieri nempe,  
 ut ex acido & alcali unitis nascatur talis  
 naturæ miscela, cui data sit vis particulas  
 novi salis colligendi in certæ & propriæ  
 sibi figuræ crystallos, ita ut salem marinum  
 cubos, coctum fontanum pyramides qua-  
 drangulares, nitrum prismata, saccharum  
 domunculas quasi struere videas. Ita for-  
 mari sexangulares floccos nivis, arbusculas  
*Dianæ* cuprum argentumque fruticans, cri-  
 stas plumulasque ferri, neque videri ab istis  
 ad confervas plantas, & fungos, totumque  
 plantarum regnum longum esse intervallum,  
 ut progrediendo a simplicissima salis figura  
 ad corpora magis organica vegetabilia tan-  
 dem etiam ad summe organica animalium  
 corpora continua perveniatur analogia \*).  
 Regerunt ad hæc adversarii: non valere istam  
 a salium cæteroquin inorganica structura ad  
 vege-

\*) Vid. adnot. HALLERI ad BUFFONII  
 theoriam generationis, in Oper. min. Tom. III.



vegetabilium & animalium summe organica corpora analogiam, cum hæc longe majori indigeant artificio; omnino non possunt hæc iis, quibus illa fiunt, produci viribus, sed pluribus nobilioribus & magis compositis fieri id posse quis negabit? & potentiam creandi combinandique tales vires AVCTORI NATURÆ utique in dubium non vocabimus. At, cum forsitan minus deceat nos in metaphysica devolvi, tantum id adhuc monuisse sufficiat: ut videant, qui materiæ vires struendo corpori organico aptas dari ab AVCTORE NATURÆ non potuisse aut non datas fuisse credunt, videant inquam, an facilius fuerit in ovo *Eve* milliones & milliones hominum, qui ab initio mundi continuo evolvuntur, & quidem omnes ac singulos jam perfectos & prædelineatos involvisse, quam quidem semini masculo & ovo feminino vires tales indidisse, quæ inde corpus organicum suæ speciei efforment; & postea quæremus ex iis, utrum evolutionum an vero epigeneseos systema continuo facilius se offerat intellectui.

Alterum, quod adferunt, argumentum, quod nimirum quodvis perfectum animal suo in primordio multo imperfectius sit, alterius figuræ & fabricæ, rude & informe plane, valde parum pro, quin imo potius contra evolutionem militare videtur; quia in systemate evolutionis ipsa prima animalis delineatio in germine similis esse debet perfectæ



fecto animali, & nequaquam alterius figuræ, multo minus alterius fabricæ, secus ex tali rudimento, ex tali prædelineatione, per solam evolutionem sine alia vi efformatrice ac directrice nunquam talis figuræ & fabricæ, quali postmodum gaudere debet, prodibit animal.

Tertio quod SWAMMERDAMIVS in chrysalide totum demonstraverit latere papilionem, quod in matura gemma arboris demonstrari possint folia, etiam floris petala, stamina, stigmata ac ipsum jam germen abscondita & convoluta, hæc reipsa ansam excogitando systemati evolutionum dederunt, cui etiam primo intuitu favere videntur, accuratius vero pensitata nequaquam. Nam in chrysalide papilio, in gema folia & flos formantur a primo suo exordio ad certum usque perfectionis suæ gradum, citra quem libero aeri tute committi nequeunt. quare si tam chrysalis quam gemma examinentur non multum ante suam rupturam aut explicationem, tunc talia ibi reperiuntur; si vero longe antea examinemus, nihil distincti omnino reperimus, cum nihil adhuc ita efformatum sit, ut in oculos cadat. Si in eruca jam demonstraretur papilio, aut flos in cortice & medulla arboris aut rami ejus, unde gemmæ pululant, paulo efficaciora essent pro evolutione argumenta, cæteroquin non stant magis pro evolutione quam pro epigenesi.



Quartum argumentum desumptum a formatione pulli gallinacei: qui suo in principio refert vermem informem cum incredibilis molis hernia de intestino exeunte, rostri vero nullo vestigio, neque artuum, neque viscerum, nec cordis quidem, quæ postmodum successive in conspectum prodeunt, *non quod prius non adfuerint, sed quod pelucidos limites non haberent definitos*, nullum est argumentum, sed simplex tantum assertio, quæ majori jure affirmari nequit, quam ab epigeneseos patronis negatur, qui ex informi prius & globulosa ovi massa per vires efformatrices ac structrices illas partes primo extrui, & ea proportionem ac ordine, quo efformantur, in conspectum prodire statuunt, solo sensuum testimonio contenti.

Quod porro observationem LEEVWENHOECKII concernit, qui ope suorum vitrorum in foetu, qui nudo oculo brutus videretur, distinctam fabricam se detexisse ait, sit fides penes auctorem, quem sæpe hypothese aliqua præventum non recte vidisse vel ex iis patet, quæ de cavitatibus nervorum dixit \*). Quod argumentum etiam procul dubio non magni ponderis visum fuerit Ill. HALLERO, quod tamen illud produxerit, videtur, quasi magis argumentorum copia quam qualitate pro evolutione concertare voluisset.

G 2

§. V.

\*) Vide meum tract. de struct. nervor. pag. 31.



## §. V.


An datur aliud argumentum, quod firmitus pro evolutione stet?

Majora argumenta pro evolutione cuiuspiam videri possent celeberrimi Viri LAZARI SPALLANZANI Professoris Ticinensis ac observatoris dexterrimi non minus quam celeberrimi, quæ ab ovis ranarum desumpta sunt \*). Examinauit Vir Cel. ova ranarum tam fœcunda quam infœcunda, & ne vel minimam differentiam in iis animadvertere potuit. Tam fœcunda quam infœcunda erant prius mucro tenaci obducta, tum habebant duas membranas concentricas cum pauxillo liquore aqueo contento, in quo natabat ovulum rotundum splendens ex dimidio nigricans & ex dimidio albicans. Pertuso ovo exivisse materiem semifluidam ex albo flavicantem coagulabilem, quæ microscopio examinata constabat ex particularum rotundarum flavicantium magna copia aquæ miscibilium. Hoc unicum tantum discrimen esse inter infœcunda & fœcunda

ra-

\*) *Prodromo di un opera da imprimerfi sopra le riproduzione animali.* Modena 1768. quod opus itaque binis annis serius prodivit, quam *Elem. Phys.* HALLERI Tom. VIII. & habetur in collectione quorundam opusculorum auctoris in lingua germanica sub titulo: *Herrn Abt Spallanzani physikalische und mathematische Abhandlungen.* Leipzig 1769.





ranarum ova : quod illa successive corumpantur mucore dissoluto & membranis ruptis , totumque ovum sensim consumatur ; hæc vero oblonga sensim fiant, & crescant, donec unum ovi oblongi extremum in caudam alterum in caput girini transformari manifeste videatur, accedere tunc animalculi sensum & motum, donec membranis, quibus involvitur, ruptis egressum per aquam libere natare incipiat. Ex istis observationibus sequentes conclusiones deduxit Cl. Auctor : *primo* quod nempe illa ranarum ova non sint vera ova, sed animalia ipsa convoluta ; *secundo* quod illa animalcula, girini illi dicta, in illis ovis jam ante foecundationem præexistant, & hoc vel maxime inde demonstrari, quod in nulla re differant nec foecundata nec infœcunda, sed foecunda nihil esse aliud quam convoluta animalia, ergo etiam infœcunda ; *tertio* patere inde ranas non esse animalia ovipara sed vivipara ; *quarto* fluere ex istis observatis aliquam veritatem, quæ multas obscuritates systematis generationis diluat, nempe quod optimi philosophi dicant ex ovo non generari pullum, nisi ovum a semine masculino foecundatum fuerit, se interim in ovis ranarum detexisse, quod dudum ante foecundationem ea notabiliter evolvantur, quia in utero, ut vocat, ranarum invenit ova triplo majora, quam in ovario erant, & tamen ovi foecundationem per insersionem semi-



nis masculi primo tunc fieri, quando ova a femina excernuntur. Dari itaque animalia, quorum germen incipit evolvi virtute matris, quod in avibus semini masculino tribuitur. *Ultimo* hic addi debet, quod primum Cl. Vir inter problemata proponit, nempe: „  
 „Wenn aber die kleinen Froschthierchen schon  
 „eine Bewegung des Herzens haben, und  
 „bereits einem merklichen Grad der Vergrößerung erreichen, ehe sie ans Tageslicht  
 „kommen: woher muß es kommen, 2c.<sup>\*)</sup>“

Hæ observationes nihil magis quam ova gallinacea systemati evolutionis favent, & conclusiones inde a Cl. SPALLANZANIO deductæ valde erroneæ sunt. Nam quod *primo* affirmet ova ranarum non esse vera ova, sed animalia ipsa involuta, mirum est, idem utique creditur de ovo gallinaceo, quod nihil sit aliud, quam pullus convolutus, per vim feminis masculini ex suo quasi sopore excitandus, & calore incubationis evolendus. Hoc unicum video adesse inter hæc ova discrimen, quod ranæ ovum fœcundum sensim alongetur & in caudam atque caput girini protrahatur, quæ figuræ mutatio in ovo gallinaceo fieri nequit ob resistantiam ejus crustæ terreæ, quæ si deesset,  
 in-

\*) Vid. opusc. cit. tract. de regenerat. cap. de existentia girinorum in ovis ranarum ante fœcundationem.

interius ovi membranaceum involucrum etiam figuræ pulli formati cederet, sicut membranaceum involucrum ovi ranæ cedit figuræ girini formati; sed hæc differentia cum essentialis non sit, nullum dubium est, quin tam ovum ranæ quam ovum gallinæ vera ova sint. *Secunda* conclusio quod ita rectius fieri potuisset, quisque facile perspiciet, nimirum: si in fœcundo quam in infœcundo ranæ ovo nihil ope microscopii detexit præter globulorum magnam copiam materiem ovi componentem, tunc rectius conclusum fuisset, animal nec ante fœcundationem nec statim post eam in ovo haberi, sed primo aliquo tempore post fœcundationem apparere. Ad *tertiam* conclusionem etiam jam in primo responso repositum fuit, quia ova ranarum vera ova dici possunt, & propterea si gallinæ non sunt viviparæ etiam ranæ non erunt. In *quarta* conclusione manifeste confundit ovi incrementum cum evolutione seu formatione fœtus. Ovula ranæ in ovario minima, dum inde ad uterum, ut eum vocat, usque descendunt, crescunt per ejus observationes ad magnitudinem triplo majorem, & mucos obducuntur, ut inter se cohereant. Istud ovi incrementum dependens unice a nutritione per succos matris ovo allatos ne vel minimum evolvit fœtum, ut per microscopium ipse edoctus fuit Cl. SPALLANZANIVS, qui, ut jam antea dictum est, in ovo tali



nihil præter granulosum semifluidum humorem flavicantem reperit. Sic quoque ova gallinæ in ovario minima successive crescunt per nutritivos matris succos, donec magnitudinem debitam aquirant, ut sufficientem materiem ad formandum pulum contineant, postea obducuntur testa terrea, & excluduntur, & an gallinæ ova infœcunda seu subventanea non æque crescunt ac fœcunda? Hucusque nulla sensibilis fœtus evolutio aut formatio in ovo facta est, sed primo incipit, ubi ovi fœcundi incubatio accesserit; sic etiam cum ovis ranarum est, quæ in matre crescunt ad certam magnitudinem usque, tunc excernuntur, & per insersionem seminis maris fœcundantur, quo facto accedente verno solis calore primo formatio animalculi in ovo ranæ incipit. Eadem res esse videtur cum ovis feminarum humanarum, quæ in ovario successive ad certam usque magnitudinem crescunt, donec dictas *Graafianas* vesiculas faciant, quibus factis accedente fœcundatione vesicula rumpitur, & quod in ea continebatur, in uterum per tubam fallopianam deducitur, ubi primo ex conjuncta matris & patris materie ac viribus ad generandam sobolem contributis fœtus formatio inchoat. *Ultimo* quod problema illud, quod in lingua germanica, prout traductum est, supra apposui, concernit, clare patet, quam parum recte Cl.





SPALLANZANIVS asserat in ovis ranarum jam ante eorum excretionem & ante fœcundationem haberi cor, illudque moveri, & totum animalculum jam notabilem magnitudinis gradum adeptum esse. Vtique Cl. Vir vidit per microscopium illis in ovis tam ante fœcundationem, quam statim post eam nihil præter materiem flavicantem semifluidam ex meris globulis constantem! nihil de corde, nihil de toto animalculo!

Si LECTOR BENEVOLVS paucas illas paginas in citato Cl. SPALLANZANII opusculo perlegere voluerit, ipsemet propiis omnia poterit spectare oculis, & spero eum reperturum vera, quæ contra illas conclusiones protuli. Et hæc jam altera occasio invito quamvis mihi se obtulit, ut palam facere debuerim, me conclusionibus Cl. SPALLANZANII assentiri non posse, quas ex suis cætero quin accuratissimis experimentis deduxerat. Duos nempe ante annos urgentibus quibusdam amicis edideram librum controversiarum physiologicarum\*), ubi me quibusdam Cl. SPALLANZANII sententiis opponere debui. Voluit enim primo cor utpote solum movens totius massæ sanguinis circulantis adstruere rejectis omnibus aliis causis adjuvantibus, quod qantopere & propriis ejus & aliorum experimentis rationi-

\*) Controversæ quæstiones physiol., quæ vires cordis & motum sang. per vasa animalia concernunt  
Viennæ 1778.



nique repugnet, ostendi; secundo voluit contra leges naturæ probare, moveri sanguinem ex trunco in ramos sine diminutione celeritatis non obstante luminum augmento cum ramorum numero incremente, & non obstantibus angulis, ad quos rami ex trunco orirentur, sic quoque flexuras vasorum non tardare motum sanguinis credidit se in suis experimentis vidisse; sed rejeci & hæc manifeste erronea experimentorum suorum judicia. Addidi quoque ad alia tam HALLERI quam SPALLANZANII experimenta, pro invenienda sanguinis velocitate in variis animalium partibus instituta, meas animadversiones, credens eas fore haud inutiles, cum experimentorum non recte judicatorum copia perniciose pestis in re litteraria sint, quibus nimis confiderenter tanquam veris fundamentis erroneæ superstruuntur doctrinæ. Hisce inimicitiam Cl. Viri SPALLANZANII me contraxisse intellexi ex difamatoriis litteris ad me directis \*). Silentio contempsi calumnias, probe gnarus talia & pejora adhuc contigisse viris de re publica litteraria summopere meritis, quam quidem mihi bene mereri tantum volenti, & quam parum firmi suis in objectionibus habeat ostendit abunde ipsemet in physiologicis nimis parum versatus adversarius. Respon-

\*) Lettera del l' Abate Ant. Castiglioni parmigiano indiritta al signor Dottore Giorgio Prochaska. Parma 27 Settembre 1778.



spondendum attamen aliquomodo esse ratus amicus \*), respondit calamo non minus acri, sed quoque docto, ut abunde & clare objectiones refutaverit non solum, verum etiam acorem acori apponendo ostenderit, se non plus quam par pari reddere voluisse, quod ii, qui utrumque scriptum viderint, intelligent. Vnicum tantum est, quod in responsione amici nostri emendatum cupio, quodque mihi hic loci addere liceat. Alegatur nimirum ibidem pag. 52. locus Cl. SPALLANZANII: *Trovatosi reale l' acceleramento del sangue circolante dalle vene minime alle medie, dalle medie alle massime, pareva che cagione produttrice di tale acceleramento si dovesse ragionevolmente rifondere nella maggior ristrettezza del canale, per cui deve passare il sangue, via via che si avvicina piu al cuore. Imperocche' nelle mie sperienze non aveva parte alcuna un altero principio, che generalmente negli animali concorre assaiissimo ad accelerare il moto venoso, cioè l' azione muscolare:* „ Ex quibus intelligitur SPALLANZANIVM accelerationem sanguinis venosi moti ex venis minimis in medias, a mediis ad maximas, non partim in diametrum imminutam partim in actionem musculorum, sed

\*) Ant. Slawik responsio ad epist. Reverendi Dni. Ant. Castiglioni directam in lingua italica ad Dominum Georg. Prochaska M. D. & Prof. Anat. &c. in causa præcipue celeberrimi Domini Spallanzani &c. Pragæ 1779.



sed in hanc solam refudisse; in quo quidem tanto major error est, nec advertit adversarius se argumentum contra Cl. SPALLANZANIVM urgere. Celeritas sanguinis tam venosi quam arteriosi per sua vasa moti bifariam debet dividi \*): in illam, quæ a lumine vasorum dependet; & eam, quam vires impellentes victis resistentiis producunt. Celeritas a lumine vasorum dependens se habet in ratione inversa luminum, ita si in minimis vasis summa diametrorum sit maxima, in mediis minor, & in truncis minima, erit celeritas sanguinis per ea moti in ratione reciproca, maxima in truncis, major in mediis ramis, & minima in minimis vasis. Hæc est lex hydraulica certa, de qua dubitari nequit. Sed hæc velocitatis truncorum ad eam ramorum mediorum & minimorum proportio in animalibus vasis facile variare potest, e. g. si rami medii vel minimi aliqui comprimantur aut obstruantur, tunc per ramos adhuc apertos velocitas sanguinis proportionate ad numerum & magnitudinem vasorum obstructorum increscet, ita, ut quibusdam in experimentis æquare quin imo superare potuerit velocitatem trunci. Nam requiritur, ut animalia vasa certam quantitatem sanguinis dato tempore transmittant, quod faciunt lentiore motu, ubi lumina multa

\*) Idem jam subintellexi in *Controv. quest. phys.* pag. 138 ad 141.



ta & magna sunt; si vero lumina minuantur tunc compensatur hoc aucta velocitate. Celeritas vero sanguinis per vasa animalia moti, quæ a viribus impellentibus dependet, siue enim a corde frequentius & validius contracto, siue ab actione aliorum muscutorum, qui actione sua tumentes compressis venis vicinis sanguinis earum reditum ad cor accelerant, proveniat, facit ut sanguis ex arteriis per venas minimas medias & maximas citius quidem ad cor redat, sed illam velocitatem proportionem non mutat, quæ est in minimis mediis & maximis venis semper reciproca summæ luminum. Sic in febre summa, licet multo velocius totus sanguis tam arteriarum quam venarum moveatur, quam quidem in naturali & sano statu, tamen propterea velocius in truncis quam in ramis mediis, & in his quam in minimis movetur, quæ differentia semper reciproca manet ad capacitatem vasorum. Vnde clarum fit, quod in SPALLANZANII experimentis illud celeritatis sanguinis venosi augmentum a ramis minimis ad medios, & a mediis ad maximos truncos non viribus impellentibus, nempe actioni muscutorum, sed soli luminum diminutioni tribui possit.



## §. VI.

Objectiones magis directæ, oppositæ systemati evolutionis, & utrum ad eas ab evolutionis patronis sufficienter responsum fuerit.

Objecerunt primo contra evolutionem animalia hybrida & plantas hybridas, tum quoque similitudinem patris & matris in prole partitam, quibus demonstretur foetus non prius constructum esse, quam duo matris & patris semina commixta fuerint, ita ut ab utroque femine aliqua pars prolis figurari ac nasci debuerit. Magnam difficultatem in his argumentis invenit Ill. HALLEVS<sup>\*)</sup>, neque sperat se posse mechanismum hujus miscelæ explicare, credit tamen hoc fieri vi feminis masculini, quæ possit certarum partium animalium, v. g. barbæ virilis incrementum promovere, fundamentum tamen futuri animalis à matre esse. Verum quod illa argumenta se tam facile expedire non sinant, videmus statim, dum ea pauló attentius rimari volumus. Videmus enim æthiopes cum europeis generare mulatas, in quibus non soli colores, sed etiam labiorum aliarumque partium proportionem ac formæ mixtæ sunt; ita quoque vitium patris in filios & filias in plures usque generationes propagatum fuisse legimus, e. g. in familia KALLEIA, ubi pater sedigitus

<sup>\*)</sup> Elem. phys. Tom. VIII. Sect. II. §. XXXVII.



tus tam in manibus quam pedibus generavit filium primogenitum cum eodem vitio, secundo genitus quinquedigitus quidem tantum fuit, sed pollice ubique crasso, quasi ex duobus connato, & uterque horum proles iterum sedigitas plures progeneravit. Similitudinem patris in filio sæpe tantam videmus, ut multum prævaleat notis matris, si quæ adsunt. Evidentissime simul ac luculentissime characteres parentum in prolibus permixtos videmus in hybridis animalibus ac quoque vegetabilibus : e. g. in mulo præter magnitudinem colorem & pilos pro parte matri similes, in auribus vero longis, dorso acuminato, cauda minus pilosa & vocis organo patris characteres tam manifesti sunt, ut statim primo fere intuitu asinum cum equo nixum in mulo videamus; sic vel maxime in hybridis volatilibus, omitto alia plurima quadrupeda, e. g. ex phasiano & galina vulgari, in hybrido ex carduele & serina tam multum de patre habetur, ut aliquando totus foetus patrem sequatur \*); idem quoque ipso in regno vegetabili observatum est, ubi hybridæ plantæ natæ sunt ex adspersione pollinis alterius speciei plantæ, & invenit in tali hybrida LINNÆVS \*\*) corticem sequi marem & medul-

\*) Apud HALLERVM in *El. phys.* Tom. VIII.

\*\*) *Gener. amb.*



dullam feminam, & vice versa observavit KOELREÜTERVS \*). Hæc attente, ut dixi, pensitata plurimum certe contra evolutionem probant, & sola vi masculini feminis, quod tantum possit promovere incrementum quarumdam partium animalis in ovo feminae delineati, explicari nequeunt. Vtique clare patet, quod ob tantam characterum patris & matris permixtionem in delineatione foetus materna per semen masculinum quædam partes deberent totæ destrui, & illis aliæ substitui, & interdum plane novæ, quæ in prædelineatione non aderant, inferi, exemplo sedigitorum illorum, ubi in delineatum in ovo matris filium a patre sextus digitus tam ordinate debebat implantari, ut singula ossa ejus, ligamenta, muscoli, & quæ sunt alia suis apte ponerentur in locis, & hoc quidem tam in manibus quam pedibus; & ubi porro sextus ille digitus delineatus erat? in semine patris? Hanc evidentem & insuperabilem pene difficultatem contra adoptatum sibi systema perspexit bene Ill. HALLERVS \*\*) inquit: „quando  
 „ hæc omnia comparantur, incertiores nos  
 „ fieri necesse est quam dudum. Adparet,  
 „ ab utroque parente in prolem aliquid  
 „ transivisse, plus in aliis de matre, in mul-  
 „ tis de parte. Et mihi videtur, si pater ma-  
 „ jor

\*) In proprio libello.

\*\*) Elem. phys. Tom. VIII. Sect. II. §. IX.





„jor fuerit, plus de patre, si major mater,  
„plus de matre superesse. Vt in animali-  
„bus idem quod in plantis locum habeat,  
„nempe eo plus de patre habuisse hy-  
„bridem nicotianam, quo plus pollinis mas-  
„culi spongiolis tubarum adpersum fuerit.  
„Sic per repetitam adspersionem pollinis  
„masculi sensim plantam hybridam ad pa-  
„tris similitudinem redire,, \*). Omnes istæ  
observationes quanto magis systemati evolu-  
tionis adversentur, cum foetum delineatum  
& extructum jam ante mixtionem maris  
cum foemina absolute negent, tanto magis  
favent systemati epigeneseos, in qua vis ma-  
ris & feminæ misceri statuuntur, ut com-  
positam aliquam constituent, quæ foetum  
parentibus similem ex materie ovi præcipue  
struat.

Haud minus firmum est alterum, quod  
evolutioni objecerunt clarissimi Viri a rege-  
neratione partium animalium abscectarum  
desumptum argumentum. Notum est poly-  
pos ex singulis frustis, in quæ dissecti erant,  
renasci integros; sic etiam caput & caudam  
lumbricorum toties restitui, quoties abse-  
cta fuerint; & plane caudas & extremitates  
lacertarum ac capita limacum recrefcere,  
quotiescunque truncata fuerint, ut taceam  
portiones cutis ablatae in homine regene-  
ratas, callos ossium novaque plane ossa in

H

ex.

\*) Per experimenta KOELREÜTERI.



experimentis *TROJÆ* renata \*), & cysticos tumores, ubi magna vasorum novorum copia produci videtur; unde conclusum est, cum istud per evolutionem explicari nequeat, dari aliquam vim in corpore animali, quæ dictas partes ablatas struat noviter, hancque vim procul dubio esse eam, quæ totum etiam foetum primitus ad archetypum extruxit. Hæc argumenta paucis expedire conatus est III. *HALLERVS*, quæ tamen accuratius pensanda esse videntur. Respondit primo ad polypos, eos per totum suum corpus habere disposita germina pro novis polypis, sicut in plantis, & ideo eos ita generare, ut nempe lateraliter ex corpore ejus nascantur tubercula primo, ex quibus integri producuntur sensim polypi; & fieri propterea, licet in frustra dissectus sit, cum in singulis frustris germina præsto sint, ut inde novi evolvantur polypi. Verum non videntur ista sic fieri, quia in uno e. g. majori frusto possunt esse plura germina quam unum, quare nunc illa plura germina non ad semel evolvuntur, ut ex uno frusto statim duo, tres, vel plures nascantur polypi? quare ad cujuslibet frusti scissos margines novarum particularum appositu tantum hoc, quod illi frusto deest ad constituendum totum animal, regeneratur? quare, si polypus

\*) Vid. Michaels *Troja* Versuche über den Anwuchs neuer Knochen. 1780.

pus per medium sectus sit, ad quamlibet medietatem alia nova medietas tantum recrescit? sic etiam est cum lumbricis, qui si totidem germina, ut cum BONNETO credit HALLERVS, pro capitibus & caudis haberent, quot illis post repetitas truncationes recrescunt, haberent hæc germina procul dubio semper determinatum annulorum numerum, sed si caput & cauda lumbricis recrescit ejusdem magnitudinis, cujus erat absecta (nisi nimis multi annuli abscindantur, tunc caput novum juxta SPALLANZANII experimenta brevius antiquo renascitur) tunc difficultas pro germinibus tanto major est. Lacertarum caudas a succo coagulato regenerari explicat Ill. Vir; nova vero vasa fibris musculosis & nervis donata subnasci aut ab anima efformari non credit \*). Verum oportet hic loci paucis saltem commemorare pulcherrima Cl. SPALLANZANII experimenta, quæ circa regenerationem partium animalium fecerat \*\*).


Primo præter repetita post BONNETVM in lumbricis terrestribus experimenta, etiam animalcula examini subjecit, quæ girinos vocat, quæque quasi larvæ sunt, unde ra

H 2

na

\*) *Elem. phys. Tom. VIII. Sect. II. §. XXXVI.*

\*\*) Vid. ejus *physische und mathematische Abhandl. u. opus ipsum, cujus prodromum dedit, non vidi, neque in biblioth. anat. HALLERI recensitum lego.*



næ generantur. In his absectam caudam regenerari perfecte ad quartam usque vicem & ultra expertus est ita, ut in nova tali cauda tam membranæ quam musculares fibræ & vasa arteriosa venosaque renata sint, quamvis hæc in nova cauda nonnihil aliam sanguinis circulationem illi facere viderentur, quam quidem in veteri fuerat. Observavit præterea quod tantum præcise renasceretur, quantum abstulit, nec plus nec minus, & facilius ac citius in junioribus quam in provectioribus. Secundo etiam limacibus terrestribus totum caput cum cornubus, oculis, &c. regenerari, quamvis valde organicum sit, cum suo gaudeat cerebro, nervis, oculis, cornubus, musculis, labiis, dentibus &c. fieri tamen hujus capitis regenerationem ita, ut in diversis experimentis diversæ capitis partes prius in conspectum prodeant. Tertio in lacerta aquatica caudam, pedes, imo totas maxillas perfecte una cum suis ossibus, ligamentis, musculis, vasis, & nervis, ipsisque dentibus, & quidem iterato, ut in junioribus intra mensem Iunium, Iulium & Augustum sexies & pedes & caudas novas perfecte renatas observaverit, hincque in unica salamandra spatium illorum trium mensium sexcentum octuaginta & septem ossa noviter regenerata numeraverit; in adultioribus tamen longius tempus requiri. In hac regeneratione præcise id redire notatur, quod ablatum est, e. g.



e. g. si in abscissione extremitatis posterioris femur in medio scindatur, renascitur tantum medietas hujus ossis, medietas etiam tantum muscutorum absectorum, & præterea omnes reliquæ partes pedis nec digitis exceptis. Esse tamen aliquando quidpiam deforme in novis istis partibus, quod mirum non est, cum rudimentum novæ extremitatis primo instar coni mucosi valde sensibilis appareat, quæ tenera pars tempore sui incrementi injuriis aeris & rudiori etiam contactui variorum corporum obnoxia est, unde natura turbatur non parum in illa efformatione, quod locum non habet, si illæ partes intra ovum e. g. efformentur. Quarto sicut salamandræ extremitates renasci observavit, ita quoque expertus est in junioribus ranis & buffonibus, quamvis tamen non tam facile & infalibiliter, sicut in salamandris. Est itaque plus in istis experimentis, quam expectaverat Ill. HALLERVS, videmus enim lacertarum caudas cum novis articulis, vasis, nervis & continuatione medullæ spinalis, & musculis regenerari, quæ non possunt igitur pro aliquo succi coagulo haberi, sic quoque totas extremitates maxillasque renasci una cum suis musculis, ossibus, vasis, nervis, imo adeo nobilem plane partem caput nempe limacis totum restitui. Quis non videt quam difficile sit hæc per evolutionem velle tueri? si germina integrarum illarum partium adsunt, quare me-



dia parte ablata tantum media renascitur? & quare non totum potius, quemadmodum delineatum est, evolvitur germen? omnis vero difficultas ablata esse videtur, simul ac vim quandam admittis, quæ a patre & matre in ovum venit, & quæ ex materia ovi præcipue foetum ejusdem cum parentibus speciei struit, quæque in perfectioribus etiam jam animalibus superest, nonnullis tamen tam efficax, ut etiam ablatas partes, ad vitam immediate non necessarias, restituere valeat in tantum, in quantum ablatae sunt.

Alias adsimiles difficultates oppositas systemati evolutionis non lubet refricare, cum partim in prioribus duabus contineantur, partim non tanti momenti esse videantur. Sic neque nævos aut alias deformitates foetus a terrore aut alio matris animi affectu natas producam, quibus nonnulli aliquid contra evolutionem se dicere posse crediderant, cum sic probaretur, posse in foetu quidpiam expositi mutari, neque adeo omnia manu divina prædelineata in ovo existere. De imaginationis matris in foetum effectu nondum satis convinci possumus, quia scrupulosæ matres semper aliquid inveniunt, quod accusent, plurimæ vero nihil accusare norunt, & vel maxime dubia ista fiunt per vegetabilium deformitates ac monstra, quæ accurate parallela monstris animalium reperiuntur, & vegetabili regno tamen vim imaginationis non tribuemus?

Tan-

Tantum adhuc difficultates Cl. Viri WOLFFII \*) contra evolutionem, quæ simul sunt argumenta pro vi aliqua efformatrice, paucis adducam. Imminere inquit interitum naturæ, si in evolutionis systemate tempore creationis mundi omnia germina quoque jam creata sunt, horum numerum & vim debere continuo sic minui, ut tandem deficere debeant. Et nihil in rerum natura occurrere, quod simile sit evolutioni, nam nubes, arcum coelestem, nivem, grandinem, pluviam, similiaque produci quidem, haud quaquam vero evolvi. Idemque dicendum esse de corporibus, quæ mixta sunt, ut sulphur est, sales, metalla. Quæcunque etiâ præter hæc in mundo cernuntur, montes, flumina, mare, solum, visceraque terræ evolutionis ne suspicionem quidem movere. Quæ in plantis & insectis videtur evolutio fieri, eam non esse talem, qualem MALPIGHIVS concepit, & qualem existere volunt, esse tantum teneras haud pridem efformatas plantarum partes, quæ tute nondum possunt injuriis aeris exponi, propterea convolutas & tegmine quodam tectas majus incrementum & robur præstolari; In oviparis & quadrupedis partes animalium non involutas prius esse, sed libere quasi propendentes generari & augeri, & demum membranis includi, & hoc tam per

H 4

cor-

\*) Vid. ejus *Theor. generat.* Hallæ 1774. præmonendum Sect. III. art. I.



cordis quam viscerum abdominalium formationem probari. Sed præcipua utique semper Cl. Viri argumenta sunt ejus observationes, quas tam in feminibus vegetantibus quam in ovis incubatis instituerat, ut oculis contemplari posset, qua ratione natura tam vegetabilium quam animalium primordia producat. Hæc tanti fecit Ill. HALLERVS, ut censuram longam illius libri hoc tenore inceperit \*) : „ Wir haben seit langer Zeit „ kein so wichtiges Werk gelesen, als des Hr. „ Caspar Fridrich Wolffs, eines Berliners „ den 24. Novemb. 1759. zu Halle verthei- „ tigte Probschrift, die den Titel führt Theo- „ ria generationis, und eigentlich eine Ver- „ theidigung der epigeneseos ist 2c. „ & por- „ ro in elementis physiologiæ.\*\* ) inquit : „ Nemo epigenesim efficacius defendit D. „ Casparo Friderico Wolff, qui & in vege- „ tabili & animali corpore incrementi ra- „ tionem & partium formationem contem- „ platus, utique a constante aliqua vi, quam „ dixit *essentialem*, & plantam & animal ex „ materie absque modulo strui, suscepit de- „ monstrare : cujus viri si experimenta ex- „ plicationem aliquam ( in favorem ni- „ mirum evolutionis ) non admittunt, „ desperandum est de causa, & recipi- „ enda

\*) Göttingische Anzeig. 1760. Halle. quæ tota recensio in WOLFFII *theor. generat. edit. Hall. 1774.* inserta est.

\*\*) Tom. VIII. Sect. II. §. XV.



„enda epigenesis. „ Observavit nimirum clarissimus Vir in ovo omnia ante incubationem & sub ejus initium ex globulis minimis constare, & aream umbilicalem sic eforniari, ut ea, quæ unam globulosam massam referrebat, jam in insulas multas finderetur interveniente materie tenuiori globulosa, hanc materiem se postea quoque in illas insulas insinuasse, ut eas rursus in minores divideret. Per has rimas moveri successive succum, & demum etiam sanguinem tanquam per rivos intra globulosam insularum substantiam exsculptos, cor nondum adesse; & postea primo rivos illos membranis involvi, ut ex iis fiant vasa; membranas illas autem formari a globulis ex insulis ad rivorum margines accedentibus, & ibidem sibi mutuo arcte accumbentibus. Sic etiam minimum foliolum ex gema desumptum tantum ex meris vesiculis constare vidit, quæ tam parum cohærent, ut mediante acicula quocunque dislocari possint; crescere hæc foliola interpositione novarum vesicularum inter priores, & humores nutritivos, qui solidescibilis naturæ sunt, moveri in illo foliolo primo per cellulas communicantes, & partim quoque per cellularum interstitia, ubi dimovendo eas ab invicem meatus sibi facit, postea in vasa abeuntes, cum succus solidescibilis semper ad latera rivorum aliquid deponat, unde vasorum parietes struuntur. Hisce & similibus experimentis, quorum

con-



contractissimum sensum tantum dare hic licet, palam facere conatur, quod tam in pulli quam folioli primordio nulla vasa adhuc nullæque partes præfiguratæ existant, sed quod primo ex materie rudi globulosa aut vesiculari formentur vi quadam, quam non determinat, quid sit, & quam *essentialem* vocat propterea, cum sine ea nec animal nec planta existere queat. Huic clarissimo Viro, cum in ovo nihil præter globulos videret, & propterea etiam ibi omnia vasa & alias animalis partes præfiguratas esse negaret, objecerunt HALLERVS & BONNETVS, quod non possit existentia partibus denegari, quæ propter parvitatem, pelluciditatem, & quietem in oculos incidere nequeunt; sed etiam ipsi sibi petunt concedi, & quidem gratuito, existere res, quas nullo sensuum testimonio demonstrare possunt. Inter argumenta Ill. HALLERI \*), quæ contra Cl. Wolffii sententiam urget serio, hoc præcipuum mihi esse videtur: quod Vir illustri illud gelatum, ex quo foetus formari videtur, in quoque nihil adhuc apparuit, solo spiritu vini affuso ita confirmaverit, ut statim fibræ, vasa, & viscera in conspectum prodirent, quæ merum gelatum prius esse videbantur; sic quoque pulmonem inconspicuum subito magnum paulo præcocius posse demonstrari, si albam cellulosam telam, qua constat, spiritu vini confirmaveris.

\*) Elem. phys. Tom. VIII. Sect. II. §. XV.



veris. Sed etiam hoc argumentum suo dubio mihi premi videtur : quid enim si in illo gelatu partes animales seu viscera quædam jam efformari cœperunt, eoque jam perfectæ sunt, ut tantum sola pelluciditas eas in conspectum prodire vetet? si totus foetus in pellucido gelatu prædelineatus latet, quare ab alcochole affuso statim totus foetus in conspectum non prodit? sed quare tantum quædam partes, quæ ad certum perfectionis gradum usque efformatæ sunt? utique spiritus vini non tantum ossa, musculos; vasa, nervos, & viscera, sed potius etiam tegumenta communia, quibus priores partes includuntur, in apicem producere deberet, si sola pelluciditate celarentur?

## CAP. VII.

Si evolutionum systema subsistere non videtur, qualem amplectendum veniat.

Duo systemata tantum reipsa Eruditi circa generationem animalium & vegetabilium adoptarunt : evolutionis unum; & alterum epigeneseos est. Si itaque foetus totus prædelineatus & præformatus in ovo ante fœcundationem non est, sequitur, quod ex post efformari debeat. Nunc adhuc humana curiositate ducimur eo, ut intelligere vellimus, qua ratione, qua de materie, & quibus viribus natura totum illud nobis, cre-



credo, nunquam revelandum mysterium perpetret.

Sicut systema evolutionis cum MALPIGHIO fere tantum incepit, ita e contra epigeneseos antiquissimum est, & propterea jam tot tam ab antiquissimis quam recentibus theoriæ epigeneseos datæ sunt, ut nimis longus fieri deberem, si omnes conquerere & accurate recensere vellem \*), perstringam tantum præcipuas.

Tam HIPPOCRATEM quam ARISTOTELEM, qui etiam quædam animalia ex putredine generari voluit, ex semine maris & feminæ commistis foetum formari dixisse, & a prævalente semine patris marem generari, ac vice versa a matris semine prævalente femineum foetum fieri credidisse monuit HALLERVS \*\*). Et EMPEDOCLEIS mentem fuisse, quod foetus partes discerptæ in utriusque parentis semine reperiantur, & collectæ postmodum in foetum uniantur. Clarissimi e secta sylviana Viri, qui chemicis effervescentiis omnes animales functiones fieri somniarunt, etiam spiritum feminalem maris acidæ naturæ & feminæ lixiviosum esse, hos inter se permixtos fervere, postmodumque se attrahere, & foetum formare crediderunt. Altera, quæ illam secu-

ta

\*) Plerasque attigit Ill. HALLERVS *Elem. phys.* Tom. VIII. Sect. II.

\*\*) *Elem. phys.*





ta est, secta *Stahlianæ*, quam *Willisius* fere incepit, & *Stahlius* excoluit, animam foetus sibi ipsi proprium corpus ædificare voluit. Alii postea prætendebant, non animam foetus esse, sed spiritum feminis masculini, qui ex materie ovi foetum ejusdem cum parentibus speciei formet. Quid ad omnia hæc responderit *Hallerus*, videre licet apud eundem \*)

Demum illustrissimus *de Buffon* theoriam epigeneseos exornavit, quæ quidem re ipsa perantiqua est, cum jam similia & *Democritum* & *Hippocratem* adnotasse retulerit *Hallerus*\*\*), & ipse *Empedocles* similia manifeste jam docuerit. Accuratius *Buffonii* theoriam jam a *Diogene* conceptam & conscriptam dedit *Gassendi*\*\*\*). Statuit Vir illustrissimus omnia corpora organica tam animalia quam vegetabilia componi ex moleculis activis semper, & vivis, ut e. g. sunt animalcula spermatica

\*) *El. phys.* Tom. VIII. Sect. II. §. XX. XXI.

\*\*) *Ibidem* §. II. & IV.

\*\*\*) *Animadvers.* in decimum libr. *Diogenis Laertii*, qui est de vita, moribus, placitisque *Epicuri* Lugd. 1649. Tom. I. pag. 679. 80. 81. notante D. *Favst* in libello *anatomische Beschreibung zweyer Mißgeburten* &c. *Gottſha* 1780. ubi totum illum *Gassendi* locum excerptum communicat, ut cum *Buffonii* de generatione theoria accurate comparari possit.



ca dicta, ac incorruptibilibus, quibus tam animalia quam vegetabilia nutriuntur, perficiuntur, & in quæ rursus resolvuntur. Has moleculas induere certam figuram & naturam illarum partium animalis aut vegetabilis corporis, ubi diu hæserant, & inde superabundantes quasdam semper devehit ad semen tam maris quam feminæ. In his cum diversarum partium moleculæ præsto sint, fieri in eorum commixtione, ut positis singulis illis moleculis ad suas partes efformetur parvum corpus parentibus simile. Huic theoriæ opposuit inter cætera ridiculum & bonum argumentum HALLERVS \*) quod nempe pater una alterave extremitate aut teste destitutus non posset nisi mancos extremitatibus aut testibus progenerare pueros, cum a deficientibus patris partibus nullæ moleculæ ad semen redire possint; quod tamen esse contra experientiam.

Tum Cl. NEEDHAM Buffonianam epigeneseos theoriæ experimentis robrandam suscepit. Occasionem illi dederant animalcula microscopica, quæ in infusione vegetabilium & animalium partium in aqua generantur exigua, globulos referentia, motu spontaneo gaudentia, & etiam fila varia vegetantia in eadem aqua enascentia. Credit

\*) Adnot. ad BUFFONII theoriæ de generatione in oper. min. Tom. III. & uberius in Elem. phys. Tom. VIII.



dit se inde demonstrare posse, quod partes infusæ totæ in hæc animalia aut ramos vegetantes resolvantur, ex quibus posse rursus accedente vi quadam productrice tam vegetabilia quam animalia corpora extrui. Ex his ad animalcula spermatica concludere videtur, quæ tam in semine maris quam feminae existere supponit, & ex quibus accedente vi quadam productrice posse foetum parentibus similem extrui contendit, exiguum quidem, postea tamen magis evolvendum. Ad hanc Needhamii sententiam accedit Cl. W R I S B E R G \*) affirmans se nunquam ovum animalculorum infusoriorum vidisse, hinc ea non ex ovis, sed ex resoluta infusa materie generari. Attamen egregie ista mihi refutata esse videntur a Cl. S P A L L A N Z A N I O \*\*), qui examinando N E E D H A M I I sententiam ratione horum animalculorum in generationis negotio, ostendit non nasci ea ex putredine, seu ex resolutis substantiis infusis, sed potius ex ovis quacunque ratione accedentibus.

Reipsa facile intelligitur nimis subtiles & ex incertis ac male dijudicatis observationibus petitas fuisse Ill. B V F F O N I I & N E E D H A M I I speculationes, quibus epigenesim & confirmare

\*) Observ. de animalculis infusoriis Gött. 1765. pag. 97.

\*\*) Vid. cit. opusc. physikalische und mathemat. Abhandlungen S. 120. 26.



re & illustrare conati sunt; hinc etiam evenit, ut non tot, quot facilis evolutionum theoria, sibi attraxerit asseclas. Plus lucis affudit epigenesi Cl. WOLFF \*), qui suis experimentis antea jam memoratis non solum evolutionem infirmavit valide, sed etiam meliorem in veris & accuratis experimentis fundatam epigeneseos theoriam dederat, quamvis obscuro nonnihil sermone usus sit, & nimium forte videri potest, quod probare & explicare velle videtur.

Si nunc quispiam omnia ista accurate pensitare velit, & videat observationes fere omnes circa generationis negotium captas contra evolutionum systema loqui, & e contrario eas potius pro epigenesi stare advertat, quamnam epigeneseos theoriam recepturus sit, non hæsitabit, spero, diu, utpote facile Wolffianam inter alias præstantiorem reperturus. Videbit porro, quid in laudata WOLFFII theoria adhuc veris observatis nondum sufficienter respondeat, aut utrum sufficientia observata jam facta sint; hinc quid in ea theoria addendum, aut auferendum, vel demum immutandum esset, ut tanto accuratior, clarior, perfectior, utiliorque tradi posset. Procul abest a me, ut me illum mortalium esse putem, qui omnibus numeris absolutam, prout ab humano potest fieri ingenio, tradat generationis the-


\*) Theoria generat.





theoriam, tantum liceat mihi quædam hic proferre, quæ credam vel maxime observatiskonformia esse, reliqua elaboranda relinquendo præstantioribus ingeniis, quibus si cogitata mea nulla ratione profutura sint, salutem a me commissos svadebunt vitare errores.

Certissimum est, quod tam in animalibus quam vegetabilibus, ubi sexus distincti sunt, maris æque ac feminæ requiratur præsentia, cum quisque suam generando foetui partem conferre debeat. Partem vero, quam femina confert, esse ovum, aut quid ovo simile, marem vero semen contribuere, ita ut pro certo maris semen, & feminæ ovum illæ partes sint, ex quibus futurus foetus strui debet. Porro quid ovo muliebri & femini masculo inesset, industria clarissimorum Virorum quoque examinavit, & reperta sunt primo in femine tam humano quam multorum aliorum animalium præter ejus lentorem ac foetorem peculiarem penetrantem ope microscopii animalcula plurima, anguillis similia, libero & spontaneo motu vividissime se agitantia & natantia; in efœtorum femine desiderari ea, & in morbidis languere affirmarunt. In ovis ranarum nondum fœcundis reperit Cl. SPALLANZANIVS materiem semifluidam flavicantem, & ad microscopium examinatam eam constitisse ex meris globulis, nihilque organici adfuisse; sic quoque prospexisse ova ranarum paulo  
 I post



post fœcundationem, ut nullum discrimen reperire potuerit. Ova gallinacea æque ex massa globulosa composita ad microscopium vidit Cl. WOLFFIUS, ut nihil quoque organici intus detegi potuerit; nam area umbilicalis æque ex globulis composita fuit, quam centrum, cui innascitur fœtus, sed hoc paulo minoribus.

Ex omnibus his tam in ovo quam femine maris observatis tamen ratio sufficiens non intelligitur; quarenam ex iisdem conjunctis artificiosissima machina struatur, oportet hic ingenue fateri nostram ignorantiam potius, quam in inanes & subtiles delabi hypotheses. Natura enim videtur totum generationis negotium in rebus infinite parvis, & nostros sensus nulla ratione percellentibus, nec ulla analogia assequendis celasse. Vnicum hoc nobis superesse videtur, ut, si virium ex ovo matris & femine patris novum fœtum fabricantium naturam non intelligimus, existentiam earum saltem agnoscamus.

Videtur itaque tam a patre una cum femine quam a matre una cum ovo vis quædam decedere, quæ ambæ vires conjunctæ postea constituunt vim compositam efformatricem, aut generatricem, quam WOLFFIUS *essentiâlem* vocavit, quæ sola sufficiens sit ad futurum ex materia ovi præcipue parentibus similem fœtum extruendum. Svident hoc animalia hybrida, in quibus cha-  
ra-

raçteres matris & patris mixti reperiuntur, ut aliquando tamen matris, aliquando patris prævaleant, ex quibus etiam verosimiliter concludere possumus non solum utrumque parentum aliquid virium ad fabricandum foetum contulisse, sed etiam interdum unum præ altero plus, si plures caracteres ab uno alterove parentum habuerit procreata proles. Si vero in prole nullus nec a patre nec a matre observatur distinctus character, videtur hoc intimæ eorum permixtioni esse tribuendum.

Ordo & modus quibus vis generatrix foetus partes, & totum sensim foetum perficit, ex observationibus ovi incumbati hauriri possunt\*), cum, si non eodem, saltem simili modo ac ordine foetus humanus & quadrupedum formari videatur.

Formato parentibus simili foetu pusillo quidem, & per ulteriora incrementa augendo, vis illa generatrix non perit, nec exhauritur, sed in eo activa adhuc persistat, & eadem esse videtur, quæ foetum sensim per varias ætates ad perfectum animalis statum perducit; & eadem vis est, quæ cutis portiones magnas ablatas pro maxima parte iterum regenerat, quæ vulnera partium mollium tam apte unit & consolidat, ut arteriolas arteriis & venulas venulis iterum con-

I 2

nectat,

\*) Vid. Elem. phys. Tom. VIII. Sect. II. §. X. & Cl. WOLFFII generat. theori. Tab. II.



nectat, quæ callos ossium format ossa fracta connectentes, &c. verbo eadem vis est, quam plerumque *Naturam* vocare consuevimus. Hæc vis longe adhuc efficacior est quibusdam animalibus, quorum vitæ tenacitas aliunde nota est; nempe in lacertis, quibus ablatas caudas & extremitates imo maxillas regenerat cum omnibus suis ossibus, musculis, vasis, & nervis; lumbricis quoque caput & caudam restituit toties, quoties abscindantur; sic quoque anguillis seu girinis caudas, & limacibus totum caput partem nobilem & valde compositam reproducit; polypis quoque ablatas partes restituit, & quod plus est, ex singulis frustis, in quæ dissectus fuit polypus, novos polypos producit, addendo ad quodlibet frustum tantum, quantum in eo desideratur ad totum animal formandum. Eadem ratione ostenditur vim illam generatricem in plantis perseverare valde efficacem, ut ramis depactis semper novi succedant; &, quod plus est, in salyce tanta habetur, ut ex singulis salicis ramorum frustis totidem novas arbores producere valeat, dum unum ejus extremum terræ humidæ immissum radices agat, alterum vero ramos per aerem dimittit. Et in ipsis arborum gemmis jam compendium illius vis generatricis latere videtur, quod una cum gemmis in alias arbores transplantatum suæ speciei ramos progenerat.

Mi-



Mirus demum generandi modus est polyporum, quem ipse per dies ac noctes cum admiratione intuitus sum. Nulla sexus distinctio in his animalculis est, sed tantum ex latere hujus animalis excrescit tuberculum, quod in novum & parenti simile sensim excrescit animal, hocque iterum similiter generat, quamvis adhuc parenti cohæreat, & sic generatam ac cohærentem totam familiam ad nepotes & pro nepotes usque extensam vidi, & pinxerat TREMBLEY. Aliud polypi genus campanulatum dictum sic generat: campanula antea aperta clauditur, & in globum contrahitur, post aliquot horas, globus incipit findi a superiore parte, ut vulgarem cordis figuram induat, quæ incisura continuo profundius penetrat, donec totus globus in duos globos divisus sit; tum uterque globus aperitur, & in campanulam mutatur, ut hac ratione videamus unum matris corpus in duas abiisse proles. Videtur Creator pro hac sine sexu distincto generatione in singulis individuis vim generandi sui simile conjunctam posuisse, quam alias in ovo feminæ & semine viri partitam locabat.

Quid porro vis illa generatrix seu essentialis WOLFFII sit, lubentes agnoscimus nos dicere non posse, sicut quid vis attractiva NEWTONI sit ignoramus, procul dubio autem illa non simplex aliqua vis est, sed plurium & admirabilium virium concur-



fu potius composita, quam etiam WOLFFIUS \*) determinare noluit, dicens: quæcunque vero sit hæc vis, siue propulsiva, siue attractiva, siue acri expanso debita, seu composita ex omnibus hisce & pluribus; modo præstet enarratos effectus, sufficiet ea præsentis scopo, & vocabitur a me vis essentialis *vel vegetabilium, vel animalium.*

Cæteroquin patet, quod hæc, quæ de generationis systemate ratio credere svidet, ad ea ferme redeant, quæ jam antiquitus HIPPOCRATES ac ARISTOTELES efati sunt; ex commixtis nempe maris & feminæ feminibus formari foetum & quidem ejus sexus, cujus semen vel maxime prævaluerit. Verum sit hoc iterum exemplum, quod interdum novas cogamur dediscere doctrinas, & ad antiquam redire simplicitatem.

### CAP. III.

De causis originis monstrorum.

Supereſt, ut hoc argumentum quoque paucis saltem attingam, quod tantopere a generationis systemate pendet, ut pateat, utrum posito epigeneseos systemate in theoria monstrorum quoque aliqua mutatio eveniat. Neque plane inutile fuerit hic variorum Auctorum sententias breviter repetere, quas de causis originis monstrorum ab omni fere ævo gesserant.

Per

\*) Theor. generat. part. I. cap. I. §. 4.

Per accidens strui monstra perantiquam omnino esse theoriā inquit HALLERVS \*) EMPEDOCLEM a feminis abundantia aut defectu, aut a principio motus, aliisque causis accidentalibus repetiisse monstra. DEMOCRITVM ex coalitu seminum in utero; alios a distorto per spiritum utero; ex defectu materiei, quæ gemellis sufficeret, partus semiduplices repetiisse LICETVM; & SCLANOVIVM iterum eosdem nasci ex confluxu gemellorum per terrorem aut amplexum. Bicipites partus fieri ex binis ovis confractis ex sententia HARVEI, LANCISII, & multorum aliorum. Inter recentiores Viros etiam multos fuisse, qui pro causis foetum per accidens mutantibus scripserunt. HEBENSTREITIVM a morbis repetiisse monstra, & alios ab animi affectibus matris, cujus sententiæ pro animi affectibus & imaginatione matris totus fere vulgus est, & eum non pauci adhuc sequuntur medici, cujus sententiæ nos esse antea jam allatæ rationes vetant. Ex concursu materiæ plasticæ cum aliqua causa morbosa CL. ROEDERERVM monstra nasci dixisse, cui sententiæ vires addidit LVD. LEMERY & CAR. BONNET, quia plasticam rudimenti animalis materiam accedente causa aliqua morbosa facile cum alio similis materiei rudimento concreescere

14

posse

\*) Oper. minor. Tom. III, in monstrorum physiologia cap. II. & III.



posse crediderunt, quam sententiam argumentis oppositis penitus evertisse mihi videtur HALLERVS \*) cum Cl. MAIRAN occasione sedigiti, in quem sextum digitum ab alio destructo foetu superstitem implantari non potuisse insuperabilibus plane difficultatibus propositis ostendunt. Plurimi postmodum tales causas monstrorum adoptarunt, ut aliqua per accidens nasci admitterent, dari tamen quædam, quibus in primis initiis fabrica fuit jam aliena. Hujus sententiæ fuit, quoque Ill. HALLERVS, qui omnium diligentissime certe in monstrorum causas inquisivit, nec minus eleganter mentem suam super hoc argumentum aperuit per singulas monstrorum classes cundo, ut ubique monere posset, quæ casui aut morbo adscribi posse crederet, quæve jam in germine vitiosa sibi fuisse viderentur \*\*). Sic cutis vitia, magnitudinem auctam, defectum tegumentorum, situm partium aliquomodo tantum mutatum, partes destructas, partes divisas, coalitus leves, fabricas etiam aliquas alienas ex morbo aut ex casu nata fuisse facili concedit; sed inversionem partium talem ut omnia alias dextra sint sinistra, naturæ errores tales, quos communiter varietates vocant, e. g. ex aortæ arcu quatuor ramos prodeuntes; tum partes  
ni-

\*) Ope. min. Tom. III. de monst. phys. cap. XI. p. 146.

\*\*) l. c. a cap. IV. usque ad cap. XXXII.





nimias, majoresque coalitus, ut est caput semiduplex, artus superflui, unicipites foetus & bicorporei simul, bicipites monocorporei, foetus pelvibus obversi, quadrimani bipedes, tripedes, & quadrupedes &c. & quoque aliqua plantarum monstra, non casu, non morbo, nec ullo coalitu facta esse, sed ipsorum germinum monstrosam fabricam jam præexistisse. Hæc ab HALLERO data causarum originis monstrorum elucidatio videtur adeo contentasse Eruditos, ut non noverim, qui post HALLERVM aliud quid de origine monstrorum tueri voluisset. Vnicus est clarissimus Vir FRID. WOLFFIVS\*), cui occasione vituli bicipitis, quem descripsit, quædam sententia excidit: quæ & quidpiam novi & quid ab HALLERI mente diversi sapere videtur. Ait nimirum clarissimus Vir monstra opera naturæ esse, quæ caruere successu; & nasci ex alicujus vegetationis, seu copiosioris secretionis succi in solida organica abeuntis, luxuria, adeoque sui monstri, quod descripsit, fundamentum esse vegetationem luxuriantem, qua novus fons succorum apertus toti accessorio capiti & collo producendis ansam dederat. Postremo non erit hic plane silentio prætereundum opusculum GL. D. FAVST continens descriptionem anatomicam duorum monstrorum cum conjecturis de causis monstrorum in  
ge-

\*) Nov. comm. Acad. Petrop. Tom. XVII.



genere, quod opusculum etiam in linguam germanicam traductum nobis nuperrime dederat \*). In germinibus præternaturaliter effectis causam monstrorum ponit cum HAL- LERO, in eo ab illo forte diversus, quod causarum aliarum præter vitiosam germinis fabricam non meminerit, quibus tamen aliqua monstra deberi lubens dat HALLERVS, & quod animalia hybrida ad monstra spectare neget, cum illa certæ legi subiecta sint, hæc vero minime. Præcipua autem intentio Cl. FAVSTII esse videtur; consternere sententias de origine monstrorum clarissimi LEMERY & WOLFFII, cum sibi prior nondum sufficienter, altera vero plane nondum refutata videretur. Speciali ejus argumentorum enarrationi mihi immorandum esse non videtur, cum libellus recentissimus aliunde cuilibet ad manus esse possit; mihi videtur, quod in refutatione WOLFFII justo plus aculeis figendis quam eruendæ veritati studuerit.

Si quis attente omnes monstrorum classes percurrat, videbit facile multos fœtus monstrosos ex post redditos fuisse, plurimos vero tales jam primigenie efformatos esse. Nam quod fœtus post conceptionem primis temporibus rite efformatus postmodum reliquo tempore, quo in utero

ma-

\*) Anatomische Beschreibung zweyer Mißgeb. u. s. w. Götth. 1780.

materno hæret, a causis præternaturalibus morbosis aliquomodo vitari ac deformari possit, nullus credo in dubium vocabit; sed hæ deformitates etiam non possunt esse aliæ, quam quædam cutanea vitia, vel quarundam partium justo majus vel minus incrementum, vel earum præternaturalis coalitus aut divisio, quæ in foetu jam recte formato oriri possunt a variis causis foetui vel a sanguine matris, vel ab humore foetum ambiente, funiculo umbilicali, placenta, & ipso utero communicatis. Nam quod acrimonia sanguinis possit variis cutis vitiis ansam dare certum est, sic quoque cutis excoiationes coalitui digitorum, labiorum, ani &c. ansam dare possunt; & causæ aliquæ morbosæ in foetu nasci possunt, quæ humorum in aliquam partem affluxum vel augeant vel minuunt justo plus, & tunc incrementum earum justo majus vel minus intelligitur. Verum tales foetuum monstrositates, ubi partes quædam nimix sunt e.g. capita, extremitates, & ipse truncus duplex; vel ubi iterum talis notatur partium defectus e.g. artuum tam superiorum quam inferiorum, tegumentorum & ossium cranii & ipsius pro maxima parte cerebri, ubi nulla corruptio ac putrefactio, quæ illas partes destruxisset, accusari potest; vel ubi demum aliena fabrica detegitur e.g. vasa aut nervi alio, quam solent, loco exorti, alia, quam solent, ratione distributi, viscera



ra aliter quam solent figurata & locata, ut a dextris sint, quæ solent esse sinistra, quinimo multiplicata; hæc & similia in foetu non ex post fiunt, sed primigenie una cum foetu eodem tempore formantur. Vis enim, quam foetus corpus ex materie ovi præcipue struere diximus, suo in labore debet posse interdum ita turbari, ut partes nimias aliquas a recto suo deflectens tramite extruat, ut partium aliquarum aliquomodo aliam, quam solet, faciat fabricam, & potest quoque in suo opere plane ita impediri, ut quasdam partes imperfectas faciat, quin imo nunquam efformet. Causas, quæ vim illam efformatricem tantopere turbent, & impediant in recto suo opere, æque difficile est determinare, quam dicere in quonam vis illa efformatrix consistat; attamen interdum sic se illæ turbantes causæ habere videntur, ut una alteram ponat: exemplo sit monstrum quod in historia prima antea descripsi, in quo viscera abdominis, puta intestina tenuia, ventriculus & hepar antrorsum & deorsum per secedentes musculos rectos abdominis descendencia fecerunt, ut ossa pubis sejuncta essent non tantum; sed forte etiam ut os sacrum deforme esset, & innominata ossa non recte formata viderentur, unde etiam perversus femoris sinistri situs intelligitur. Quia multum quoque pelveos contenta premi






mi oportuit ab illa hernia, est forte quoque ratio, quare nec vesica urinaria nec vagina nec vulva nec rectum intestinum nec ipsum colon strui potuerint; quidquod comprimendo nervos & vasa extremitatum inferiorum potuit data esse occasio, quare ultra femora vix perexerit extremitatum inferiorum efformatio.



# ERRATA.

<i>Pag.</i>	<i>lin.</i>	<i>lege</i>
3	6 lethali	lethalis.
33	5 abstrueto	obstrueto.
—	21 expimuntur	exprimuntur.
37	5 lethali	lethalis.
51	11 dolore	dolere.
57	8 vi	omni.





















manuscript

11/14/18

2/1/19

